

- A sumpti, dictum illud spectant, quod Æsopo Stobæus tribuit, de mantica seu sacco duplici, quem homo quisque circumferat: et alterum quidem in pectore, vitiis onustum alienis; alterum in tergo, quem et peccatis propriis oneret, et nunquam inspiciat. Queritur ergo biographus noster illorum errorem, qui virtutis nullam uspiam rationem habentes, sola ubique vitia considerant; vitia, inquam, sola: non sua tamen (utpote a tergo posita) ut exuant; sed aliena tantum, ut arguant, eoque se satis bonos, imo ceteris, quibuscum vivunt, meliores existiment, quod ea, vel iis etiam graviora, sibi quoque inesse non videant.
- f De tempore hujus itineris, vide Commentarium prævium num. 6.
- g De hoc monasterio satis diximus ibidem num. 1 et seqq. Descriptio ejusdem amplior est apud Corvaserium a pag. 505.
- h In novum opus, id est, in novam ecclesiam cathedralem.
- i Corvaserius Ms. citat, in quo hæc translatio facta dicitur anno præcedente: et facile potuit in his ipsis Actis scriptum fuisse MCCLIII, et legi deinde MCCLIV, sive ob lituram aliquam, qua posteriores duæ litteræ II in unam V coaluerint; sive quod minus recte ductæ, ita ad se mutuo inferne accederent, ut vel junctæ omnino, vel jungendæ viderentur. Certe, cum res acciderit juxta hæc Acta nostra post octavas sancti Paschæ, hoc est, vespere Dominicæ in albis, ut ex contextu liquet; et juxta vetustum catalogum Cenomanensem a Mabillonio Actibus Pontificum ejusdem ecclesiæ præfixum, quinto Kalendas Maii, in quem Dominica in albis incidit, non anno 1254, sed anno 1253, hic omnino annus præ illo admittendus videtur. Puncta porro, quæ hic et ad finem sequentis numeri adjiciuntur, indicant, omissam studio a nobis esse partem maximam historiæ translationis hujus; ut quæ ad S. Julianum proprie pertineat, referendaque aliquando sit integra ad diem 27 Januarii.
- k S. Ludovici IX fratrem, ac Siciliæ postea regem; sub quo decantatæ illæ Siculorum Vesperæ.
- l Unde ergo asserunt Corvaserius et Bondonnetus, cum decimo quinto post adventum die incidisse ibi primum in febres?
- m At quamdiu sepultus ibi mansit? Incertum est. Translatio certe ejus in Galliam videtur (quidquid aliter sentiant aliqui) auctore nostro posterior; cum de illa non meminerit. Vide Commentarium num. 2.
- n A die namque electionis ejus 16 Septembris anni 1234 usque ad 3 Augusti anni 1255, anni sunt 20, menses 10, dies 18.
- o Inter hæc recenset Corvaserius fenestras chori e vitris vario colore pictis, ejusque etiamnum insignia referentibus.
- p Reservatorium hic intelligo thecam corporaliū, quæ nunc solet bursa nuncupari.
- q Sotulares pro calceis in Actis nostris jam sæpius recurrerunt.
- r Samitum, exametum, etc., pannum holosericum interpretatur Cangius in Glossario ad vocem Exametum; ubi et nominis inflexiones varias, et etymologiam consule.
- s Et hoc genus est panni serici, ut liquet ex Cangio ad nomen Cendalum.
- t Borguerantum videtur esse telæ subtilis species, de qua consule Cangium ad vocem Boquerannus.
- u Animadvertite hic iterum ætatem auctoris et professionem: non enim ita loqueretur, nisi tunc de cathedralis ecclesiæ clero fuisset.
- x Pallium rotatum, apud Cangium simpliciter Rota, est pallii ecclesiastici species in formam rotæ efficti, vel pallium rotarum figuris distinctum.
- y Baudequinus seu Baldakinus, teste Cangio, pannus est omnium ditissimus, cujus stamen ex filo auri, subtemen ex serico textitur, plumario opere intertextus. Frequenter etiam sumitur pro umbraculo sive umbella.
- z Legendum videtur Chirothecarum, his enim in pontificalibus utuntur episcopi: et certum est, hic passim in orthographia peccari.
- aa Cambuta seu Cambuca sæpe accipitur pro toto pedo sive baculo pastoralis; hic tamen cum ab illo distinguatur, videtur superiorem tantum ejus partem incurvam significare; quo sensu invenitur etiam a baculo pastoralis distincta non semel eodem seculo in Visitatione ecclesiæ S. Pauli Londinensis, Monastici Anglicani tom. 3. pag. 314.
- bb Camahutus, Gallis Camayeū, lapis est pretiosus figuras repræsentans non impressas, sed ingenitas. Vide et Cangium ad vocem Camaeus.
- cc Troparius est liber ecclesiasticus, qui tropos continet; ut Antiphonarius, qui antiphonas, etc. Tropus autem est versiculus, qui in præcipuis festivitibus cantatur ante introitum Missæ.
- dd Ordinarios, id est libros, in quibus ordinatur modus, quo celebrari debet divinum Officium.

DE B. AUGUSTINO EPISCOPO.

EX ORDINE FF. PRÆDICATORUM,

LUCERIÆ IN APULIA.

COMMENTARIUS PRÆVIUS.

§ I. Legitimus Beati cultus ex diversis monumentis.

AN. MCCCXXIII
B. Augustinus
Luceriæ
in Apulia

Luceria, vulgo Lucera, quæ nomina successu temporis cum Nuceria et Nocera (ut nunc etiam appellari solet) fuere commutata, urbs est mediterranea Apu-

liæ Dauniæ, exiguo tamen colli imposita versus Austrum ad flumen Cerbalum inter Beneventum et Sipontum, a quo in Occidente triginta millibus passuum distat, a Benevento paulo remotior, a Neapoli in ortum æstivum ad septuaginta, proxima Vulturariæ et Troiæ, et Equo Tutico. Dicta autem Apula (uti et Nuceria Saracenorum) ad discrimen Campaniæ, Umbriæ, et Galliæ Cis-Padaniæ Nuceriæ: sed et Luceriam denominatam fuisse, quod in Apulia luceat ob loci, in quo sita est, amœnitatem, Petrus Ranzanus, ejus civitatis episcopus, affirmat in libro, quem de ejus lau-

AUCTORE
G. C.

laudibus scripsit. Ita Ughellus in *Italia sacra novissimæ editionis Venetæ* tomo 8, col. 313, *plura ibidem addens de antiquitate variisque casibus ejusdem urbis, quæ olim B. Augustinum episcopum habere meruit, et hodiernum sacras illius reliquias summa veneratione conservat.*

pro Sancto
habetur,

2 *Majores nostri jam dudum solliciti fuerunt, ut de legitimo lajus beati Præsulis cultu certiores redderentur. Hinc anno 1687 cura nostri Caroli a Manderscheidt, qui tunc Romæ commorabatur, obtinuerunt a PP. Prædicatoribus Lucerinis sequens responsum: Gloriosus Augustinus ad episcopatum primo Zagrabiensem, deinde ad Lucerinum ex Ordine S. Dominici assumptus, nedum gaudet titulo Beati, verum etiam Sancti: nam Luceriæ sic acclamatur, appellatur, et invocatur tum in publicis tum in privatis orationibus et processionibus, et etiam sic inscribitur; nam in choro cathedralis ecclesiæ S. Mariæ de Luceria, ubi est depicta imago prædicti gloriosi Augustini, sic legitur: SANCTUS AUGUSTINUS EPISCOPUS LUCERINUS ORDINIS PRÆDicatorum. Sic etiam habetur in capella S. Rocchi ejusdem ecclesiæ, ubi cum reliquis statu is reperitur etiam statua ejusdem sancti Augustini cum eadem inscriptione videlicet: SANCTUS AUGUSTINUS EPISCOPUS LUCERINUS. Hoc etiam videtur in pluribus locis civitatis, signanter in porta majori, ubi conspicitur imago S. Augustini, tamquam principalis patroni; licet modo ob temporum injuriam prædicta imago totaliter non appareat. Hæc satis probant hodiernum B. Augustini cultum, cujus antiquitas jam indaganda est.*

B

quem Carolus
dux Calabriae,

3 *Statim ab obitu beati Præsulis publica fuit de sanctitate ejus fama, ut patet ex litteris Caroli ducis Calabriae, quæ apud Ughellum in proxime citata editione Venetæ Italiae sacræ tomo 8 col. 319 et 320 sic sonant: Sanctissimo in Christo Patri et clementissimo Domino Joanni divina providentia sacrosanctæ Romanæ ac universalis Ecclesiæ summo Pontifici Carolus dux Calabriae recommendationem humilem, et devota pedum oscula beatorum. Ne multiloquio, alme Pater et Domine, occupatissimas aures Sanctitatis vestræ fatigem, desistendum vidi præsentī pagina pandere plurimam in partibus istis laudem, quam sibi beatus pater Augustinus, quondam episcopus civitatis sanctæ Mariæ, dudum vocatæ Luceriæ, ex miraculorum affluentia, quæ post ejus obitum divina clementia, veluti copiosa in misericordia et in retributione munifica, jam meritis ejus ostendit, et quotidie dignatur ostendere, vendicari.*

C

litteris ad
Joannem
XXII Papam
datis,

4 *Credo equidem illorum aliqua jam esse ad notitiam vestram ex relatu divulgantis famæ perducta, et exspecto ac etiam cupio, quod singulariter singula, quæ profecto magna esse noscuntur, ad ipsam notionem vestram, etiam et in publicum per opportuna indagationis seriem deducantur: sicut enim fide digna relatio me nuper instruxit, non ignotum Beatitudini vestræ fuit, cum adhuc ipse in hoc esset seculo constitutus, quam mirabili sinceritate vitæ micabat, pollebat claritate scientiæ, ac mirificis operibus coruscabat. Ego quoque, mi Domine reverende, teste Deo et conscientia bona loquor, quod eo mecum, cum primum petiit partes istas, per vices aliquas colloquente, concepi et vidi tam in ejus verbo et facie, quam in gestu, quod valde amabilis ejus conversatio esset, quodque omnia, quæ in eo erant, non nisi notabilia, et eruditio ad virtutes ac ad salutem ædificatio viderentur; quodque dum post ejus migrationem ad Dominum ex de-*

votione magna, qua ad illum afficior, ejus limina visitassem, magna mihi fides facta est de nonnullis miraculis per ejus excellentia merita divinitus perpetratis.

D

5 *Cum itaque ad instruendum certius Beatitudinis vestræ scientiam ac devote petendum de ipsius beati Patris vita et miraculis pariter inquiri secundum morem Ecclesiæ in talibus consuetum, latores præsentium Sanctitatis vestræ pedes cum reverentia debita et fiducia magna petunt, devotus postulo, supplex quæso, ut alma et perspicax providentia vestra, benigna, si placeat, petitionem ipsam consideratione discutiens, et ad eam exaudiendam mentis aciem dignanter inflectens, inquisitionem ipsam jubere fieri, ut moris et juris est, gratiose dignetur; quæ ubi patrata fuerit, vestroque conspectui præsentata, si effectus ejus suadeat, et vestra benignitas id decernat, præfatum Patrem in illius reverentiam et honorem, qui eum veluti laudabilis retributor sanctificare dignatus est, in Sanctorum, si placet, matricula cum sonoro canonizationis præconio, ne ipsius merita grandia operaque mirifica debito præmio careant, adscribatis; per quod sancta mater Ecclesia de tanto novæ aggregationis consortio vestri felici tempore præsidatus jubilet, et exsultet civitas, in qua ipse feliciter obiit, et felicius in Domino requiescit. Scriptum Neapoli anno Domini MCCCXXV, die xx Octobris, nona Indictione.*

sollemniter in
numerum
Sanctorum
referri petit.

E

6 *Ughellus ibidem præfatur, hoc epistolæ apographum ex regio regesto Caroli illustris fol. 31 sub littera B desumptum fuisse. Id etiam testatur Sigismundus Ferrarius in Appendice ad commentarios de rebus Hungariæ provinciae Ordinis Prædicatorum pag. 43, ubi eandem Caroli epistolam edidit, et pagina sequente ad authenticam illius fidem probandam hæc subjungit: Extracta est præsens copia a supradicto originali registro, quod conservatur in archivio magnæ regie curiæ Neapoli, cum quo facta collatione concordat, meliori tamen semper salva; et in fidem infradictorum magnificus Petrus Vincenti U. J. D. regius archiviarius hic se subscripsit, et signum consuetum apposuit. Neapoli die xx mensis Octobris MDCXXIII. Ex eodem archivio prodit nostrum Ms. earundem litterarum ecgraphum, cui Antonius Vincenti (forte is Petri præcedentis consanguineus est, aut in prænomen error irrepsit) regius archiviarius similem clausulam subnexuit, et Neapoli die vii Januarii MDCXXVIII nomen suum subscripsit. Porro hæc tria supplicis epistolæ exemplaria non ita inter se differunt, ut operæ pretium sit observare nonnullas levioris momenti discrepantias, quæ ex oscitantia typothetarum aut amanuensium facile oriuntur.*

Ex his authenticis
litteris,

F

7 *Patres Prædicatores Lucerini in supra memorato responso asserunt, Joannem XXII Pontificem desiderio Caroli satisfecisse, et B. Augustinum catalogo Sanctorum sollemniter adscripsisse, licet hoc tempore Bulla Canonizationis perierit aut alieubi delitescat. Præterea addunt, sibi tunc ab eodem Pontifice concessum fuisse proprium de beato suo Præsule Officium, in quo lectiones secundi et tertii nocturni sunt de historia narrativa ejusdem Sancti omnium miraculorum ab ipso patratorum, ut loquuntur. Hanc assertionem suam probant ex iis, quæ Præscriptor Apostolicus (quis ille fuerit, non indicant) tractatu de cononizatione Sanctorum sic scribit: Joannes XXII concessit Officium FF. Prædicatoribus Luceriæ; quæ quidem Bulla die iii mensis Augusti, quo die celebratur festum*

et veteri Of-
ficio,

præ-

AUCTORE
G. C.

A prædicti S. Augustini demonstrabatur toti populo fidei : et nunc sunt multi viventes, qui ipsam inspexerunt, licet modo ob Patrum incuriam non reperitur.

quod a Joanne XVII Pontifice

8 Hoc etiam supponit illustrissimus J. Tomæus Marnaviti, qui Acta B. Augustini copiose collegit, dum apud Sigismundum Ferrarium in proxime citata Appendice pag. 42 et 43 sic disserit : Antiquissimus porro ejus cultus statim ab ejus felici obitu fulcitur concessione Joannis XXII, cujus tempore in cœlum abiit; quæ concessio ex sequenti Caroli ducis Calabriae et vices Roberti regis per Apuliam exercentis supplicatione colligitur, nec non ab anniversario sacro ejus Officio, ab eodem tempore per clerum Lucerinum continuato, quod nuper ab illustrissimo et reverendissimo domino Suardo, Lucerino episcopo, viro nobilitate et eruditione conspicuo, acceptum supplicationi adjungemus. *Erat is Fobritius Suardus Neapolitanus, ut apud Ughellum tomo 8 Italiae sacræ col. 325 legimus, familia nobili natus et eruditione clarus, qui anno Christi 1619 die 28 Januarii Lucerinum cathedram ascendit.*

B
pp. Prædicatoribus ac clericis Lucerinis

9 Sigismundus Ferrarius in opere de rebus Hungaricæ provinciae Ordinis Prædicatorum parte 2, lib. 1, cap. 18 totum istud Officium typis vulgavit; eique præfixit hunc titulum : Officium in festo B. Augustini episcopi Luceriae, a Fratribus Prædicatoribus recitari et decantari Joannis XXII summi Pontificis indulto solitum. *Deinde in eo præter alia propria, quæ hic brevitate causa omitto, in primis Vesperis legitur sequens oratio : Omnipotens sempiternus Deus, qui B. Augustinum de Dalmatia, Ordinis Prædicatorum, in verum præsulem Lucerinum eligere voluisti, quique ei dæmones expellendi, et eunctorum morborum languores sanandi gratiam contulisti, concede, quæsumus, ut qui ejus festa percolimus, ipsius apud te patrocinia sentiamus. Per Dominum, etc. In Laudibus autem hæc alia recitatur oratio : Præsta, quæsumus, omnipotens et misericors Deus, ut qui beati Augustini episcopi Lucerini gloriosi solennitatem devotissimo celebramus Officio, et temporalem nobis suis precibus tranquillitatem tribuat, et vitam conferat sempiternam. Per Dominum nostrum Jesum Christum, etc.*

concessum fuisse dicitur,

C

10 Ceterum in hoc Officio non tantum lectiones secundi et tertii Nocturni sunt de historia narrativa ejusdem Sancti omnium miraculorum, ut Prædicatores Lucerini supra affirmabant, sed etiam in Lectionibus primi Nocturni ac in ipsis Responsoriis miracula recensentur. Quidquid sit de hæc, iidem Patres Lucerini satis ostendunt, antiquum esse B. Augustini Officium, dum propositis Majorum nostrorum interrogationibus ibidem ita respondent : Officium invenies Romæ vetustissima manu Longobardorum scriptum apud eminentissimum Pamphilum, qui fuit a sacra Congregatione factus Ponens causæ prædicti sancti Augustini pro lite præcedentiæ in processionibus Luceriae inter eundem Sanctum, et sanctum Antonium de Padua.

colliguntur antiquius istius Præsulis cultus,

11 Antiquitas ejusdem Officii etiam satis colligitur ex testimonio, quod Sigismundus Ferrarius ei subjungit in hunc modum : Exemplar hujus Officii extractum ex vetusto originali, quod antiquo pergameni servatur in archivo conventus S. Dominici urbis Luceriae, fideliter collationatum per abbatem Carolum Strangiam, ordinarium actuarium, et publicum Apostolica auctoritate notarium episcopalis curiæ Luceriae, obtinuit, et transmisit mihi admodum reverendus

pater F. Dominicus Gravina, sacræ theologiæ magister, regiæ cathedræ theologicæ in universitate Neapolitana moderator, archiepiscopalis curiæ theologus, et sancti Officii consultor, anno MDCCXXXVI. *Sed cum ibidem fateatur, in editione istius Officii pauca alicubi verba, quæ propter Italicum idiotismum vulgo non intelligerentur, immutata a se fuisse, sententia fideliter retenta, nos ea miracula primigenio stylo postmodum dabimus ex illo Ms. Officio, quod noster P. Beattillus anno 1639 ex urbe Neapolitana ad Mojos nostros misit, et potius in Annotatis, quæ subjiciuntur, explicabimus ea, quæ obscura aut intellectu difficilia videri possent.*

12 Ex his testimoniis saltem patet, in civitate Lucerina celebrem ac immemorabilem fuisse B. Augustini cultum, qui etiam præterito sæculo viguit, ut intelligimus ex frequenti populi concursu, aliisque venerationis signis, quæ laudatus Ferrarius in Historia Hungaricæ provinciae Ordinis Prædicatorum part. 2 lib. 1 cap. 16 narrat his verbis : Cum beati Augustini virtus in dæmonibus ab humanis corporibus expellendis maxime elucescat, magno quotidie numero energumeni ad ejus sepulcrum spe gratiæ et liberationis undeque conveniunt, qui spe sua minime frustrati, Deo et beato Episcopo debitis gratiis exsolutis, læti ad propria revertuntur. Et mirum sane est, quantum dæmones beati Episcopi reliquias exhorrescant : ubi enim galerus quidam paleaceus, quem is gestare solebat, energumenis imponitur, oculis suffunduntur, capite intorquentur, pectore ac gutture intumescunt, totis denique corporis membris dissipantur, ut affatim patefaciant, non adco graves sibi esse gehennæ cruciatus, ut quos ex sanctarum illarum exuviarum tactu perpetiuntur.

qui seculo præterito adhuc vigeat,

E

13 Hinc ad pedes aræ beati Viri ex pariete mediocris magnitudinis pendet catena, qua non raro obsessi, sive quod furiosi et noxii sint, sive ad majorem spirituum malignorum contemptum, illigantur. Nec minus dignum admiratione, sæpe dæmoniacis e longinquo adventantibus, ubi agrum Lucerinum attigerint, variis intorsionibus, ejulatibus, aliisque signis latentes dæmones deprehendi ; qui vero jam deprehensi erant, majoribus ex ipsa vicinia eos cruciatibus urgeri, per diversa signa et effectus palam ostentari. Qui febre aliove graviore morbo prægravantur, nullum præsentius aut efficacius remedium adhibere se posse existimant, quam si pulverem ex marmoreo tumulo erasum, aquæ aliæ liquori respersum hauserint, cum ut plurimum incolumes ex eo reddantur. Cingulum ejus sacerdotale ad proxime parituras mulieres delatum, affert pariendi partusque felicitatem.

ut ex frequenti populi concursu

F

14 Paleaccus pileus, cujus jam meminimus, quibuscumque adhibetur, sospitatem exoptatam assequuntur. Pileus hic ex paleis contextus (qualibus messorum in Italia propter æstus vehementiam uti solent) leviori velamine nigro sic circumtegitur, ut ex lana more aliorum confectus esse videatur ; et tamen cum toties ad gravius decumbentes afferatur, adeoque frequenter in ecclesia piorum capitibus imponatur, tam integer post tria integra secula servatur, atque erat, quando beatus Episcopus decessit ; cum etiam ferreus vix non consumptus fuisset. Sed est etiam, unde hujus beati Viri paupertatis amorem, rerumque secularium contemptum admirare : qui cum ecclesiam haberet redditibus adeo copiosam, quibus etiam iis temporibus ma-

et publica reliquiaram ejus veneratione

AUCTORE
G. C.

Sigismundus Ferrarius ostendit.

gis florebat, pilco usque co exiguae vilisque materiae voluerit esse contentus.

15 Urbs Luceriensis ob ingentia et innumera beneficia, quae a Deo illius meritis et intercessione accepit, de eo in peculiarem advocatum ac protectorem deligendo, peculiari adhibita consultatione, ad annum MDCXXXIV tractabat (*id postea factum esse discimus ex fine Aetorum, quae infra exhibebimus*) et ut, quousque res optatum finem assequeretur, majori apparatu solennitas ejus celebrari posset, quamdam pecuniae summam quotannis offerendam decrevit. Porro dies tertia Augusti, qua B. Augustinus decessit, Luceriae, instar Paschalis festivitatis, solennis habetur maximo incolarum omnium, nobilium, vulgarium, rusticorum, ac ejusque hominum conditionis frequentia, precibus et Sacro propriis Joannis XXII indulto, concionibus et laudum praeconiis celebratur. Quin etiam pridie ejus diei, secunda videlicet Augusti, magnus fit omnium ad aedem divi Dominici concursus, ubi genibus ante sacra ossa curvatis, ea quam diutissime venerantur; et sacerdote sacrum pileum singulorum capitibus inclinante, is se feliciorem existimat, qui, dum ad beati Episcopi honorem Antiphona recitatur, illum super se meruerit retinere. *Jam perginus B. Augustini ad eundem cultum ex recentioribus instrumentis stabiliendum.*

B

§ II. Augmentum ejusdem cultus ex recentiori confirmatione et novo Officio.

*Clemens XI
Papa cultum
B. Augustini*

Certe Clemens XI gloriosae memoriae Pontifex antiquum B. Augustini cultum non parum confirmavit auxitque, dum anno 1702 decretum Congregationis sacrorum rituum approbavit, sicut in supplemento magni Bullarii Romani part. 2 pag. 18 et 19 legitur ad hunc modum: Clemens Papa XI ad futuram rei memoriam. Nuper ad supplicationem dilecti filii Antonini Cloche, Magistri generalis Ordinis Fratrum Praedicatorum emanavit a Congregatione venerabilium fratrum nostrorum S. R. E. Cardinalium, sacris Ritibus praepositorum decretum tenoris, qui sequitur, videlicet: « Lucerna. Canonizationis beati Augustini Dalmatae, Ordinis Praedicatorum, episcopi Zagabriensis, et demum Lucerini. Cum sacrorum rituum Congregatio ad relationem eminentissimi et reverendissimi domini Cardinalis Petrucci sub die XIX Junii MDCC cum subsecuta approbatione Sanctissimi censuerit, constare de cultu immemorabili, B. Augustino praedicto praestito; Pater Antoninus Cloche Ordinis Praedicatorum Magister generalis humiliter sacrorum Rituum Congregationi supplicavit, quatenus concedere dignaretur, ut in civitate Lucerna continuari possit in celebratione festi dicti beati Augustini cum Officio et Missa propriis ejusdem Beati, prout asserebatur fuisse hactenus recitatum, necnon ut idem indultum ad totum Ordinem Praedicatorum, ad provinciam Beneventanam, in qua sita est civitas Lucerna, ad civitatem et diocesim Tragurionsem, patriam ejusdem Beati, nec non ad civitatem et diocesim Spalatrinam benigne extendere dignaretur.

C

a sacra Rituum congregatione approbatum,

17 « Et sacra eadem rituum Congregatio ad relationem eminentissimi et reverendissimi domini Cardinalis Gabrielli, tam in voce quam

« in scriptis reverendissimo archiepiscopo Myrensi, fidei Promotore, audito, accedentibus piis supplicationibus eminentissimi et reverendissimi domini Cardinalis Ursini, archiepiscopi Beneventani, archiepiscopi Spalatrinum, episcopi Lucerini, ac aliorum episcoporum totius provinciae Beneventanae, et episcopi Tragurionensis, sanctissimo Domino nostro porrectis, et ad eandem sacrorum rituum Congregationem remissis, Officium cum Missa de beato Augustino praedicto pro civitatibus Lucerna, Zagabriensi, et Tragurionensi, necnon earumdem diocesis et pro Ordine Praedicatorum, de communi tamen confessorum pontificum posse concedi censuit, si sanctissimo Domino nostro visum fuerit, die prima Octobris MDCC. Et facta deinde de praedictis per me secretarium sanctissimo Domino nostro relatione, Sanctitas sua benigne annuit die XIX ejusdem mensis Octobris et anni MDCC. G. Cardinalis Carpineus. Loco † sigilli. »

18 Cum autem, sicut dictus Antoninus Magister generalis nobis subinde exponi fecit, ipse decretum hujusmodi, quo firmiter subsistat, Apostolicae confirmationis nostrae patrocinio communiri summopere desideret; Nos ipsum Antoninum Magistrum generalem specialis favore gratiae prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis, a jure vel ab homine quavis occasione vel causa latis, si quibus quomodolibet innodatus existit, ad effectum praesentium dumtaxat consequens. harum serie absolventes, et absolutum fore censentes, supplicationibus ejus nomine Nobis super hoc humiliter porrectis inclinati, decretum praesentum auctoritate Apostolica, tenore praesentium approbamus et confirmamus, illique inviolabilis Apostolicae firmitatis robor adjicimus, salva tamen semper in praemissis auctoritate memoratae Congregationis Cardinalium.

19 Decernentes, easdem praesentes litteras semper firmas, validas, et efficaces existere, et fore, suosque plenarios et integros effectus sortiri et obtinere, ac illis, ad quos spectat, et pro tempore spectabit, in omnibus et per omnia plenissime suffragari; sicque in praemissis per quoscunque judices ordinarios et delegatos, etiam eausarum palatii Apostolici auditores judicari et definiri debere, ac irritum et inane, si secus super his a quoquam quavis auctoritate scienter vel ignoranter contigerit attentari. Non obstant. constitutionibus et ordinationibus Apostolicis, ceterisque contrariis quibuscunque. Volumus autem, ut earundem praesentium litterarum transumptis seu exemplis etiam impressis, manu alicujus notarii publici subscriptis, et sigillo personae in ecclesiastica dignitate constitutae munitis, eadem prorsus fides in judicio et extra adhibeatur, quae praesentibus ipsis adhiberetur, si forent exhibitae vel ostensae. Datum Romae apud sanctum Petrum sub annulo Piscatoris die IV Aprilis MDCC; Pontificatus nostri anno secundo. *Infra subscribebatur.* F. Oliverius.

20 Quamvis B. Augustinus die III Augusti ex hac vita discesserit, nihilominus PP. Praedicatorum annuam illius festivitatem, quam Clemens XI Pontifex ad totum Ordinem extendit, propter alios dies impeditos nunc celebrant die VIII ejusdem mensis, ut patet ex propriis eorum Officiis, in quibus lectiones primi ac tertii Nocturni praescribuntur de communi Confessoris pontificis, et recitatur sequens oratio:

D

*auctoritate
sua confirmat,*
E

*et consuetis
clausulis reborat.*

F

PP. Praedicatorum jam de illo recitant novum Officium

A

Deus, qui Ecclesiæ tuæ in beato Augustino confessore tuo atque pontifice boni pastoris exemplum providere dignatus es : concede propitius, ut ejus intercessione in loco pascuæ tuæ perpetuo collocari mereamur. Per Dominum, etc.

ex quo propria lectio-
nes

21 *Lectiones secundi Nocturni, quas circa memoratum decreti tempus a sacra rituum Congregatione approbatas fuisse existimo, præcipua beati istius Præsulis gesta sic breviter enarrant* : LECTIO IV. Augustinus Tragurii in Dalmatia sub Spalatensi archiepiscopatu, parentibus nobilitate ac orthodoxæ fidei pietate illustribus natus est. Adolescens, ut totum se Deo manciparet, seculari patrimonio dimisso, sacræ Prædicatorum familiæ nomen dedit; ibique in sectandis sancti Dominici, quem sibi patrem elegerat, vestigiis adeo incubuit, ut adhuc juvenis, tamquam regularis observantiæ exemplar, omnibus proponeretur. Exacto tyrocinio, Parisios una cum Fratre Jacobo Ursini studiorum causa missus, sanctum Thomam Aquinatem magistrum habuit, sub quo mirum est, quantum in scientia, pietate, ceterisque virtutibus profecerit.

B
secundi nocturni

22 LECTIO V. In patriam reversus, superiori jussu prædicationi divini verbi addictus est. Maximo interim salutis animarum studio inardescens, nihil umquam omisit, quo infideles ad fidem, peccatores ad poenitentiam revocaret. In oratione assiduus, cui incumbens plures noctes ducebat insomnes, illud sancti doctoris Augustini frequenter usurpabat : Recte novit vivere, qui recte novit orare. Ne vero sub modio virtutum ejus lucerna delitesceret, a Benedicto undecimo ad Zagabriensem episcopatum promotus fuit. Quo in munere, humilitatis, patientiæ, misericordiæ erga pauperes laude, et præcipue indefessis in custodiendo grege sibi commisso laboribus adeo enituit, ut Robertus rex Neapolis, audita ejus fama, summis precibus a Joanne vigesimo secundo impetravit, pastorem illum præfici ecclesiæ Lucerinæ, ut eam a Saracenorum erroribus, quibus infecta fuerat, expurgaret.

hic exhibetur.

23 LECTIO VI. Ad Lucerinam ecclesiam profectus, novæ sponsæ suæ maculas a Saracenorum labe expurgaturus, mirum, quas ærumnas, quos labores perpessus sit, donec orationis fervore, prædicationis efficacia, morum sanctitate universum ovile suum Catholicum videre meruerit; ut illud a quolibet futuro inquinamento servaret immune, Deiparæ Virginis potenti patrocinio submisit totam diocesim, ac præcipue urbem Lucerinam, quam, mutato nomine, Civitatem sanctæ Mariæ appellari voluit; qua nomenclatura nostris etiam temporibus dicta civitas decoratur. Tandem meritis plenus et miraculorum fama illustris animam reddidit Creatori die tertia Augusti circa annum salutis millesimum trecentissimum vigesimum tertium, ætatis vero suæ septuagesimum; ejus corpus in ecclesia, quam suo Ordini ædificaverat, honorifice conditum, tot prodigiis a Deo insignitum ferunt, ut paucis post ejus obitum annis Carolus dux Calabriae supplices dederit litteras Joanni XXII Pontifici maximo, ut Augustinum Beatorum fastis adscribere dignaretur. Clemens vero undecimus, ut in toto Prædicatorum Ordine ejus festum cum Officio et Missa de communi unius Confessoris pontificis celebraretur, benigne concessit. In his Lectionibus nonnulla occurrunt, quæ cum historia et antiquis instrumentis non videntur posse componi, ut paragrafo sequente dicemus.

C

§ III. Scriptor Actorum, eorumque auctoritas ac chronotaxis.

Illustrissimus episcopus Bosnensis, qui a Davide Czuittingero in Specimine Hungariae litteratæ pag. 386 vocatur Tomko seu Tomkus Marnavicio-Dalmata, et circa annum Christi MDCXXXI clarrasse dicitur, præter alios ingenii sui sætus edidit Vitam B. Augustini, de quo agimus, quam Sigismundas Ferrarius in Appendice ad Historiam Hungariæ provinciæ Ordinis Prædicatorum primum typis vulgavit. Reverendissimum huic biographum aliqui auctores Dominicani perperam Ordini suo adscribant, ut Jacobus Echardus in opere de scriptoribus Ordinis Prædicatorum tomo 2 pag. 758 fatetur his verbis : Johannes Tomkus Marnavitus, episcopus Bosnensis in Hungaria nostris accensetur a Fontana in Theatro Dominicano, et ab Altamura in Bibliotheca ad annum MCCCCII, quos excipit Johannes Michaël Cavalieri, qui postremus anno 1701 opus de summis Pontificibus, aliisque Ecclesiæ præsulibus, ex Ordine Prædicatorum assumptis, Italice collegit.

Tribus seculis post obitum Beati collegit Vitam ipsius Tomcus,

25 Deinde laudatus Echardus ibidem errorem illorum recte corrigit, ac rotunde edicit, eos omnes hallucinatos esse : nam Ferrarius, quem citant, inquit, sed non attente legerunt, nusquam dicit, Tomcum fuisse Ordinis Prædicatorum, aut seculo xv vixisse, imo eum exhibet ceu virum sibi tempore æqualem, id est ad MDCXXX florentem, episcopum quidem Bosnensem, et coadjutorem Zagrabiensem, at non Lucerinum. Quod autem scripserit Vitam B. Augustini de Gazothis nostri, episcopi Bosnensis (haud dubie voluit dicere Zagrabiensis) et postea Lucerini, et alia, argumentum non est, fuisse Dominicanum : id enim non suscepit, nisi ex ardenti erga suam ecclesiam studio. Porro hunc Joannem Tomcum Marnavitiū post annum 1619 floruisse, constat ex ipsis ejus verbis, quæ supra num. 8 retulimus. Ex hac illustrissimi auctoris ætate liquet, plus quam trecentis annis post obitum B. Augustini Acta ista primum conscripta esse, adeoque auctoritatem ac fidem illorum ex hac parte non parum decrescere.

E
quem biographum aliqui perperam Ordini Prædicatorum adscribunt,

26 Fortasse quispiam dicet, illam B. Augustini Vitam ab illustrissimo Tomco ex antiquis patriæ suæ documentis collectam fuisse. Respondemus, propterea nos majori narrationis ejus parti fidem adhibere. Attamen simul veremur, ne quædam ex populari traditione et recentioribus historicis eidem iusserit. Utinam saltem vetera historiarum suarum instrumenta distincte indicasset ! Id nobiscum desiderat præfatus Echardus, quando inter scriptores Ordinis Prædicatorum tomo 1 pag. 553 recenset B. Augustinum nostrum, et de duabus orationibus, quas Tomcus sub illius nomine vulgavit, sic ibidem pronuntiat : An illæ ipsæ sint ab Augustino pronuntiatæ, an a Tomco loco verarum deperitarum confictæ, ut historicis solenne, nostrum non est discernere. Optandum erat, ut Tomcus omnium, quæ in Vita Augustini eleganter scripta narrat, suos laudasset auctores. Porro nos infra in Annotatis plura circa duas istas orationes observabimus, et quædam de suppositione illarum indicia detegemus.

F
et a quo antiquiora testimonia requirimus,

27 Certe illustrissimus Tomcus fide dignos testes allegare debuisset, dum refert stupenda prodigia, inter quæ merito numerari potest illud, quod num. 11 narrat his verbis : Aliud quoque non minus

præsertim ut stupendo alicui miraculo quod narrat,

miran-

AUCTORE
G. C.

mirandum contigit; etenim cum summus Pontifex jure Christiani hospitii eundem mensæ suæ adnovisset, eidemque aliquot aviculas, tamquam ex itineris ærumnis debilitato, curasset apponi; ille vero observantiæ regularis instituto, quo Dominicanis Fratribus perpetuo carniū usus interdicitur, tenacissimus, aliquamdiu hæsitabundo similis ab illorum tactu abstinendo, cordis intimi affectu Dei opem implorasset, en aviculæ assæ, tamquam e nido, ex patina apposita, omnibus obstupescens, evolantes, divina metamorphosi totidem pisces assos in eodem vasculo, loco sui reliquerunt.

certam fidem
adhibeamus.

28 Sigismundus Ferrarius in opere jam sæpius laudato de Rebus Hungariæ provinciæ Ordinis Prædicatorum part. 2, lib. 1, cap. 13 hanc prodigiosam narrationem mitigans, de volatu avicularum non meminit, et ex ipso Tomco tantummodo refert, perdices duas illi oblatas, qui carnes ex sacræ Religionis suæ instituto non comederet, tacitis ejus precibus in pisces esse conversas. Nescimus, quæ auctoritate Ferrarius aliquot aviculas illas in perdices duas commutarit, et volatum illarum amiserit. Ceterum miramur, ab antiquis scriptoribus nullam tam stupendi miraculi memoriam posteritati relictam fuisse, cum publice in mensa Pontificis Romani contigisse dicatur. Quare ad illud prodigium credendum requirimus certiora testimonia, quæ etiam exegisse videntur ii, qui sub Clemente XI Papa proprius B. Augustini Lectiones composuerunt aut approbarunt, quondamquidem in illis de tam illustri miraculo nullum sit verbum. Adde, quod in veteri Officio Lacerino de hujusmodi prodigiis nulla mentio occurrat. Hæc de Actis in genere dicta sufficiant. Nunc ad peculiare quædam eorumdem assertiones historice ac chronologicè discutendas progrediamur.

B

Assignatur
vera Beati
patria ex an-
tiquis docu-
mentis,

29 Ferrarius in opere mox citato part. 2, lib. 1, cap. 17 refert varias auctorum sententias de patria B. Augustini, quibusdam illum Hungarum, aliis eum Dalmatam appellantibus. Sed opiniones illæ jam conciliandæ aut deserendæ sunt, postquam Michas Madius de Barbazanis, auctor coævus, apud Joannem Lucium pag. 380 caput xxvii Historiæ suæ ita inscripsit: De obitu episcopi Nucerinæ S. Augustini, nativi de Tragurio. Eandem beati Præsulis patriam jam supra indicavrat cap. 4 istius Historiæ, ubi dixerat, Augustinum de Tragurio episcopum Sagrabie a Benedicto XI Papa ardinatum fuisse. Eundem natiuitatis locum in ipso textu capituli 27 rursus repetit, ut inferius alia occasione dicemus. Hinc erroris convincitur Stephanus a sancto Severo, Dominicanus Lucerinus, qui apud Ferrarium loco proxime citato scribit, B. Augustinum ortu Brachiensem fuisse. Itaque cum illustrissimo Joanne Tomco asserendum est, Traguriensem Dalmatiæ urbem, hoc sancto Civæ vere gloriari.

C

et ex codice
Carcassonen-
si; iuxta
quem etiam
corruiit opi-
nio eorum,

30 Hæc beati Viri patria etiam confirmatur ex codice Carcassonensi Bernardi Guidonis, in quo Soëgius Dominicans sic de B. Augustino nostro ad marginem legi refert: Oriundus de Traguria civitate, quæ est in Dalmatia, in lingua Slavonica, intravit Ordinem anno mclxxvii vel mclxxviii. Ita testatur Echardus in scriptoribus Ordinis Prædicatorum tomo 1 pag. 553, ubi ex hoc codicis Carcassonensis testimonio sic recte concludit: Sancti Thomæ auditorem fuisse, quidam comminiscuntur, quod ex anno, quo nomen dedit Ordini, omnino evertitur. Parisios missum studiorum causa anno mclxxxvi narrat Pius, et verosimillimum. Est is Joannes Michaël Pius,

qui Latine sæpius sub nomine Plodii citatur, et qui in opere Italico de Illustribus viris ordinis Prædicatorum parte 1, lib. 2, § 16 asserit, B. Augustinum adolescentem anno Christi 1286 una cum F. Jacobo Ursino Parisios perrexisse, ut ibidem studiis operam daret. Ex hac Pii seu Plodii chronologia sequitur, ut beatus Adolescens tunc non potuerit magistrum habere Doctorem Angelicum, cum hic jam ab anno Christi 1274 ad cælum migrasset.

D

31 Ferrarius hanc difficultatem satis vidit, dum in opere jam toties laudato part. 2, lib. 1, cap. 12 eam proponit his verbis: Adolescentulus, Plodio teste, in Italiam profectus est, inde Parisios; quo cum studiorum causa a capitulo generali Parisiensi, anno mclxxxvi habito, cum F. Jacobo Ursino, Cardinalis Matthæi Ursini nepote, missus pergeret, ad vallem Ticini fluminis a si-eariis quibusdam, qui ei ob oculos socium repente peremerunt, graviter capite vulneratus est, atque in nivibus seminecis dimissus. Causam fuisse aiunt odium a comitibus Casatensibus in Ursinos omnes conceptum, quod ex his quispiam Thomam Casatis comitem et Mediolani Cardinalem veneno sustulisset. Augustini Paganus a Petra sancta eques gaudens, magnus Ordinis nostri amicus et fautor in castrum suum Rebecense sublatus sic curam per suos agendam curavit, ut intra paucos dies salutem recuperaret. Quæ ratio temporis, a Plodio ex multis gravibus auctoribus assignata, si vera est, non video, quomodo B. Augustinus potuerit esse sancti Thomæ Aquinatis, Angelici Doctoris auditor, ut non semel asserunt viri eximii, sive juxta rei veritatem, cum sanctus Doctor mortalitatem jam exuisset anno Christi mclxxiv, nimirum ante annos duodecim, quam esset annus mclxxxvi, quando studiorum causa Augustinus Parisios proficiscebatur. Ita quidem ille nodum attingit, sed non solvit.

qui dubio,

E

32 Joannes Rechacus tomo 3 de Sancti ac Beatis Ordinis Prædicatorum in Vita Gallica B. Augustini cap. 2 putavit, se invenisse modum, quo hæc adeo pugnantia inter se conciliaret. Excogitavit itaque novum quoddam systema chronologicum, et primo statuit, B. Augustinum anno ætatis suæ decima quarto circa annum Christi 1256 vel 1257 Ordini Prædicatorum nomen dedisse. Deinde asserit, beatum Adolescentulum anno 1259 vel 1260 Parisios ivisse, ut sub magisterio Angelici Doctoris in studia incumberet. Denique fingit, B. Augustinum postea quadragenario majorem F. Jacobo Ursino comitem adjunctum esse, ut eum Parisios deduceret, et tunc ea accidisse, quæ supra ex Plodio, seu potius ex Plodii interprete Ferrario retulimus. Hæc autem omnia sine ullis testibus aut tabulis confidenter affirmat, ut etiam in aliis Sanctorum Actis non raro facere consuevit.

aut mordicus
asserunt,

F

33 At totam hanc Rechaci chronotaxim fictitiam esse, liquet ex supra laudato codice Carcassonensi, qui diserte notat, B. Augustinum intrasse Ordinem anno mclxxvii vel mclxxviii. Hic autem annus optime concordat cum iis, quæ Plodius anno Christi 1286 contigisse narrat: nam potuit beatus Adolescens, peracto tirocinio et philosophicis aliisque disciplinis in patria perceptis, anno 1286 Parisios mitti, ut theologica doctrina imbueretur, aut in ea sese perficeret. Sed tum certe corruiit illa opinio, juxta quam Tomcus aliique tradunt, B. Augustinum fuisse discipulum S. Thomæ Aquinatis, qui jam ab anno Christi 1274 e vivis excesserat. Quamobrem non video, quæ chronologicæ aut historicæ veritatis specie PP. Dominicani in recentiore hujus beati Præsulis Officio legant sequentia:

ipsum fuisse
discipulum
S. Thomæ
Aquinatis

A Exacto tyrocinio, Parisios una cum Fratre Jacobo Ursini studiorum causa missus sanctum Thomam Aquinatem magistrum habuit; sub quo mirum est, quantum in scientia, pietate, ceterisque virtutibus profecerit.

Recentiora
Beati Acta.

34 In veteri Officio Lucerino legimus, B. Augustinum Ordini Prædicatorum a pueritia nomen suum dedisse. Hinc suspicamur, quod sacrum illud institutum amplexus fuerit, quando decimum septimum vel decimum octavum ætatis suæ annum agebat. Cum autem juxta codicem Carcassonensem anno Christi 1277 vel 1278 Ordinem intraverit, cum Ecardo non improbabiler conjicimus, illum natum esse circa annum Christi 1260 sub Bela IV Hungariæ rege, cui tunc etiam Dalmatia parebat. Cum vero juxta Officium Lucerinum a pueritia, et juxta alios adolescentulus, anno Christi 1277 aut 1278 Ordinem Prædicatorum ingressus fuerit, ac obierit anno 1323, ut postea probabimus, ex his ulterius sequitur, illum non septuagenarium, ut Tomcus et recentiores Officii Lectiones asserunt, sed circa sexagesimum tertium ætatis suæ annum ex hac vita migrasse.

B quibus etiam
aliquid novi
superadditur

35 Juvat hic inserere memorabilem B. Augustini responsionem, quam Tomcus in Actis ejus prætermisit, et quam Ecardus in opere jam sæpius citato tomo 1, pag. 553 ex codice Colbertino 2104 eruit; ubi anonymus Ordinis Dominici scriptor, eo tempore vivens, in collectione exemplorum rem refert hoc modo: Respondit B. Augustinus nostri Ordinis episcopus Gaçabriensis (voluit dicere Zagabriensis) Fratribus dicentibus, ut rogaret quemdam baronem, ut eis daret tantam pecuniæ quantitatem, quam sibi legaverat talis dominus, putantes, quod daret propter reverentiam ampliorem, quam ad ipsum habebat; non enim per duos annos solverat: Pater meus (scilicet S. Dominicus) mihi reliquit in testamento, ut possessiones temporales non haberem; et pater illius (videlicet baronis, a quo petebat) reliquit, ut haberem. Prius volo et obligor servare jura testamenti patris mei, quam sui. Tunc subdit, cum petere noluisse.

quædam tra-
dunt de mu-
lato Luceri-
næ urbis no-
mine,

C 36 Illustrissimus Tomcus in Actis iuxta edendis num. 75 narrat, quod B. Augustinus ad episcopatum Lucerinum translatus, ante omnia præceperit, ne alio quam Mariæ nomine civitas illa appellaretur. Verosimiliter ex Tomco id insertum est Lectioni sextæ recentioris Officii, in qua legitur beatus Antistes potenti Deiparæ virginis patricinio submisisse totam suam diæcesim, ac præcipue urbem Lucerinam, quam, mutato nomine, civitatem sanctæ Mariæ appellari voluit. Si hæc Acta aut Lectiones istæ significare velint, primum ab hoc beato Præsule nomen sanctæ Mariæ civitati Lucerinæ impositum fuisse, antiquis documentis manifeste contradicunt: nam cognomen istud jam erat usitatum tempore Benedicti XI Papæ, qui Carolo regi Siciliæ apud Raynaldum in annualibus ecclesiasticis ad annum Christi 1305 num. 55 inter alia sic scribit: Sane tu dudum pie considerans, quod ex mora, quam faciebant Saraceni in civitate S. Mariæ, tunc vocata Luceria, derogabatur plurimum fidei prælibatæ, ab ea Saracenos prædictos, ut ex tunc inhabitarent inibi libere Christiani, exterminari fecisti spiritu Dei ductus. Deinde præsul istius civitatis ibidem ab eodem Pontifice Benedicto XI venerabilis frater noster episcopus S. Mariæ appellatur.

quæ cum an-
tiquis instru-
mentis

37 Ferdinandus Ughellus tomo 8 Italiæ sacræ col. 314 agens de urbe Luceria, originem et causam istius cognominis ita distinctius explicat: Post

multa vero secula Fredericus II Ecclesiæ hostis, ut dictum est, expulsis inde Christianis, soloque episcopo cum duodecim clericis relicto, Saracenis ex Africa accitis civitatem habitandam dedit. Episcopus extra mœnia in veteri cathedrali pauper et pene exauctoratus permansit, donec per Carolum II regem debellatis ad unum Saracenis, recepta et expurgata civitate, in eam se recepit ad novam incolendam cathedralem, quam tunc ex veteri lapide Carolus exædificaverat, amplæ nimis ac regiæ amplitudinis opus, titulo ab eo imposito S. MARIE DE LA VITTORIA, quo titulo simul se decoravit episcopus, adeo ut in provinciali Romano nuncuparetur EPISCOPUS S. MARIE DE VICTORIA, hodie Lucerinus.

38 Post hæc Ughellus varia instrumenta recitat, suasque interserit observationes, ex quibus omnibus evidenter patet, Luceriam jam diu ante episcopatum B. Augustini, mutato nomine, civitatem S. Mariæ appellatam fuisse. Quædoquidem tamen Acta Sanctorum et Lectiones Breviariorum tamdiu tueri conamur, quamdiu manifesta veritas nos ab iis non cogit recedere, dici licet posset, quod forsitan tempore B. Augustini antiquum Luceriæ nomen rursus apud cives invaluerit, atque idcirco beatus antistes civitatem illam nomine S. Mariæ appellari præceperit. Quod si Acta aut lectiones plus velint, certe ab historica veritate aberrant. Non lubet diutius in hæcere discutiendis singulis Actorum punctis, quorum nonnulla breviter in annotatis iuxta observabimus. Interim ad assignandum Beato nostro certum felicitis obitus annum pergemus.

difficulter
conciliantur.

39 Plodius in opere Italico de illustribus viris Ordinis S. Dominici part. 1, lib. 2, § 16, col. 323 mortem B. Augustini anno 1332 collocat, ibidemque citat alios Ordinis sui scriptores, qui eandem diversis annis perperam affixerunt. Bzovius tomo 14 Annalium ecclesiasticarum ad annum Christi 1332 num. 16 incaute secutus est hunc anachronismum, qui satis aperte refellitur ex superius exhibita epistola Caroli ducis Calabriæ, quam anno Christi 1325 ad Joannem XXII Papam dedit, et in qua Pontificem illum Romanum suppliciter orat, ut B. Augustinum, virtutibus ac miraculis illustrem, albo Sanctorum adscribat. Hinc etiam erravit Michas Madius de Barbazanis (nisi forsitan hic error typothetæ aut librario tribuendus sit) dum in Historia sua cap. 27 de obitu Beati nostri sic meminit: Item supradictis annis Augustinus olim Zagabriensis episcopus, qui fuit per D. Joannem Papam a dicto episcopatu remotus ad petitionem R. Ungariæ et collocatus in ecclesia Nuceriæ in Apulia in episcopis ad instantiam D. R. Roberti Apuliæ, et sic obiit ad Christum de mcccxxix; cujus corpus multa miracula ostendit super iis, qui cum devotione ad ipsum accedunt. Hic fuit oriundus de Dalmatia de civitate Tragurio, et fuit frater Prædicator Ordinis sancti Dominici humilis. Cum scriptor iste synchronus satis scire potuerit determinatum annum, quo B. Augustinus mortuus est, non temere suspicamur, negligentia typothetarum aut amanuensium hoc loco numerum mcccxxix pro mcccxxiii in textum irrepsisse.

Mortis an-
nus, in quo
assignando
scriptores
nonnulli er-
rarunt,

40 Undecumque ortus sit iste error, prorsus assestinur illustrissimo Tomco, aliisque auctoribus, qui mortem hujus beati Antistitis anno 1323 affigunt: nam præter alia argumenta id vobis persuadet supra memoratus codex Carcassoneus, in quo apud Eckardum tomo 1 operis jam sæpe citati pag. 553 Soëgius legit sequentia: Obiit tertia die mensis Augusti in festo inventionis S. Stephani, fuitque sepultus (hic ad marginem die crastina notatur)

F

* forte abiit

ex codice
Carcassonen-
si determi-
natur.

AUCTORE
G. C.

in vigilia S. Dominici in Conventu FF. Prædicatorum in Luceria anno Domini mcccxxiii, ubi miraculis cœpit ejus sanctitas declarari, cum corpus ejus niveo candore refulgens apparuit, et odorem suavissimum ex seipso dedit; et clerici cathedralis ecclesiæ, qui corpus ejus auferre Fratribus, et secum afferre conabantur aurisia et cæcitate percussi, repulsi sunt. *Cangius in Glossario medix et infimæ lotinitatis dicit, voce aurisia significari excitatem aut tenebras, in qua posteriori significatione hic accipi potest, ne bis idem repetatur. Vide eundem in Additionibus ad tomum primum Glossarii, ubi col. 1354 citat Alamum de Insulis, qui contra Valdenses cap. 58 ita scribit: Sunt multæ species fallaciæ visus. Una est, quando non videmus, quod oculis præsentatur, quæ dicitur aurisia, id est audentia, qua percussi fuerunt, qui Elizæum quærebant.*

et chronologicum
Vite compendium

B

41 Atque hæc sunt præcipua, quæ de Actis infra recedendis præmonenda esse censuimus, reliqua levioris momenti in Annotatis breviter observaturi. Attamen ad faciliorem temporum intelligentiam hic iisdem præmittimus chronologicum Vite compendium, quod Ughellus tomo 8 Italix sacræ col. 319 satis accurate concinnovit in hunc modum: Beatus Augustinus natione Dalmata, patria Traguriensi, Nicolao et Dragesta nobilibus parentibus natus, cum adhuc adolesceret, mundo pompisque seculi remisit nuntium, divique Dominici habitum induit, et in eo Ordine tum litteris humanis tum divinis simul, atque Religionis virtutibus mirabiles progressus fecit, omniumque admirationem in se convertit, ita ut post varias sui Ordinis bene obitas præfecturas, a Benedicto XI Pontifice maximo Zagrabienensis crearetur episcopus anno mccciii; in qua dignitate multum pro totius Hungariæ regni bono et tranquillitate laboravit, cujus opera ad ardua regni ejusdem negotia componenda, Carolumque Bertum in regem firmandum, usus est Cardinalis Gentilis Apostolicæ sedis legatus; et cum Zagrabienensibus pie præfuisset annos tredecim, in gratiam Roberti, utriusque Siciliæ regis, ad hanc Lucerinam in Apulia, tunc S. Mariæ, ecclesiam translatus est a Joanne XXII, anno mcccxvii.

ex Ughello
exhibetur.

C

42 In novo grege moderando supra modum ejus erga pauperes misericordia et caritas, zelus in ecclesiastica disciplina conservanda, atque in omnibus pastoralis amor et pietas ita eluxit, ut inter præstantiores sui seculi præsules merito numeraretur. Hic sui Ordinis Fratres intra urbem suscepit, quibus cœnobium et ecclesiam divi Dominici titulo insignem condidit. Cumque per annos plus minusve sex sancte præfuisset, clarus miraculis septuagenario major (*superius verosimiliter conjecimus, ipsum dumtaxat sexagenario majorem obiisse*) obdormivit in Domino, ipso pervigilio sancti Dominici, tertio nempe Augusti mcccxxiii; sepultus in eadem divi Dominici ecclesia, innumeris miraculis perpetuo illustris, pro cujus inquisitione vitæ, miraculorum indagazione, atque canonizatione Carolus Calabriæ dux, Roberti regis filius ad Joannem XXII sequentes scripsit litteras, quæ ex regio regesto Caroli illustris fol. xxxi sub littera B. exscriptæ sunt. Tunc subjungit ipsas Caroli litteras, quas nos supra § I exhibuimus. Jam huic Commentario prævio finem imponemus, ubi paragrapho sequente prius quædam de posthuma illius B. Augustini gloria retulerimus.

§ IV. Beati sepulcrum, reliquiæ, et recentiora miracula.

Illustrissimus Tomcus in Actis num. 81 de sepultura B. Augustini hæc habet: Sepultus fuit intra ecclesiam sibi dilectam, Fratrum suorum domicilio, et sancti patris Dominici memoriæ, suoque receptui, ut diximus, constructam; quousque anno primo hujusce seculi (*id est anno Christi 1601, ut Ferrarius et Ughellus asserunt*) in aliud sepulcrum pretioso marmore elaboratum, non absque miraculorum frequentia, translatus fuit. Prædicatores Lucerini in supradicta responsione sua anni 1687 nos de recentiore istius sepulcri statu docent sequentia: Corpus suum conservatur in capella, quæ est sita in ecclesia sancti Dominici Luceriæ; in qua quidem capella pendet quamplurimæ tabellæ votivæ, et in die festo suo ostenditur populo caput tantum, quod conservatur in statua argentea: nam corpus in tumulo super altare ejusdem Sancti quiescit; et maximus est populi concursus, quando celebratur cum interventu episcopi pontificaliter ejus festum celebrantis.

Observantur
nonnulla circa
Beati sepulcrum,

E

44 Occasione cultus jam superius aliqua de sacris B. Augustini reliquiis ex Ferrario memoravimus. Sed juverit eadem distinctius audire ex mox laudatis Patribus Lucerinis, qui in eadem epistola anni 1687 sic respondent: Plurimæ sunt reliquiæ istius Sancti, quæ conservantur a Fratribus Prædicatoribus Luceriæ existentibus, videlicet caput Sancti cum dentibus; et apparet in vulnere, recepto in eodem capite a Saracenis sanguis. At potius existimamus, hoc vulnere vestigium adscribendum esse sicariis, qui F. Jacobum Ursinum occiderunt, et socium ejus B. Augustinum graviter in capite vulnerarunt, ut supra num. 31 ex Plodii interprete Ferrario narravimus: nam Saraceni jam dudum Luceria expulsi fuerant, antequam Beatus noster ad cathedram Lucerinam seu S. Mariæ esset translatus, ut apud Raynaldum in Annalibus ecclesiasticis ad annum Christi 1269 num. 1, et annum 1303 num. 55 licet videre. Utcumque sese ea res habeat, aliæ beati Præsulis exuvie ob iisdem Patribus Lucerinis ibidem ita recensentur: Insuper stola, manipulus, cingulus et alba, quibus utebatur, dum vivens celebrabat; subucula lanea, quæ tegit ejus carnes; pileus paleaceus, qui conservatur integerrime, et ægrotantibus defertur cum maxima veneratione propter complurimas gratias ipsis concessas; et hodie viget prædicta devotio, et quotidie asportatur per totam civitatem cum luminibus, quando cives laborant gravi infirmitate.

sacrasque
ejus reliquias

F

45 Cum post Vitam B. Augustini huic Commentario subnectendam antiquiora ipsius miracula ex veteri Officio Ms. Lucerino daturi simus, hoc loco tantum agimus de recentioribus, quæ Sigismundus Ferrarius scribens de Rebus Hungariæ provincie Ordinis Prædicatorum part. 2, lib. 1, cap. 15 exponit his verbis: Sed nec nostro etiam seculo per beatum Virum mirabilia Deus operari desistit: nam ad annum mdciv tantam terre siccitatem Deus immiserat, ut sancti vatis Eliæ tempora, quibus clausum est cœlum, ne pluviam daret, rediisse viderentur; arescentibusque cunctis. Lucerienses non tantum creditoribus satisfacere se posse desperabant, sed in summa etiam penu-

et referuntur
recentiora
quædam mi-
racula ex
Ferrario.

ria,

A ria, quam messis minabatur, vitam ducturos formidabant.

46 Itaque ad divinam misericordiam opemque impetrandam variis precibus ac supplicationibus habitis, multas pias imagines detulerunt. Sed cum Deus nihilo placatior factus videretur, caput beati Episcopi nova publica supplicatione per urbem deportandum decreverunt. Clero igitur et viris religiosis, ceterisque civibus ad beati Domini ædem die prima Maii congregatis, cœlo undequaque nubibus repurgato atque sereno, æstu acsi sol esset in leone, sævientem; ubi statum, in qua sacrum caput exstat, efferre, ac prodire cœperunt, in ipso templi S. Domini limine aër turbari, obduci nubibus cœlum; cumque vix sexaginta passus ad maiorem ecclesiam progressi essent, nubes stillare; et cum inde ad portam civitatis appropinquarent, tantos imbres effundere, ut cœlos ruere putares, et in ecclesia Pietatis, quæ erat itineris meta, statum per duos dies ac noctes dimittere cogerentur; Fratribus, ut poterant, ad monasterium se recipientibus, beatum Augustinum, Sanctum acclamantibus universis.

B 47 Anno MDXI mulieres duæ Gallicæ, peregrinantium habitu ecclesiam S. Domini Luce-riensis, quo tempore Completorium persolvebatur, ingressæ, ubi genibus flexis ante divinissimum Eucharistiæ sacramentum primum, deinde ad aram beatissimæ Virginis de Rosario pias preces fudissent, ad tumultum, in quo beati Episcopi ossa servantur, accesserunt. Ibi junior quæ hactenus nullum commotionis signum ediderat, adeo corpore toto intorqueri, membris omnibus dissipari cœpit, ut Religiosi sacras preces decantantes eam ab immundis spiritibus vexari facile prehenderent.

48 Accurrit statim Pater ad id muneris designatus, et adhibitis exorcismis, ab octo dæmonibus obsessam intelligit. Cumque per Dei virtutem, et beati Episcopi merita eos ad recessum urgeret, se discessuros dixerunt, quod præsentiam ossium illorum diutius ferre non possent: quatuor enim primo in nummum quemdam æreum signo edito recesserunt; alius deinde facto signo in contortum capillum, quem obsessa vomuerat, eam reliquit; sextus, instar cuiusdam virgulæ fumi, ex ore, ceu ex fornace, cum impetu exhalantis, et recta ad foramina vitreæ senestræ, quæ est in sacello, pergentis exivit, tota fere urbe, quæ confluerat, aspectante. Denique duobus aliis, cum eam ad terram impulissent, egressis, liberata est.

C 49 Anno MDXV Antonius Platus, rusticus Luceriensis, et alii quidam ejus socii energumenum ad tumultum beati Augustini pro liberatione perductum asservabant. Dum ergo Pater exorcista, dæmonibus adjuratis, obsessum, ne nimium torqueretur, aliquamdiu iisdem hominibus custodiendum dimisisset, dæmon per os obsessi frigidam pro sedanda siti instanter efflagitavit. Antonius et alius ex sociis monasterium ingressi aquam hauserunt ex puteo, haustamque totam ebiberunt. Cumque solus Antonius, socio ad custodiam redeunte, aquam obsesso delaturus demissum jam funem attraheret, vi maxima, acsi tota phalanx infernalis ex pedibus illum protruderet, obverso in puteum capite dilapsus est.

50 Tunc is beatum Augustinum devotius clamans, illæsus super aquas sustentatur: quem (dæmone indicante, aquam non deferre, quod demersus esset in puteum) statim Fratres, et so-

cii accurrentes vivum et incolumem ope beati Augustini (ut pie creditur) eduxerunt. Vivebat Antonius adhuc anno MDXXXIV fidele de re tota perhibens testimonium. *Hic temporis ordine subnectenda esset publica B. Augustini apparitio, qua civitatem Lucerinam ab imminente ac vicino terræ motu servasse creditur, et propter quod beneficium patronus ejusdem urbis electus est. Sed cum illustrissimus Tomcus hoc miraculum in fine Actorum abunde narraverit, lectorem eo remittimus, ipsaque Acta recudimus, ac notis illustramus.*

AUCTORE
G. C.

VITA

Auctore Joanne Tomco Marnaritio,
episcopo Bosnensi,

Ex editione Sigismundi Ferrarii, qui in Appendice ad res Hungaricæ provincie Ordinis Prædicatorum, a pag. 1 illam Joannis Tomci lucubrationem typis vulgavit.

E

CAPUT I.

Beati patria, parentes, religiosæ vitæ professio in Ordine Prædicatorum, ac primi labores.

Tragurium a, civium Romanorum oppidum, ab Isseis b conditum, marmore notum, teste Plinio c, civitas Dalmatiæ nobilissima, præstantissimorum virorum perenne seminarium, Augustinum edidit, circa medium decimum tertium Christianum seculum d, quo vix ullum aliud a Christo nato, novitate et varietate rerum non minus politicarum, quam ad pietatem spectantium, præsertim sacrarum familiarum institutione, feracius exstitit. Genus ei patricium ea tempestate, qua Dalmaticæ civitates, sub patrocínio regum Hungariæ, libera conditione florebant imprimis. Parens ejus fuit Nicolaus nomine ex Gazothorum gente, quæ jam Cassiotha dicitur, magnæ prudentiæ et probitatis vir, inter illius patriæ senatores. Mater ex Dragœviorum familia inter Sicensens e perpetuo primaria, Dragoslava nomine: multiplici prole eaque insigni fuere.

Beatus Tragurius in Dalmatia ex nobili stirpe natus,

a
b
c
d

F

2 Tempus natale ad amussim sicuti et puerilis educatio, vitio illius ætatis, in obscuro delitescunt; certum tamen est, cum in lucem editum regnante sanctissimo, et sanctissimarum virginum Margarethæ f, et Cunegundæ g genitore, rege Bella quarto h hujus nominis, qui iisdem ferme annis, regno per Tartaros pulsus, ad Dalmatiæ littora confugiens, in urbe Traguriensi, adjacentibusque eidem insulis, tutum perfugium habuerat i. Parentum cura liberaliter educatus, pietati et religioni mirabiliter adolevit. Vix ad juventutis bivium accesserat, cum Deo vocanti potius, quam parentibus parendum existimans, pu-

et a parentibus pie educatus

f g
h

rissimæ

A JOANNE
TOMCO.

Ordinem
Prædicato-
rum ingre-
ditur,

k

B

peractoque
tirocinio, va-
riis virtuti-
bus fulget,

C

* forte alitur.

* forte eleva-
tione mentis

suosque so-
dales tum
verbo

rissimæ vitæ florem, illi, qui pascitur inter lilia, consecravit.

3 Vigeat per ea tempora mirabili vitæ sanctimonia, euangelicoque studio animarum Christolucrandarum, magno divinæ gloriæ incremento, et per orbem Christianum dilatabatur sacra Prædicatorum familia, ineunte eodem seculo, a sanctissimo viro Dominico, Hispano genere, sed Gotthalamo k origine, instituta. Hujus religiosi moribus allectus pius Juvenis, mundo, parentibusque valedicens, inter ejusdem familiæ tiro-nes adscribi postulavit, et obtinuit. Admissus inter cœnobiacos, iis artibus et rudimentis, quibus illa ætas ad omnimodam pietatem informatur, brevi profecit egregie. Potissimum illi studium fuit secularium consuetudinum, humanorumque negotiorum totalis oblivio, cujus assequendæ gratia, post macerationes corporis, novæ menti induendæ, novisque consiliis imbibendis, totum sese addixit; quibus facile inde vitæ simplicitas, ardor divina meditandi, abjectio suimet et proprii judicii abdicatio accessere. Tales virtutes, perpetua suarum appetitionum compressio, assiduaque sibi adversandi exercitatio, denique regularium virtutum regina decoravit, cæca, ut aiunt, obedientia; ut tiro adhuc, ipsis veteranis, nedum commilitonibus, esset exemplo, et admirationi.

4 Tirocinio exacto, solenni claustralium virorum voto proprio, Prædicatoriæ familiæ insertus, in litteris humanis simul atque divinis magnos fecit progressus. Hinc sacerdotio conspicuus, ad cathedras et euangelicos suggestus, superiorum nutu sublimatus, egregiam Dei Ecclesiæ non minus verbo quam exemplo, pluribus in locis Christiani orbis navavit operam, semper idem, qui primo Religionis ingressu, perseverans. Hinc nec speciosiora munia nec digniores gradus illum umquam a semel ducta solidæ pietatis linea deducere potuerunt. Augustini porro eminentissimi doctoris Ecclesiæ, cujus nomen in castris regularibus assumpserat, ita mores exprimere satagebat in omnibus; ut in conversatione fratrum, sive præcset aliis domestico magistratu, sive subesset, ob oculos sibi perpetuo magni Patris monita observari putaret; quæ et aliis confratribus subinde magna suavitate inculcabat, præsertim illa ex Homilia 4: Recte novit vivere, qui recte novit orare. Sicut et illa ex Tract. de misericordia: Quid est oratione præclarius, quid vitæ nostra utilius, quid animo dulcius, quid in tota nostra religione sublimius? Illa quoque sæpius iterabat: Oratio justi clavis est cœli; ascendit precatis, et descendit Dei miseratio. Concludebatque excellentiam orandi ejusmodi verbis: Sicut ex carnalibus escis altera * caro, ita ex divinis eloquiis, et orationibus, interior homo nutritur. Ac sic Augustinum Augustinus exhibere, aliosque in eundem transformare satagebat, elevationis mente * ad Deum.

5 Dalmatam quoque sanctorum Doctorum maximum Hieronymum, Dalmata ipse, scribentem ad Salvinam crebro repetebat: Semper in manibus tuis divina sit lectio, et tam crebræ orationes, ut omnes cogitationum sagittæ, quibus adolescentia percuti solet, hujusmodi clypeo repellantur: difficile est etenim, quin potius impossibile, perturbationum vitiis carere quemquam. Eodem quoque magistro, se reliquosque monebat, non verbis tantum, sed corde Deum esse orandum: nam, ut idem ait: Melior quin-

que Psalmorum decantatio cum cordis puritate, ac serenitate, et spiritali hilaritate, quam totius Psalterii cum anxietate cordis, atque tristitia. His scilicet gradibus perfectam conjunctionem cum Deo videbatur assecutus. Humilitatis autem, sicuti et charitatis erga alios, super quam dici queat, studiosissimus erat.

6 Hinc sicuti facto, ita quoque voce, familiarissima habebat illa verba, quibus Ambrosius Augustini magister, Demetriadem virginem olim instruebat; Multum, aiebat, ad roborandam dilectionem valet, cum secundum doctrinam Apostolicam invicem se homines honore præveniunt; et alter alterum superiorem existimantes, amant servire subjecte, et nesciunt timere prælati; cum et pauper divitem non sibi dubitat anteferre, et dives pauperem sibi gaudet æquare; cum et sublimes non superbiunt de claritate prosapiæ, et pauperes non extolluntur de communione naturæ; cum denique non plus tribuitur magnis opibus, quam bonis moribus, neque major ducitur phalerata iniquorum potentia, quam rectorum inhonora justitia.

7 Et quia familiares illi erant parabolæ ad imitationem Christi, tam in publicis concionibus, quam privatis colloquiis, cum crebro illud Apostoli ad Galatas: Alter alterius onera portate, inculcaret, cervorum similitudinem ex sancto Augustino quæst. 71 proponebat: Sicuti enim de cervis nonnulli talium cognitionum studiosi scripserunt, cum fretum ad insulam transeunt pascuarum gratia, sic se ordinant, ut onera capitum suorum, quæ gestant in cornibus, super invicem portent, ita ut posterior in anteriorem cervice projecta caput collocet; et quia necesse est, unum esse qui ceteros præcedat; nec ante se habeat, cui caput inclinet, vicibus id agere dicitur, ut lassatus sui capitis onere, ille qui præcedit, post omnes recedat, et ei succedat, cujus ferebat caput, cum ipse præiret: ita invicem onera sua portantes, fretum transeunt, donec veniant ad terræ stabilitatem.

8 Ita ille. Qui quando remissiores aliquos in monasteriis videret in disciplina servanda, ne videretur ex rigidiore reprehensione aliquo modo in fraternam charitatem impingere, consueverat, magna modestia illud ejusdem Augustini ad plebem Hipponensem in memoriam revocare: Ex quo Deo servire cœpi, quomodo difficile sum expertus meliores, quam qui in monasteriis profecerunt, ita non sum expertus peiores, quam qui in monasteriis ceciderunt. Profuit pluribus Prædicatoriæ familiæ sacris domibus, tam in patria, quam extra: in patria autem plurimorum monasteriorum fuit ipse fundator, ex quibus præstantissimi sanctæ Ecclesiæ prodierunt operarii. Bosnensibus etiam partibus, quæ a Manichæis l non ita pridem e Græcia atque Thracia scatentibus miserandum in modum devastabantur, verbo et exemplo, Apostolicam navavit operam, eximio operæ pretio. Sed ad Italicas partes, superiorum jussu translatus, prædicatione verbi Dei, morumque sanctimonia, Christi bonum odorem, magna suæ Dominicanæ familiæ existimatione, se gessit; præsertim cum per ea tempora, infelicissima Italicarum rerum esset conditio, propter pestiferas Guelphorum et Gibellinorum m factiones, quibus nihil tetrius humanum genus ab orbe condito pertulerat.

D

tum exem-
plo,

E

ad perfectio-
nem exci-
tans

pro Ecclesiæ
et Ordine in
diversis re-
gionibus
strenue la-
borat.

F

l

A

ANNOTATA.

a *Tragurium*, vulgo dictum Trau, est urbs episcopalis Dalmatiæ sub archiepiscopatu Spalatensi, jacetque in ora maris Adriatici, et in insula ejusdem nominis, quæ ponte jungitur continenti, ut geographi passim tradunt.

b *Plinius lib. 3 Historiæ naturalis cap. 22 in Liburnia meminit de populo, qui Issæi appellantur. Joannes Lucius lib. 1 de regno Dalmatiæ et Croatiæ cap. 1 et 5 hanc gentem fusius recenset.*

c *Plinius loco mox citato testatur, Tragurium præsertim marmore notum esse.*

d *De verosimili natiuitatis tempore non improbabilem conjecturam in Commentario prævio num. 34 proposuimus.*

e *Sicum est civitas Dalmatiæ antiquæ nunc excisa, cujus rudera in littore maris Adriatici inter Tragurium et Salonarum ruinas cernuntur. Inde incolæ Sicenses vocantur.*

f *De hac S. Margareta Majores nostri ad diem xxviii Januarii egerunt.*

B g *Acta S. Cunegundis istius seu Kingæ ad diem xxiv Julii, tomo v istius mensis a pag. 661 in Opere nostro illustrata sunt.*

h *Bela IV rex Hungariæ in locum patris sui Andreæ successit anno Christi 1235, et anno 1275 ex hac vita migravit.*

i *Raynaldus in Annalibus ecclesiasticis ad annum Christi 1241 num. 22 et sequentibus hanc Tartarorum in Hungariam irruptionem ac Belæ regis fugam refert.*

k *Sanctus Dominicus hoc loco vocatur Gotth-Alanus origine, eo quod forte in Hispania prodierit ex stirpe Gotthorum et Alanorum, qui olim Hispaniam invaserant. Suntu autem Alani gens Gotthica, ut Procopius Cæsariensis lib. 1 Histor. Gotth. sub initio testatur. Quale fundamentum habeat hæc Gotth-Alana S. Dominici genealogia, die sequenti in Actis ejus dicemus.*

l *De novis hujusmodi Manichæis legi possunt ea, quæ in Commentario prævio ad Vitam S. Petri martiris die xxix Aprilis, tomo III istius mensis, pag. 679 diximus.*

C m *Hæc nomina indita sunt duabus famosis factionibus, quæ Italiam dissidiis et intestinis odiis repleverunt. Guelphi vocabantur, illi, qui Romano Pontifici favebant; Gibellini autem, qui Fredericum imperatorem sequebantur, ut videre est apud Petavium nostrum in Rationario temporum part. 1, lib. 9, cap. 1, ubi de hac re vetera auctorum testimonia in margine assignat.*

CAPUT II.

Promotio ipsius ad episcopatum Zagrabiensem, stupenda quædam miracula et variae virtutes.

Post multos labores in Hungaria exantillatos
Verum enimvero, qui Italiæ, extremis malis immersæ, zelo Apostolico maturam opem attulerat, Hungarico regno, ex summa felicitate ad inum miseriarum declinanti, divina dispositione opitulaturus, evocatur ex Italia, et ipsam Dalmaticam patriam deserere cogitur. Etenim deficiente sanctorum regum prole mascula, per trecentos annos in Pannoniis incluta, regnicolæ in partes divisi, sacræ coronæ decus, armorum vi potius, quam sacrarum legum temperamento,

Bohemicis, Bavaricis, Andegavensibusque principibus, tamquam per femineum sexum ex Hungarico stemmate descendentibus, obtrudebant. Andegavensium porro jus, utpote reliquis omnibus potius, Romanus Pontifex a saniori parte Ungarorum sollicitatus, atque etiam eo jure, quo Stephanus Ungarorum Apostolus, a Sede Apostolica, coronam et regium nomen prius obtinuerat, nec non et eo, quo postea idem rex, regnum sancto Petro perpetua donatione consecrarat, sacrata tuebatur auctoritate.

10 Qua tempestate, cum Bonifacio octavo a, qui Nicolaum b cardinalem Ostiensem legatum destinarat in Hungariam, Benedictus decimus, appellatus undecimus c, post tertium annum a decimo tertio seculo Christiano, ex Prædicatorum familia lectus, vir pietatis eximie, in sede Petri suffectus esset; cumque eodem tempore ecclesia Zagrabienensis d, totius Hungarici regni amplissima, ob translatum Michaellem ejus decimum quintum præsulem, ad Strigoniensem archiepiscopatum, solatio pastoris esset destituta, Benedictus, ut tantæ ecclesiæ præsulem aptum præficeret, qui vulneribus Hungaricis etiam medicina Apostolica prodesse valeret, in Augustinum, quem in sacra Dominici familia diu collegam habuerat, conjecit oculos, eundemque Romam evocatum, vel reluctantem, pastorale munus subire coegit e: cum quo dum familiarius, pro priori consuetudine, et germanitate morum ageret, eidemque in primo ad se accessu, manum valetudinariam salutationis ergo porrigeret, ubi primum ab hospite tacta, et pio osculo signata fuit, absterse statim dolore, osculata manus, vires integras, majori aliorum quam Pontificis, cui virtus Augustini probatissima erat, admiratione, recepit.

11 Aliud quoque non minus mirandum contigit; etenim cum summus Pontifex jure Christiani hospitii, eundem mensæ suæ admovisset, eidemque aliquot aviculas f tamquam ex itineris ærumnis debilitato, curasset apponi, ille vero observantiæ regularis instituto, quo Dominicanis fratribus perpetuo carnis usus interdicitur, tenacissimus, aliquamdiu hæsitabundo similis, ab illorum tactu abstinendo, cordis intimi affectu Dei opem implorasset; en aviculæ assæ, tamquam e nido, ex patina apposita, omnibus obstupescens evolantes, divina metamorphosi, totidem pisces assos in eodem vasculo, loco sui reliquerunt.

12 Hinc Pontifex confirmatus in antiqua opinione, quam pridem in communi palæstra, de sancto Viro conceperat, eundem manibus suis supremo sacerdotio decoratum, ad Zagrabiensem gregem destinavit. Cui dum præesset, solliciti pastoris curam, et accuratissimi patris affectum, magno illius ecclesiæ incremento, comprobavit. Prima tamen illum sollicitudo tenuit, ne quamvis episcopus, quidquam de regularis vitæ præscripto remitteret. Inde prope cathedralam suam, a fundamentis erecta ecclesia, quam sanctissimorum præsulum normæ sancto Nicolao dicatarum voluit, eidem Dominicanorum fratrum monasterium adjunxit, quibuscum, totum id temporis, quod a pontificali munere sibi supererat, in conversatione charissimorum fratrum pie transigebat. Quibus etiam plura alia loca intra suæ diocesis terminos extruxit, ut quamdiu illam lustraret ex officio, ex inolita sibi consuetudine, ad illos divertendo, et spiritui refocillando intentus, monachus esse posset. Quam

A JOANNE TOMCO.

a Benedicto VI Papa, coram quo duo insignia miracula

a

b

c

d

E

e

patrasse fertur,

f

F

episcopus Zagrabienensis consecratur, ubi FF. Prædicatoribus canobium condit.

porro

A JOANNE
TOMCO.et cum ob-
servantia
regulari

B

conjungit cu-
ram pastora-
lem;

g

in quo mu-
nere ecclē-
siam Zagra-
biensem re-
staurat,

h

i

C

k

sacra supel-
lectile ornat,

porro Deo hæc Augustini consilia probarentur, facile patuit. Cum enim locus, in quo prope cathedralem ecclesiam monasterium extruxerat, aquis salubrioribus indigeret, eo quod fluviolus præterlabens, mineralibus qualitatibus inficeretur, positis aliquando genibus, et simul cum fratribus implorato divino subsidio, manu sua effossa exigua scrobe, in latere proximi tumuli, saluberrimæ aquæ fonticulum elicuit; qui ad hodiernum usque diem, a fidelibus avide potatus, ob salubritatem æque animæ atque corporis, Augustini nomen retinet.

13 Aliquando a quodam ex suo clero interrogatus, cur ita frequenter ad monasteria sese reciperet episcopus, cujus esset in medio populorum semper inveniri, respondit; idem etiam a magno Augustino episcoporum maximo, non solum factitatum, sed etiam in libro, quem Manualem, tamquam semper manibus terendum, inscripsit, ejusmodi verbis commendatum: Fuge, o homo, paululum occupationes tuas, et absconde te modicum a tumultuosis cogitationibus tuis; vaca aliquantulum Deo, et paululum requiesce in eo, intra cubiculum mentis tuæ; et exclude omnia præter Deum, et quæ valent ad quærendum eum, et clauso ostio quære eum. Ita ille, qui talia sacra loca episcoporum hospitia itinerantium appellabat subdens: sicut vitator itineris labore fessus, divertit recreandus ad publica hospitia, ita pastor animarum, ad religiosa receptacula.

14 Ceterum quoad opus pastorale, nullibi operam suam desiderari passus est umquam, præsertim cum ea tempestate maxime deformis existeret facies ecclesiæ Zagrabiensis; quippe quæ sexaginta ante aunis extrema fuerat a Tartarorum colluvie perpressa, qui eo Septemtrionali Asia per Muscoviam, Russiam, Poloniam, Ungariam inundantes, Pannonias omnes, et Dalmatiam ipsam ad mare Adriaticum usque, pulso rege Bela cum primatibus, uti supra innuimus, omnia ferro, flammisque devovendo, inaudita crudelitate regnum universum colonis evacuaverant, iis exceptis, quibus fuga sibi consulere licuit g.

15 Qua occasione devastata etiam ipsa Zagrabia, vix aliqui sacerdotes, antiquorum litteralia monumenta, in sacrario Zagrabiensi conservari solita, ad Arbensem h insulam transferendo flammis subtraxerant; unde et Zagrabiensis ecclesia (opus sanctissimi regis Ladislai i) cum adjacenti canonicorum monasterio jacuit, apside majori excepta, ferme eversa. Et licet post Tartarorum discessum, Philippus undecimus illius ecclesiæ præsul, eandem restaurare aggressus esset, (vir publici boni amantissimus, utpote qui et castrum Medued appellatum, in monte Zagrabiæ imminenti, perfugio cleri et incolarum, sacris pecuniis a fundamentis excitaverat, civitate proxima Montis Græcensis muro minime adhuc obsepta:) tamen vix fundamentis ecclesiæ exsurgentibus, ad Strigoniensem k sedem translatus, opus majori spe, quam effectu, cœptum, imperfectum reliquerat.

16 Timotheus attamen ejus successor, ingenti conatu, intermissum opus quamdiu vixit ad summam promoverat altitudinem, eamque insigni opere elaboratam, (prout ejusdem gentilitia stemmata posteritati sunt argumento:) nec solum muris exstruendis, æternum laudabilem operam navaverat, sed et diversis aureis, argenteis, ac aliis pretiosis ornamentis sacram supellectilem instruxerat, prout vetera Zagrabiensis sacrarii monumenta testantur. Atque utinam Antonius,

et Joannes, unus post alium successores, optimi Timothei institissent vestigiis; et non potius paratis dilapidandis, ipsoque Meduedensi castro, beneficio dicam, an verius maleficio suorum consanguineorum, et animæ propriæ, alienando obiiissent inglorii, Joannes præsertim; unde inter illum et cathedrale capitulum, lites ingentes exortæ, in arma et in apertas persecutiones erupere, magno detrimento nobilissimæ ecclesiæ, nisi dextra Domini vitam ejus anno salutis mcccxcv præcidisset.

17 Curavit optimus successor Michael, prædecessoris mala corrigere; adeo ut nec ab armis sumendis, pro defensione suæ ecclesiæ, et quiete totius regni abstinere; præsertim, cum per ea tempora, Carolus, Caroli, Claudii appellati, regis Siciliæ filius, ex Maria filia Stephani regis, Belæ quarti filii, prognatus l, ad coronam aviticam ab Ungaris evocatus, prope Zagrabiam cum Andrea rege, Veneto dicto m, coactus fuerit armis infelicitate decertare. Sed et ipse, ut diximus, ad Strigoniensem evocatus ecclesiam, ingentes curas et labores vix alteri, quam Augustino sibi suffecto, tolerandos reliquit. At is, cum vulnera suæ ecclesiæ perniciosiora, quam quæ humanis medicamentis curari possent, animadverteret, ad opem divinam confugiens, clero, in seculares mores, ne dicam militarem inhumanitatem, silvescenti, sanando vires intendit omnes.

18 Forma itaque gregis factus, nil præscripsit observandum, quod ipse muneris omnibus non præstaret, facto semper jussa præveniendū. Mira affabilitate ferociores, humanitate petulantiores, precibus elatiores, muneribus, honoribus promptiores, in sui observantiam et amorem, ac proinde ad divini cultus affectum, et sacrorum munerum frequentiam ita redegit, ut sacris precibus horarum canonicarum persolvendis, ex Dominicane familiæ ritu, in clerum, armis tractandis, magis quam sacerdotali psalmodiæ assuetum, introductis, illarum usum, hucusque posteritati transmiserit. Dignitates, quas columnas n capituli appellant, ab archidiaconis, cathedrali nempe, et ruralibus majori præeminentia adauctis, canonicos in diversas classes distinxit. Præbendarum clericorum numero addito, iis omnibus ex sua episcopali mensa supplevit necessaria. Unde clerum, nullis Septemtrionalibus amplissimis ecclesiis secundum, numero, disciplina, proventibus spectandum imprimis, ad præsentia usque tempora instruxit, ornavit, atque ditavit.

ANNOTATA.

a Bonifacius VIII Pontifex die xi Octobris anno 1303 ex hac vita discessit, de quo apud Raynaldum, aliosque obvios historiarum ecclesiasticarum scriptores plura possunt videri.

b Iste est Nicolaus, cognomento Bocasinus, qui ex Ordine Prædicatorum ad dignitatem cardinalitiam erectus est, et deinde non diu post mortem Bonifacii VIII, sub nomine Benedicti X vel XI Cathedralis S. Petri ascendit. Scriptor Actorum hoc loquendi modo non satis clare exprimit, hunc Bonifacii VIII successorem esse eundem cum isto Nicolaus, quem Bonifacius Papa in Hungariam delegaverat. Nihilominus præter alios auctores Joannes Thuroczius in Chronicis Hungarorum cap. 86 disertè id explicat his verbis: Eodem tempore frater Nicolaus de Ordine Prædicatorum, episcopus Hostiensis Cardinalis, Apostolicæ Sedis auctoritate suffultus, in Hungariam pro Karolo advenit;

qui

D

et cleri sui
mores

l

m

E

variis modis
corrigit.

n

F

A qui Budæ residendo diebus aliquot, videns se nihil posse proficere, reversus est in curiam, et ibi mortuo Bonifacio VIII, in summum Pontificem eligitur et creatur, et Benedictus appellatur.

c *Franciscus Pagi* in *Breviario Pontificum Romanorum* tomo 3 pag. 550 et sequente rationem hujus appellationis ac diversi numeri ita reddit: In memoriam beneficiorum, a Bonifacio VIII acceptorum, *Nicolaus Pontifex electus* nomen Benedicti sumpsit, quod in baptismo Bonifacius acceperat, dictusque est hujus nuncupationis undecimus, licet decimus dieendus esset, cum ex dictis Joannes Veliternus, qui sub nomine Benedicti X Pontificatum invasit medio seculo undecimo, fuerit antipapa: quia tamen ab omnibus hujus temporis scriptoribus dicitur Benedictus undecimus, et nos ita nominandum censemus.

d *Zagrabia*, aliis *Zagabria*, incolis *Zagrab*, est munita Hungarici regni civitas, et episcopalis sub archiepiscopo *Colocensi*, jacetque in confiniis *Sclavoniæ* et *Croatiæ*, ut in mappis geographicis videre est.

B e Cum *Benedictus XI* mense *Octobri* anni 1303 summus Pontifex electus fuerit, et *Sedem S. Petri* uno dumtaxat anno tenuerit, præterpropter colligimus, quo tempore *B. Augustinus* ab illo ad *athedram Zagrabiensem* evectus fuerit. *Michas Madius* de *Barbazanis* scriptor istius temporis, apud *Joannem Lucium* post opus de regno *Dalmatiæ* et *Croatiæ* editus, ibidem pag. 372 *Benedicti Papæ XI* mortem et simul promotionem *Beati nostri* sic memorat: *Perusii* moritur (nimirum *Benedictus XI Pontifex*) in miraculis coruscando, ordinansque *Augustinum de Tragurio* episcopum *Sagrabie*.

f De hoc portentoso miraculo avicularum assarum, quæ subito ex pastina apposita evolvant, in *Commentario prævio* num. 27 et 28 sat multa diximus.

g De hac horribili *Tartarorum* incursione in *Hungariam* consuli potest magister *Rogerus*, testis oculatus, qui inter scriptores *Rerum Hungaricarum*, anno 1600 *Fraucofurti* editus, a pag. 177 eam calamitatem pathetice describit.

h *Arba*, *Arbe*, vel *Arbum* est insula *Illyrici*, in qua situm est oppidum parvum ejusdem nominis, quæ quatuor passuum millibus distat ab ora *Liburniæ*, et ab Oriente in Occidentem ad quindecim millia passuum extenditur.

i *Hujus sancti Regis Acta* ad diem *xxvii Junii*, tomo v istius mensis a pag. 315 illustravimus.

C k *Strigoniæ*, vulgo dictum *Gran*, est urbs archiepiscopalis *Hungariæ*, sita ad *Danubium*, a quo flumine bifariam secatur comitatus ejusdem nominis, qui ab illa primaria urbe appellationem suam accepit.

l *Antonius Bonfinius* decade 2 libro 9 *Rerum Hungaricarum* apud nos pag. 307 hanc *Caroli* genealogiam distinctius exponit.

m *Laudatus Bonfinius* loco proxime citato causam hujus cognominis explicat, et ibidem genealogiam, variamque istius *Andræ* fortunam describit. *Videri etiam potest Joannes Thuroczius* in *Chronico Hungarorum* cap. 82, ubi *Andræ* coronationem, ac originem narrat.

n *Arbitror*, canonicos dignitate præditos metaphorice appellari columnas, quia capitulum illis, veluti columnis nititur ac fulcitur.

CAPUT III.

Exhortatio, quam ad clerum suæ diœcesis instituisse dicitur.

Synodicis congregationibus quolibet anno institutam disciplinam roborando, et, ut verbo

pariter et exemplis pollebat, uberrimos fructus Apostolici zeli in horrea magni patris-familias referebat. Aliquando congregata diœcesana synodo, ubi multa circa sacras leges observanda disposuisset; ex illo Euangelii themate: Vos ESTIS LUX MUNDI, ita fertur a clerum suum allocutus: " Quoniam, fratres carissimi, divina adjuvante " gratia, nequaquam ad eos est mihi sermo, " quorum viæ tenebræ et lubricum, ut divinus " occinit Psalter, sed cœlesti favore et Spiritu " sancto assistente, vos alloquor, qui tamquam " stellæ perpetuæ æternitatis inter procellas " turbatissimi maris hujus vitæ præluceatis, ut " luce vestra, nulla eclipsi tenebrarum offusa, " naufrago peccatori ad portum salutis iter ostendatis, dum ex hodierno Euangelio nobis omnibus Christi sacerdotibus insinuantur illa " verba: Vos ESTIS LUX MUNDI, & LUCEAT LUX " VESTRA CORAM HOMINIBUS; expedit, ut breviter inquiramus ex consideratione materialis " cerei, luci præstandæ præparati, qualem esse " conveniat euangelici sacerdotis conditionem, ut " illa evitare possimus, quæ lampadi ardenti et " irreprehensibili, per sacerdotem nobis in fonte " baptismali consignatæ possint obesse, et Christo jubenti, ut luceat lux nostra coram hominibus, satisfacere valeamus.

20 " Lampas itaque cerea [quod] materia conflatur, est eertum. Hæc porro materies nequaquam ex mineralibus, vel aliis subterraneis fodinis obscurissimorum fœtentissimorumque lacuum, inferno proximorum, colligitur; sed ex speciosissimis æque ac nobilissimis floribus, quos amplissimo sinu hilari pompa tellus cœlis ostentat. Hinc sacerdos euangelicus nequaquam ex quolibet sexu membrorumque deformitate; sed ex nobiliori sexu, legitimis natalibus, religione Catholica, omni labe carens infamiae, nulla morum deformitate compaginatus, exemplo Danielis et sociorum puerorum ex semine regio, in quibus nulla esset macula, cœlestibus mysteriis tractandis efformatur. Nec satis habetur, ut cera colligatur ex iis, quos diximus, speciosissimis nobilissimisque exhilaratæ terræ floribus, in eum finem, ut fiat apta lampadi conficiendæ; sed nobilitati et speciei florum suavitas accedat. est necesse. Pari ratione non sufficit, ut ex nobiliori sexu, legitimis natalibus, religione Catholica, omni labe nefaria carens, morum nulla deformitate compaginata efformetur sacerdotalis lampas; sed iis omnibus accedat, est necesse, suavitas mansuetæ naturæ, piæ educationis fragrantia, ut Christi bonus odor esse possimus: etenim ipsemet Daniel cum sociis, quantumvis ex genere regio et sine macula egnoscerentur, ad ministerium regis admissi fuissent nequaquam, nisi omni sapientia et disciplina fuissent edocti.

21 " Et quamvis ex nobilissimis, speciosissimis ac demum floribus materia ceræ decerpatur, non tamen lampadi componendæ fit apta, nisi prius et lingua apum purgetur. stillantiumque labellorum ejusdem animantis perficiatur industria: animantis, inquam, natura castissimi, occupatione operosissimi, legum et disciplinæ tenacissimi. Sic et sacerdos, non quia natalibus præstet et moribus, lampadi euangelicæ concinnandæ censetur idoneus; sed castimonia purissimæ vitæ excellat, exquiritur: etenim cum nequaquam inter ministros *Babylonicæ* aulae, sed inter aulicos immaculati agni sit

A JOANNE TOMCO.

In synodo diœcesana adhortatur clericos suos

a

E

ut aliis præluceant bono exemplo,

F

castitatem servant,

adscri-

A JOAN.
TOMCO.

„ adscribendus, ejuscemodi virtute debet insi-
 „ gniri, cum de talibus scribatur : Hi sunt, qui
 „ cum mulieribus non sunt coinquinati; virgines
 „ enim sunt, et sequuntur agnum quocumque
 „ ierit. Et quoniam is debet esse sacerdos, qui
 „ facie ad faciem negotium omnium maximum,
 „ salutem nempe generis humani, tractaturus
 „ est cum Deo, hac puritate polleat, necessum
 „ est : ipsa enim veritate testante, mundi so-
 „ lummodo corde Deum possunt intueri; cujus
 „ rei præstantiam penetravit qualicumque modo
 „ cæcutiens olim gentilitas, quæ curam suc-
 „ cendendorum torrium ad aram deæ, ut appel-
 „ labant, Vestæ *b*, decreto Romani senatus vir-
 „ ginitate præstantibus puellis censuit comit-
 „ tendam.

otium vitent.

22 „ Industria item apis post puritatem men-
 „ tis et corporis imitanda est sacerdoti, otii vi-
 „ tandi gratia, nam juxta tritum illud : Innu-
 „ mera mala docuit otiositas. Hinc maximus
 „ Doctorum noster Hieronymus Rustico mona-
 „ cho normam religiose vivendi præscribens :
 „ Semper, inquit, aliquid facias, ut te diabolus
 „ occupatum inveniat. Ninium indecens est,
 „ videre hominem ecclesiastico muneri adscri-
 „ ptum, sacro caractere insignitum, otiose
 „ per plateas spatiantem, meliorem partem
 „ diei in domibus magnatum, in tribunalibus
 „ litigantium, et, quod pejus est, inter greges
 „ compotantium dies integros traducere, sup-
 „ presso talento virtutis sibi a Deo communi-
 „ catæ; sed et (quod pessimum) abliguriendo
 „ prodigendoque proventus ecclesiasticos, lega-
 „ tos sibi pietate fidelium, sæpius imminu-
 „ tione proprii patrimonii, præjudicio prolis et
 „ posteritatis, qua nihil carius in humanis.

manibus la-
borent,

23 „ Revocate vobis in memoriam, fratres
 „ mei, Apostolos, primos Christianæ scholæ
 „ doctores, labore manuum victitasse. Unde
 „ Paulus, quamvis omnium ecclesiarum sollicitu-
 „ dinibus occupatus totus, non erubescit id fa-
 „ teri; quin etiam, ut habemus in Actis Apo-
 „ stolicis, gloriatur coram Ephesina ecclesia,
 „ talis industriæ exercitio, dum ait : Argentum
 „ et aurum, aut vestem nullius concupivi, sicut
 „ ipsi scitis; quoniam ad ea, quæ mihi opus
 „ erant, et his, qui mecum sunt, ministra-
 „ verunt manus istæ. Et mox exemplo suo
 „ præcipit idem a reliquis fidelibus factitandum,
 „ dum subjungit : Omnia ostendi vobis, quoni-
 „ am sic laborantes oportet suscipere infirmos, ac
 „ meminisse verbi Domini Jesu, quoniam ipse
 „ dixit : Beatius est magis dare, quam accipere.

reditus pie
impendant,

24 „ Nec audiendi, qui dicunt : Sat bene pro-
 „ visus et ditatus sacris proventibus non eget, ut
 „ labore manuum sibi consulat : etenim Aposto-
 „ lus expresse id faciendum præcipit, ut habea-
 „ mus, unde tribuamus necessitatem patienti. Tri-
 „ buimus ex bonis ecclesiasticis, ut aiunt. At il-
 „ lud est officii, respondet Apostolus, imo et
 „ debiti, cum ait ad Corinthios : Sic nos existi-
 „ met homo, ut ministros Christi, et dispensa-
 „ tores mysteriorum Dei. Hic jam quæritur, ut
 „ inter dispensatores fidelis quis inveniatur; id
 „ est juxta Patrum interpretationem, ut ita fide-
 „ liter utamur proventibus Ecclesiæ; quatenus
 „ quidquid necessitati nostræ (necessitati dico;
 „ non opulentiae, non prodigalitati, non luxui,
 „ non popinis, non scortis) superest, totum
 „ tencamus Christi fidelibus, nostris fratribus,
 „ tamquam ejusdem corporis membris, utpote
 „ egentibus, erogare; tum quia æqua ratione per-

„ tinent ad illos, sicuti ad nos; tum potissime,
 „ ut refrigerio et saluti illorum piorum, a quibus
 „ tales proventus instituti fuere, sit consultum.

25 „ Fur alioqui habendus quilibet nostrum,
 „ et patrimonii Christi fraudator, æternisque
 „ cruciatibus mancipandus, donec minimum qua-
 „ drantem solvat ibi, ubi nullus, nisi per im-
 „ mortalitatis pœnas, invenitur solvendi modus.
 „ Idcirco, ut eleemosyna sacerdoti prosit, sacer-
 „ dotali manu parandam illam requirit Aposto-
 „ lus. Quamobrem Hieronymus noster ditissimi
 „ alioqui heres patrimonii, ad Marcum Celeden-
 „ sem scribens, exactissime a se Pauli præce-
 „ ptum executum testatur, cum ait : Nihil alicui
 „ præripui, nihil otiosus accipio; manu quotidie
 „ et proprio sudore quærimus cibum, scientes ab
 „ Apostolo scriptum esse : Qui autem non ope-
 „ ratur, nec manducet. Hæc Hieronymus. At
 „ inquiet aliquis : Omnium artium ignarus ha-
 „ beor. Respondeo : Scribere, legere quicumque
 „ novit ecclesiasticus; satis gnarus habetur, un-
 „ de tali labore atque industria, tam publico
 „ quam privato bono consulat. Veteres illi mo-
 „ nachi, eodem Hieronymo teste, neminem intra
 „ suum consortium, operis alicujus ignarum,
 „ admittebant.

eleemosynas
tribuant pau-
peribus,

26 „ Penes castimoniam, et industriam, ter-
 „ tia dos naturalis apum, sequitur legum obser-
 „ vantia, et disciplinæ tenacitas, quibus apes
 „ unicum suum principem prosequuntur, vene-
 „ rantur et colunt, cujus imperio ita sunt addi-
 „ ctæ, ut pro illo vitam prodigere minime time-
 „ ant, et qua sui principis hostem, justum credunt
 „ ferire, inde sibi honestum ac necessarium pu-
 „ tant perire, prout ipse Maro de iisdem cecinit :

E

leges ecclē-
siasticas

„ ...Pulcramque petunt per vulnera mortem.

„ Et vir servitio cultuique Regis regum dicatus
 „ operæ pretium censebit, postquam ille sophi-
 „ sticis excogitationibus prælati sui, ejusdem Re-
 „ gis regum præsentiam exhibentis, leges et
 „ jussa pro sua libidine distorserit, et interpre-
 „ tatus fuerit, expresso legum et legislatoris ma-
 „ nifesto contemptu, innumeris inventionibus
 „ exceptionum et appellationum, ut vocant, con-
 „ tumacis et refractarii capitis sui obstinationem
 „ fulcire? Quid, quod jubeat Apostolus, obedi-
 „ dum dominis et præpositis etiam dyscolis?

F

27 „ Pudeat Christianum sacerdotem, inter
 „ ethnicos eam fuisse erga unius Pythagoræ
 „ dogmata æstimationem et reverentiam, ut so-
 „ la responsione, MAGISTER DIXIT, illius manda-
 „ tis contra quorumcumque aliter suadentium
 „ auctoritatem acquiescerent! Pudcat nos disci-
 „ pulos illius Magistri, qui gloriam suam in eo
 „ collocatam voluit, dum scholam inter homines
 „ exercuit, ut obediens ad mortem usque cogno-
 „ sceretur; pudeat, inquam, nos, prælati nostris
 „ per fas et nefas velle præesse! Mitto hic cleri-
 „ cos causarum sollicitatores, litium immortalium
 „ incentores; eos denique etiam sæpe judices li-
 „ tigantibus patrocinales, cum apud ethnicos
 „ advocatorum patrocinium, creditum fuerit per-
 „ missum latrocinium; clericos, inquam, qui
 „ suæ vocationis obliti, turpis lucri gratia, gra-
 „ tiam æterni et numquam deficientis lucri,
 „ sponte, utpote satis ab Ecclesia ditati, remit-
 „ tunt et respuunt, frustra sacris canonibus, et
 „ ecclesiasticis statutis reclamantibus.

exacte obser-
vent,

28 „ Jam satis apis studium circa materiam
 „ ceræ cognovimus. Non tamen hanc ideo adhuc

passiones
suas

„ aptatam

A „ aptatam lampadi cereæ formandæ invenimus,
 „ cum requiratur ulterius, ut ab apum industria
 „ ad purgationem ignis et roris aëri pruinarum
 „ accedat temperamentum. Quæ in sacerdote ni-
 „ hil aliud sunt, quam passionum veteris homi-
 „ nis mortificationes juxta ejusmodi experien-
 „ tiæ magnum doctorem, regium Vatem, dicen-
 „ tem : Transivimus per ignem et aquam. Unde
 „ et ipse ethnicus poëta de heroë virtutibus om-
 „ nibus exulto cecinit :

„ Multa tulit, fecitque puer, sudavit et alsit.

sape doment,

29 „ Perfecta jam cera sit licet eo, quo vidi-
 „ mus, modo, necdum tamen in ceream lampa-
 „ dem, nisi per novum ignem conflatur. Pari
 „ modo sacerdos euangelicus nequaquam unica
 „ mortificatione veteris Adæ in lampadem sacro
 „ altari adhibendam coalescet, nisi mortificatio-
 „ num artibus iteratis et numquam depositis.
 „ Hinc laudatus hujus artis magister aiebat :
 „ Propter te mortificamur totâ die, æstimati su-
 „ mus quasi oves occisionis. Et ille alius sa-
 „ cerdotum doctor, mortificationem Jesu Christi
 „ jugiter in corpore nostro portare nos jubet.
 „ Quod penitus introspectit ethnicus poëta ab
 „ Hieronymo nostro relatus illis verbis : Tan-
 „ tum profeceris, quantum tibi vim intuleris.

B

orent, et lit-
 teris stude-
 ant,

30 „ Et ut cera perfectionem suam per ignes
 „ assequatur, non tamen luci præstandæ sufficit
 „ per se sola, nisi ex candida bombyce lychnus
 „ intercedat, id est, nisi purissimæ orationis
 „ studio sacerdotale cor instruat : ut enim tri-
 „ ni filii intorsione lychnus pro lampade cerea
 „ instruitur, ita sacerdotis oratio tunc vero lu-
 „ mini adaptatur euangelico, cum ad mentalem
 „ orationem vocalis, et utrique spectatæ vitæ
 „ decus accedit, de qua sancti Patres illud :
 „ Oportet semper orare et numquam deficere,
 „ jure merito interpretantur. Notandum tamen
 „ est, hæc tria fila nisi arte intorqueantur, ly-
 „ chnum nequaquam perfici ; quare hæc intorsio
 „ triplicis orationis censetur sacerdotalis instru-
 „ ctio et sapientia ; et illa quidem non facilis ali-
 „ cujus eruditionis, aut doctrinæ superficialis,
 „ sed diutina tortitione laborum quæsita, cum
 „ juxta sacrum illud Scripturæ dogma : Labia
 „ sacerdotis custodiunt sapientiam, et legem
 „ requirent ex ore ejus. Sane ex cujus ore re-
 „ quirenda est lex, singulari prudentia et scien-
 „ tia debet insigniri, præcavendo, ne contra se
 „ latam illam sententiam experiatur : Quia tu
 „ repulisti sapientiam et scientiam, et ego te
 „ repellam, ne sacerdotio mihi fungaris.

C

caritatem

31 „ Denique quam vim ad tenebras expel-
 „ lendas lucemque præferendam cerea lampas nu-
 „ meris omnibus absoluta obtinebit, nisi ignea
 „ flamma accendatur ? Ita quid sacerdoti omnes
 „ enumeratæ dotes, earumque præstantia confer-
 „ re poterunt, nisi caritatis accendantur ardore ?
 „ Qua in re diligenter observandum est, carita-
 „ tem effective exerceri posse minime absque pro-
 „ prii incommodi sensu, eodem prorsus modo,
 „ quo cerea lampas accensa, non nisi suimet im-
 „ minutione splendet. Sed heu ! quam pauci,
 „ non quidem cum sacerdote, sed cum simplici
 „ diacono Laurentio possunt exclamare, et pro-
 „ rumpere in illud : Igne me examinasti. Quare ?
 „ Quia disperserat, et dederat pauperibus ; nec
 „ solum suarum rerum erogatione, sed etiam pro-
 „ priæ vitæ incommodo. Idcirco audacter et lætus
 „ subjunxit : Et non est inventa in me iniquitas.

32 „ Immittere manum in crumenam, ut
 „ disperdamus nostra propter pauperes, adu-
 „ ritur manus humano more loquendo. Non ne-
 „ go, non inficior. At per ejusmodi ignem exa-
 „ minatus est Laurentius, et introductus est
 „ in refrigerium. Detractis propriis vestibus in
 „ ipsa hiemis asperitate, ut nudus operiatur,
 „ urit et adurit seculare malum ; sed ex tali
 „ adustione Martinus noster, catechumenus ad-
 „ huc, Christum loquentem audit : Martinus ad-
 „ huc catechumenus hac me veste contextit. Urit
 „ et adurit nuditas Franciscum, ut egenis suc-
 „ currat ; sed ejusmodi corpuseculo nudo stigmata,
 „ gemmis et auro pretiosiora, impressa, specta-
 „ cula sunt Deo, angelis et hominibus.

33 „ Adurit manum largitas effusissima, qua
 „ Stephanus Ungarorum rex et apostolus post
 „ innumeras ecclesias a fundamentis excitatas
 „ et munificentissime ditatas, ut populos ad cau-
 „ lam Christi perductos contineret in Christia-
 „ nitatis officio, nulli petenti opem denegavit
 „ umquam ; sed illam liberalissime die noctuque
 „ habuit, ut aliquando irrueute egenorum turba
 „ inter tenebras in regem pientissimum, barbam
 „ quoque ipsi evellerent, stipem rapide pro in-
 „ nata importunitate et impatientia erepturi.
 „ Sed eamdem dexteram, reliquo toto corpore
 „ in cineres recidente, integram adhuc exstare,
 „ amplissimoque templo ab ipsa dextera denomi-
 „ nato, universæ Ungariæ cultui et venerationi
 „ haberi, ipsiusque sanctissimi regis gloriæ am-
 „ plissimum hoc omnium Hungaricarum partium
 „ templum, in quo consedimus, attolli, pretium
 „ est nequaquam manus adustæ ; sed illius he-
 „ rois dexteræ, de quo regius Vates intonat :
 „ In memoria æterna erit justus. Et illud : Co-
 „ rona aurea super caput ejus, etc. Hinc et re-
 „ gale caput ejus auro gemmisque fulgidum ; sed
 „ memoria eximie sanctitatis, gloriæ, et hono-
 „ ris augustius, tutelare numen universi Hungari-
 „ ci regni, patriæ hujusce nostræ præsentaneum
 „ decus insidet aræ sacrosanctæ, sicut videtis.

34 „ Vidimus itaque, fratres amantissimi,
 „ qualitates sacerdotalis lampadis ; quæ, quia
 „ non sub modio, sed super candelabrum, ut ait
 „ Salvator noster, ponitur, etiam atque etiam
 „ cavendum moneo, ne splendor ejus vento vel
 „ ab aquis, quibus tantummodo extinguere pot-
 „ est, aliquam patiatur injuriam ; sed juxta
 „ ejusdem Salvatoris præceptum, luceat omni-
 „ bus, qui in domo magni patris-familias exi-
 „ stunt. Est autem ventus, cujus injuriis sacer-
 „ dotalis lampas potest labefactari, terrenarum
 „ rerum sollicitudo, cui cum renuntiaverimus ad-
 „ scribendi ecclesiasticæ militiæ, eo tempore ca-
 „ pillorum nostrorum præcisorum episcopali
 „ manu, terrena omnia rejecimus, et solenniter
 „ Dominum, partem hereditatis nostræ et calicis
 „ nostri adoptavimus.

35 „ Absque periculo splendoris nostræ lam-
 „ padis ad curas terrenas redire nobis non licet :
 „ etenim, sicut Hieronymus noster in hanc rem
 „ ad Nepotianum clericum loquitur, propterea
 „ vocantur clerici, vel quia de sorte sunt Do-
 „ mini, vel ipse Dominus sors, id est pars cleri-
 „ corum est. Qui autem vel ipse pars Domini est,
 „ vel Dominum partem habet, talem se exhibe-
 „ re debet, ut et ipse possideat Dominum, et
 „ possideatur a Domino. Qui Dominum possidet
 „ et cum Propheta dicit : Pars mea Dominus,
 „ nihil extra Dominum habere potest. Quod si
 „ quidpiam aliud habere potest præter Dominum,

A JOANNE
 TOMCO.
 et liberalita-
 tem

erga egenos
 exerceant,

E

et curent, ne
 lux, quam
 aliis præfer-
 re debent,

F

terrenis cu-
 ris

A JOANNE
TOMCO.*cupiditate
lucris tempo-
ralis,*B
*aliisque se-
culi negotiis*

C

*aut carnis
voluptatibus
extinguitur.*

» pars ejus non erit Dominus; verbi gratia, si
» aurum, si argentum, si possessiones, si variam
» supellectilem; cum istis partibus Dominus pars
» fieri non dignabitur.

36 » Ita ille, qui mox subjungit : Obsecro
» itaque te, et repetens iterumque moneo, ne
» officium clericatus, genus aliquod militiæ pu-
» tes, id est, ne lucra seculi in Christi quæras
» militia; ne plus habeas, quam quando clericus
» esse cœpisti, et dicatur tibi : Cleri eorum non
» proderunt eis. Et paulo post (quod nisi ipse
» diceret, forte subicerem) ita proseguitur :
» Ignominia sacerdotis est propriis studere di-
» vitiis. Natus in paupere domo et in tugurio
» rusticano, qui vix milio et cibario pane rugi-
» entem saturare ventrem poteram, nunc simi-
» lam et mella fastidio; novi et genera et nomi-
» na piscium; in quo littore concha lecta sit,
» calleo; saporibus avium discerno provincias,
» et ciborum me raritas ac novissime damna
» ipsa delectant. Ita ille, ad cujus integram
» epistolam vos brevitatis gratia libenter remit-
» to, cum tota de re clericali habeatur.

37 » Et ut adhuc melius nobis innotescat,
» quanto et nostro et omnium aliorum præjudi-
» cio, talibus ventorum injuriis splendorem sa-
» cerdotalis lampadis imminui permittimus, Ro-
» manus Pontifex Gregorius (et eo nomine noster
» etiam, quo illustrissimos ejus nepotes Fran-
» gipanicos dynastas, qui nuper, virtute fastis
» æternis celebranda, regnum Hungaricum regi
» suo, regemque regno, impia Tartarica feri-
» tate prope extincto, vindicantes, cives nostri
» esse voluerunt) Homilia XVII in Lucam quid
» deploret, audiamus : Nullum, ait, puto, fra-
» tres carissimi, ab aliis majus præjudicium,
» quam a sacerdotibus tolerat Deus; quando,
» quos ad aliorum correctionem posuit, dare de
» se exempla pravitatis cernit; quando ipsi pec-
» camus, qui compescere peccata debuimus;
» nulla animarum lucra quærimus; ad nostra
» quotidie studia vacamus, terrena concupisci-
» mus, humanam gloriam intenta mente capta-
» mus; et quia eo ipso, quo ceteris prælati su-
» mus, ad agenda quælibet, majorem licentiam
» habemus; susceptæ benedictionis ministerium
» vertimus ad ambitionis argumentum; Dei cau-
» sas relinquimus, ad terrena negotia vacamus;
» locum sanctitatis accipimus, et terrenis artibus
» implicamur. Hæc Gregorius.

38 » Nec vento curarum terrenarum, sed et
» aquis voluptatum carnalium funestatur sacer-
» dotalis lampas, et miserandum in modum ex-
» stinguitur; ut merito sacerdotali nomine in-
» clamet regius Vates : Salvum me fac, Deus,
» quoniam intraverunt aquæ usque ad animam;
» infixus sum in limo profundi, et non est sub-
» stantia. Etenim sacerdos voluptatibus carnis
» immersus, tamquam in luto aquarum multa-
» rum, non habet aliquam splendoris substan-
» tiam : amissa quippe puritate, qua sola divino
» dignatur intuitu, volutabrum immunditiarum
» efficitur; certum enim est, teste Apostolo,
» cum quis adhæret meretrici, unum corpus fieri
» eum meretrice; at si unum corpus fit cum
» meretrice, ergo nulla remanet substantiæ sa-
» cerdotalis eminentia, cum femina incapax ha-
» beatur sacerdotii cuangelici : quinimo simpli-
» citer polluta, vestalium Romanarum exemplo,
» ab aris repellebatur æternum, et crudelissimo
» mortis genere extinguebatur.

39 » Sed ne vobis sermone meo tædium pa-

» riam, Hieronymum nostratem ex eadem epi-
» stola audiat : Hospitiolum, inquit, tuum aut
» raro aut numquam mulierum pedes terant.
» Omnes puellas et virgines Christi aut æqualiter
» ignora, aut æqualiter dilige. Ne sub eodem
» tecto mansites, nec in præterita castitate con-
» fidas. Nec sanctior Davide, nec Sampson for-
» tior, nec Salomone potes esse sapientior. Me-
» mento semper, quod paradisi colonum de pos-
» sessione sua mulier ejecerit, Ægrotanti tibi
» quilibet frater assistat, et germana vel mater,
» aut probatæ quælibet apud omnes fidei. Quod
» si hujusmodi non fuerint consanguinitatis ca-
» stimoniæque personæ, multas anus nutrit ec-
» clesia, quæ et officium præbeant, et beneficium
» accipiant in ministrando, ut infirmitas quoque
» tua fructum habeat eleemosynæ. Scio, quosdam
» convaluisse corpore, et animo ægrotare cœ-
» pisse. Periculose tibi ministrat, cujus vultum
» frequenter attendis. Si propter officium cleri-
» catus aut vidua visitatur, aut virgo, numquam
» domum solus introeas.

40 » Tales habeto socios, quorum contuber-
» nio non infameris. Si lector, si acolythus, si
» psalter te sequitur, non ornentur veste, sed
» moribus; nec calamistro crispent comas, sed
» pudicitia habitum polliceantur. Solus cum sola
» secreto et absque arbitro vel teste non sedeas.
» Si familiarius aliquid est loquendum, habet
» nutricem majorem domus, virginem, viduam,
» vel maritatum; non est tam inhumana, ut nul-
» lum præter te habeat, cui se audeat credere.
» Caveto omnes suspensiones, et quidquid pro-
» babiliter fingi potest, ne fingatur, ante devita.
» Hæc conterraneus c nobis et presbyter Hie-
» ronymus, post quem, parentem meum Augu-
» stinum, tamquam proprio malo gnarum, quid
» periculorum feminea habeant commercia, vo-
» bis in exemplum adduco. Ille enim femina-
» rum omnium, et in eis sororis, et fratris filiæ
» contubernium familiaritatemque constantissi-
» me evitavit; quippe qui diceret : Etsi propin-
» quæ mulieres suspectæ non essent, tamen, quæ
» ad eas ventitarent, posse suspensionem efficere.

41 » Et ut sermoni finem imponamus, illud
» identidem cum veritatis Magistro ex Euange-
» lio inculco : Vide, sacerdos, ne lumen, quod
» in te est, tenebræ fiant. Judas sacerdos, Apo-
» stolus, quin etiam episcopus fuit; avaritiæ ta-
» men vento lampade extincta, episcopatum,
» apostolatun, sacerdotium et animam ipsam
» perdidit. Tertullianus doctor antiquissimus et
» doctissimus, levissimo vento invidiæ Romani
» cleri afflatus, tamquam stipula ante faciem
» venti, extincta lampade, tenebris occidit æter-
» nis. Arius sacerdos Alexandrinæ ecclesiæ, va-
» nitatis vento agitato, quam pestilenti fumo
» post extinctam lampadem cuangelicam, orbem
» Christianum infecerit, plurium seculorum rui-
» næ testantur. Sergius monachus idemque sa-
» cerdos, luto aquarum multarum obruta lampa-
» de, teterrimum torrem, impurissimum Mahome-
» tem, tot regnorum et imperiorum eversorem
» (quod nulla terrarum pars ignorat) in orbem
» Christianum intulit.

42 » Hugonem d totius Germaniæ primatem
» Magdeburgensis ecclesia diu sanctissimum
» præsulem habuit, quem tandem, ludo carnis
» illudentem Deo, sibique, lutum infernalium
» aquarum maxime terribili in omne ævum modo
» ingurgitavit. Et quod non absque lacrymis ex-
» perimur, vastitatem nuperrimam Hungariæ di-

D

*Hinc monet,
fugienda es-
se mulierum
consortia,*

E

*quæ plerum-
que pericu-
losa sunt,*

c

*memoratis-
que aliorum
lapsibus,*

F

*clerum suum
ad vigilantia
m excitat.
d*

A „vinæ justitiæ rigor, ex fœtore trium impurissimorum præsulum, testimonio sancti viri, pluribus adhuc viventibus eogniti, maturavit. Luceat ergo lux vestra coram hominibus, ut videant opera vestra bona, et glorificent Patrem vestrum, qui in cœlis est. Ita tamen, ut, qui stat, videat, ne cadat. » Ita suos allocutus traditur. Decreta porro synodalia mira dextertate in mores induci curabat, jugum Domini esse suave probans innata sibi discretione et affabilitate, pretiosissimis dotibus majestatis episcopalis; adeo ut neminem asperioribus verbis turbatum a se recedere, quantum fieri poterat, pateretur; et, si aliquando desperatam alias humano judicio alicujus emendationem in melius acrioribus verbis perstringere cogebatur, id ea benignitate et verborum placiditate statim condebat, ut desperatis etiam morbis medelam adinvenirent.

Christi pauperibus, hospitibus et pègrinis, volebat esse communia. Quin etiam quotannis in publica concione coram clero et populo, accepti et dati rationem minutissimam et distinctissimam consueverat exhibere. Non defuit interim fabricæ cathedralis ecclesiæ a Timotheo, ut diximus, promotæ; quam licet ad suum ferme culmen perduxisset, nullibi tamen insignia gentilitia, aliorum more, sculpi, sicut nec sacræ suppellectili, altariumque ornamentis, quibus omnibus munificentissime prospexit, incidi, vel assui permisit: cum diceret, imposturas esse ejusmodi memorias in iis, quæ Christi hæreditate, non gentilitio patrimonio, ex officio boni pastoris parabantur. Addebat insuper, rapinam committi sacrilegam quando personæ, Christi sanguine, et pauperum laboribus ditatæ, res etiam Deo per se dicatas, familiæ signis, et suis nominibus ac titulis insignirent. Nec tamen damnabat exempli boni gratia illorum prælatorum factum, qui vel proprio patrimonio, vel sobrietate, aut aliqua alia honesta industria quæsita donaria suis memoriis consignarent a.

A JOANNE
TOMCO.

ANNOTATA.

a *Miror, illustrissimum biographum hic dixisse, quod Beatus tantummodo feratur ita clerum suum allocutus: si enim vobis persuadere voluit, hanc ipsam esse B. Augustini concionem, debuisset id prorsus asserere, et citare antiqua monumenta, in quibus illa invenitur. Forte ex traditione vel instrumentis quibusdam noverat, similem exhortationem a beato Præsule ad clerum suum institutam fuisse, eique deperditæ suam talis argumenti substituit, ut ex stylo ac toto contextu conjici videretur. Vide Commentarium prævium num. 26.*

b *Hinc vulgo Vestales appellabantur.*

c *Sanctum Hieronymum sæpius supra vocat nostrum, vel nostratem et hoc loco eonterrancum, quia erat in Dalmatia natus.*

d *Nullus hujus nominis præsul inter antistites Magdeburgenses occurrit. Referunt quidem Tilmannus Bredenbachius in collationibus sacris lib. 8 cap. 15, Tritthemius in chronico Hirsaugiensi, aliique auctores terribile exemplum de quodam Udone archiepiscopo Magdeburgensi; sed cum neque ullus istius nominis fuerit umquam inter illos præsules, Paulus Langius in chronico Citzensi, quod Pistorius tomo I illustrium veterum scriptorum inseruit, et in Chronieis Numburgensibus, quæ Menckenius inter Scriptores rerum Germanicarum, præcipue Saxonicarum, nuper edidit, tomo 2, col. 10 et sequente, illam historiam ob varias rationes fabulis accenset. Woltherus Henricus Strevesdorff ex Ordine S. Augustini in serie archiepiscoporum Magdeburgensium pag. 53 et sequentibus eandem fabellam pluribus argumentis refellit. Quapropter non facile credo, hanc narrationem tam antiquam esse, ut beatus Augustinus eam clero suo proposuerit. Quinimo hinc potius suspicor, Tomeum Marnavicium ex recentioribus chronicis vel scriptoribus nomine B. Augustini illam Hugonis vel Udonis Magdeburgensis antistitis historiam retulisse.*

44 Diœcesim suam, ab Oriente in Occidentem, sicuti etiam a Septentrione in Meridiem dierum quinque itinerationis, invisit quotannis et plerumque pedester; neque in adeundis piorum domibus aliqua locorum distantia, asperitate montium, sive populorum ferocia, cessit laboribus umquam. Occurrebant illi pauperum, debiliū, ac infirmorum turbæ: ii ex pastoralis benedictione incolumitatem; illi ex largitate piæ dexteræ, vitæ subsidia imploraturi; quos omnes mira charitate exceptos, et sermonibus et factis expediebat paternis. Observatumque fuit, innumeri licet ad eum egentes accederent, neminem ferme umquam ab eo recessisse sine necessario subsidio. Illud quoque pro certo habitum est: cum tantæ profusioni redditus episcopales amplissimi licet, miuime responderent, illius providentia nihil ipsi defuisse, cujus ope millia turbarum ex paucis panibus et piscibus, in desertis locis abunde quondam satiari consuevere. Hinc familiaris ex exiguo penu minus prompte sancti Patris imperia ad succurrendum egenis exequentibus, inculcare solebat: Non vidi justum derelictum, nec semen ejus quærens panem: justum autem inde cognosci prælatum, si Christi pauperibus, Christi sanguine parata prompte communicaret.

a
diœcesim
suam pedes
visitat, et
multos ægros
sanat,

45 Quoniam autem gratia curationum, quam ex illius dexteræ tactu, sive benedictione populi experiebantur, omnia passim loca etiam remotiora pervadebat, ipse humilitatis eximius cultor, talem declinandæ popularis auræ modum excogitavit, ut in meditullio ferme suæ ditionis, arbore tilia manu sua plantata, et fusis ad Deum precibus benedicta, suaderet populis, ejusdem arboris foliis pro remedio morborum uterentur. Et suasioni respondit ad preces sanctissimi Patris, misericordiarum Patris annuentia, eadem arbore integra viridique supra trecentos annos, inter assiduas ferme impiorum per ea loca excursionces, ramos saluberrimos expandente, et folia toties, quoties decussa fuerunt, pietati incollarum sufficiente: a quibus sancti Augustini tilia denominatur. Quo nomine, in Ugrociensi parochia vocitatur adhuc ad parochialem ecclesiam deducens semita, vel quia manu forte ipsius fuerit aperta, vel ipsius jussu commoditati populorum directa.

F

ad quorum
solatium
plantat salu-
tiferam ar-
borem,

CAPUT IV.

Pia illius gesta in episcopatu Zagrabiensi.

Viscera charitatis erga omnes indigentes habuit effusissima perpetuo: neque enim, nisi necessariis sustentationi suæ, et familiolæ admodum exiguæ, servitio suo dicatæ, retentis, ex affluentissimo sacro proventu, reliqua omnia,

46 Stetit arbor sacra per trecentos annos, ut diximus

Erga paupe-
res et eccle-
sias munifi-
cus

A JOANNE
TOMCO.
cujus memo-
ria adhuc su-
perest.
b

c

Dissidentes
inter se con-
ciliat,

B

d e

et pro pace
regni Hun-
garici impi-
gre laborat.

C

diximus, perpetuo revirescens, ad oppidum, a centum annis a Turcis occupatum, Cernik b appellatum, ipsis hostibus fidei veneranda; a quibus cum ingentes faces ad inum truncum votorum assequendorum gratia perpetuo accenderentur, igneo fervore radicibus emorientibus, ante viginti annos corruit; ita tamen, ut ex radicibus ipsius, antequam penitus arescerent, nova tilia succresceret, pari veneratione Turcis æque ac Christianis, assidue cum adhuc proxime adjacenti trunco culta; prope quam Christiani sacellum quoque, minime contradicentibus terræ dominis Mahometanis, excitarunt, illudque Franciscanis ex proxima Bosna c eo adventantibus curæ demandarunt.

47 Charitatis inter oves sibi commissas procurandæ servandæque nullum finem B. Augustinus faciebat, præsertim cum ea tempestate magnæ dissensiones animorum inter primates regionis, maximo detrimento boni publici, incendiis, rapinis, aliisque lethaliibus injuriis alerentur. Exstant hodie plura publica documenta conciliatarum invicem plurimarum nobilissimarum familiarum, opera sancti Viri, apud aliquos regnorum Dalmatiæ, Croatiae, atque Slavoniæ nobiles; præsertim vero apud nobilissimos totius orbis Christiani comites Frangipanicos, sobolem vetustissimæ gentis Aniciæ Romanæ, ut diximus. Apud ejus heroicum germen Nicolaum, vidi nuper nobile monumentum compositionis, mediatore Augustino factæ, inter magnificos viros Stephanum Banum d Slavoniæ e, Joannem, et Radozlavum comites fratres, super tricesimarum quarundam perceptione, et abolitione, nec non super divisione tributorum provenientium in Ztenisniak, et Zamobor.

48 Hoc tamen in genere supra modum eluxit charitatis ejus excellentia, cum regni Hungarici status a multis annis funestissimis cladibus dissidentes, ut supra perstrinximus, ad unius legitimi regis Caroli obedientiam pellexit. Etenim quamvis clausa periodo decimitertii Christiani seculi, Bonifacius octavus, ut dictum est, Nicolaum Cardinalem Ostiensem, legatum suum, pro reducendis Hungaricis statibus ad obedientiam Caroli principis Andegavensis, tamquam prolem Mariæ filiæ Stephani, sororis autem Ladislai ultimi Hungaricæ stirpis masculæ, Caroli autem Siciliæ regis uxoris, destinasset in Hungariam; irritum tamen conatu in magna regnicolarum turbatione, competentibus sacram coronam Venceslao rege Bohemiæ et Otthone duce Bavarie, quorum uterque eandem solenni pompa, suarum factionum contentione, sed infausto fine obtinuerat, (altero in Bohemiam metu Bavari fugiente, hoc vero a Ladislao Transylvaniæ f præfecto carceribus mancipato, ac regno denique expulso) per novem integros annos Carolus regno avitico exulabat.

ANNOTATA,

a Hæc postrema biographi periodus mitigat et explicat præcedentem B. Augustini sententiam, quæ prima fronte rigidior apparet. Unde etiam Joannes a sancta Maria, qui aliter Rechacus cognominatur, tomo 3 de Sanctis et Beatis Ordinis Prædicatorum in Vita Gallica B. Augustini cap. 3 pag. 79 eandem beati Præsulis opinionem mitiori interpretatione exposuit.

b In mappis geographicis Hungariæ notatur duplex oppidum sub eodem nomine Czernik; sed alterum eorum nimis remotum videtur ab urbe Zagrabiansi. Quare existimo, hic indicari istud oppidum, de quo Philippus Ferrarius in suo Lexico geographico ad vocem Inicerum sic scribit: Inicerum et Incerum ex aliis codicibus, Cernich, teste Lazio, oppidum Pannoniæ ad Säum fluvium apud Velicam regalem inter Zagabriam urbem ad Occasum, et Gradiscam oppidum ad Ortum sex leucis Hungaricis.

c Bosnia, quam Joannes Lucius Bosnam appellat, est pars Occidentalis Servie, sic dicta a flumine ejusdem nominis per eam labente. Habet a Septentrione Slavoniam, ab Occidente Croatiam, ab Oriente eam partem Servie, quæ Rascia dicitur, et a Meridie Dalmatiam.

d Bani dignitas notissima est apud Hungaros, Croatas, vicinosque populos, a quibus provinciæ gubernator vulgo Ban appellatur. De hujusmodi gubernatorum potestate plura vide apud Joannem Lucium lib. 6 de Regno Dalmatiæ et Croatia cap. 1.

e Slavonia ab aliquibus scriptoribus Latinis tam late extenditur, ut Dalmatiam, Croatiam, Bosniam, et Slavoniam proprie dictam complectatur; nunc autem strictius passim accipitur ea regio, continetque tantummodo Slavoniam propriam, quæ inter fluvios Dravum Savumque extenditur, et ab Occasu Styria, ac ab Ortu flumine Danubio clauditur.

f Transsylvania est pars Orientalis Hungariæ, quæ ab Ortu in Occasum per 170 millia passuum extenditur. Terminatur a Septentrione Russia Rubra, quæ est provincia Poloniæ, ab Oriente Valachia et Moldavia; ab Occidente Hungaria superiore, et a Meridie partim Hungaria, partim Moldavia.

CAPUT V.

Concio, quam B. Augustinus habuisse traditur in comitiis Hungariæ ad sedandas istius regni turbas et factiones.

Quamobrem Clemens Papa quintus a, qui Benedicto successerat post Bonifacium, Gentilem b Cardinalem ex familia Minorum lectum, anno octavo quintidecimi * seculi legavit ad Hungaros, virum magnæ pietatis et prudentiæ: qui Spalatum c in Dalmatiam veniens, regnicolarum animos Carolo conciliare aggressus, postquam ibi res succedere pro voto cognovit, in Croatiam progreditur; mox Zagrabiam d adeundo, Augustinum et laborum comitem, et conciliorum directorem, tamquam virum in magna sanctitatis opinione, Hungarici negotii cooperatorem futurum, Budam e regni sedem abduxit, ubi anno integro sedandis regnicolarum animis absumpto, indicto denique statuum omnium solenni conventu, veteri gentis instituto, in campo, qui vocatur Rackos, ad ripam Danubii, prope civitatem Pestanam f, ubi frequentissimo postquam concursu cuncti adfuere, Augustinus jussu legati tali modo peroravit:

50 « Postquam Dei gratia, legati auctoritate, « afflictissimæ patriæ consulturi, in hunc locum, « ab exordio regni Hungarici publicis negotiis « agendis adoptatum, convenimus; cumque mihi « omnium aliorum minus apto (sed qui nihilominus in promovendo publicæ rei nostræ bono, « ardore et studio nulli facile cesserim) dicendi « provincia demandetur, nequaquam diserta, sed

fortia

Beatus Præsul in comitiis Hungaricis,

a
b
* tege quarti-
decimi.

c

d

e

f

proposita orationis suæ materia,

A „ fortia sectando, juxta sancti Cypriani Carthaginiensis episcopi sententiam, posthabita omni „ verbositate, et omni eloquentiæ lenocinio, ut „ episcopum decet, brevibus demandatam provinciam expediam; præsertim, quia in conspectu sanctissimorum antistitum, sapientissimorum universi regni procerum, nec non lectissima regnicolarum nobilitate perstrinxisse „ potius, quam exaggerasse rem, satis superque „ exposuisse illam, persuasum jam mihi habeo : „ quod me præstiturum existimo, si prius aliqua „ de plebis petulantia, cujus impetu regnum „ distrahitur amplissimum, tum de auctoritate „ Romanæ Sedis in ejusmodi occasionibus, denique de jure optimo Caroli regis in sacram nostram coronam Hungaricam delibavero.

narrat petulantiam plebis,

B 51 „ Et quidem quoad primam partem, satis „ exploratum est omnibus, annum jam nonum „ ab eo tempore, quo Bonifacius octavus, Romanorum Pontificum sapientissimus, legatum „ ad hasce partes ad instantiam sanioris partis „ regnicolarum, post mortem Andreæ, ultimi regis ex regum nostrorum stemmate superstitis, „ misit, communem hanc nostram patriam adinstar Oceani, adversis ventorum procellis ab „ imo agitari, turbarique. Causam quoque rei „ non est cur refricem, tamquam omnibus apertissimam, cum nempe bonus Cardinalis sacrorum præsulum et optimatum, nec non melioris nobilitatis voto sollicitatus, nullum modum „ conciliandi animos aliquorum clericulorum et „ Hungaricæ plebeculæ potuisset invenire, censuris ecclesiasticis potius quam armata vi, ut „ ecclesiasticum ministrum deccebat, interdicto „ sacrorum usu, ad sanam mentem reducere conatum fuisse : nec novo quidem exemplo, sed „ per universum Christianum orbem ejuscemodi „ malo aliisque similibus sanandis ab Apostolica „ Sede semper usitato.

et quorundam clericorum,

C „ lege pestilens virus

52 „ Verum talis medicina salutis loco phrenesim inauditam excitavit ; ut observatum est „ a medicis in iis corporibus, quæ malo congruentes medicinas vel non admittunt, vel eo, „ quo deberent, modo, iis non utuntur : nam ut „ paucis concludam, quod longo tempore mirabundi suspeximus et suspiravimus, clericulorum turba, plenis armata furore, pestilentem „ virum * in medicum eructando Apostolicam Sedem, quæ a nemine judicatur in terris, anathemate se percussisse, strepitu campanarum „ censuit, efficta causa, quasi Romanus Pontifex electionem regis Hungariæ, statibus reipublicæ Hungariæ perpetuo liberam, violenta, „ ut jactabant, intrusione Caroli Andegavensis violasset. Atque talis insania eo usque processit, ut diversis aliis principibus in regnum hoc „ ad sacram coronam evocatis, octo annis intergris, Pannonicæ reipublicæ viscera suorum „ gladiis foderentur.

variisque exemplis ostendit,

53 „ At quæso paululum mecum, sapientissimi auditores, recogitate, an ullo umquam „ tempore turbæ nisi turbis excitandis, rebusque publicis et quietis turbandis, et festæ pacis centro exturbandis potuerunt esse apertiores ; vel ex eo, quia turbarum et turbulentiarum infaustissimarum nomine ab iisdem „ turbis emanarunt : quippe ad res agendas nihil ineptius turbis, quæ si aliquando veritatis, „ ipsius Christi videlicet Servatoris nostri, monitis audiendis allecet, ad illum voluit accedere, non nisi compressione et offensione cœlestis Magistri id tentavit, irrueudo nempe in

„ illum, ut tradit Euangelista : etsi idem alias „ omnipotens, verum ut homo, ne ab illa penitus opprimeretur, alium modum non censuit „ expeditiorem, quam ut se in naviculam, quæ „ erat Simonis Petri, inter multas alias in litore Genezareno existentes, reciperet, et rogaret per eundem Petrum paululum a terra abduci : etenim nec ipsam pietatem absque irreverentia et vitio inhumanitatis turba novit „ exercere.

54 „ Unde Matthæi nono scribitur Dominus „ noster aliquando miseratus turbam. Sed qualem ? Jacentem, inquit Euangelista, et tamquam oves sine pastore. Cogitate, qualis sit „ huc turba præstantiæ, quæ ovibus sine pastore, illuc dispersis æquiparetur. Quod si impia in „ Christum, et jacens tamquam oves sine pastore, „ turba describitur in Euangelio, non mirum „ si in ejusdem Christi Vicarium, et in navicula „ Petri successorem, pastoris abjecta reverentia, tali phrenesi, qualis a Christi monarchia „ fundata, numquam fuit audita, sævierit, ut „ nostis. Nostis autem pro vestra singulari eruditione, auditores sapientissimi, ex Eusebio „ in Vita Constantini, multiplex imperium, quo „ omnibus hominibus datur æqualis dignitas, „ æquale suffragium, quodque cum monarchia „ ex adverso pugnat, confusionis ac seditionis „ potius, quam regni nomen mereri.

55 „ Hinc vetustissimum decus philosophorum præstantissimus Aristoteles Ethicorum „ libro octavo, capite primo censuit, populi potentiae transgressionem pejorem esse tyrannide : nam ut idem ait : Pejus est, si multi, „ quam si unus vel pauci dominantur. Seneca „ populum, vitiorum suasorem, auctoremque „ testatur ; Plato ventrem ignavum ; Plutarchus effrænem et præcipitem equum ; Cicero „ turbam, fervens et æstuans mare. Aliquando „ cum interrogaretur Diogenes, quid esset esse „ sapientem, respondit : A vulgi sententia discedere. Chrysippus porro ita argumentatur, „ et quidem ad rem nostram sapientissime : Si, „ inquit, populus philosophari non potest, „ quanto magis rebus divinis, sacrisque legibus „ tractandis erit ineptus ? Et sicut scripsit „ Laertius lib. vii cap. ii, putabimus, plebem „ theologiæ sacrum dogma posse moderari ?

56 „ Quamobrem si jure merito Anacharsis „ indignabatur, in Græcia populum canendi inscium, in theatro de musicis judicare ; nos, ut „ Laertius idem libro primo, capite nono ait ; „ nos, inquam, plebem sacrarum Litterarum rudem de sanctissimis religionibus judicium facere pateremur ? Si Appius Claudius, Romanus inter senatores sapientissimus, indigne ferebat, Scipionem Æmilianum a laniis et tonsoribus in censuram promoveri ; quanto magis „ indigne ferendum, si sacerdotia, si magistratus, si sacer ordo, si regnorum dispositiones, „ et sanctissimarum legum discussiones sordidæ „ turbæ exponantur censuræ ? Imo si quos scorsim evocatos, ut Cato major aiebat, in consilium rei suæ nemo sanus adhiberet, ab iis, in „ turbam coactis, responsa religionum dari, quis „ mente sanus admittet ?

57 „ Idem, qui supra, Seneca capite secundo „ de beata Vita, argumentum pessimum turbam „ pronuntiavit. Et ut ad nostræ philosophiæ magis facto, quam dicto, illustratorem accedamus ; Polycarpus martyr, idemque Joannius „ Apostoli discipulus, aliquando jussus a proconsule

A JOANNE TOMCO.

turbas semper nocere,

E

et ex politicis philosophorum testimoniis probat,

F

sententiam vulgi in negotiis regni

contemnendam esse,

A JOANNE
TOMCO.

h

quod Christi
exemplo con-
firmat.

B

Auctorita-
tem sedis
Apostolicæ

C

i

k

ex quibus-
dam veteris

„sule, ut narrat Eusebius lib. iv Hist. eap. xv
„rationem sui populo dare, prætori se dixit
„datum; nam populo frustra dari, quem ne-
„garet duci posse ratione. Addamus nostræ re-
„gionis philosopho, innumeris aliis brevitati
„condonatis, nostræ gentis non insipientissimum
„principem, quamquam revera crudelioris animi
„nota merito ab omnibus perstrictum, Diocle-
„tianum h. Is, cum senatus Romanus decrevis-
„set persecutionem contra Christianos, penul-
„timo ipsius imperii. hoc est, undevigesimo an-
„no, acclamante populo in circo, ut Christiani
„bestiis subjicerentur, pronuntiavit vanas populi
„voces minime audiendas.

58 „Sed rem, ut cupimus, Christi claudamus
„exemplo. Ipse Dei filius, cum minime dedigna-
„retur Nazareno computari populo, et unus
„Nazarenorum civium haberi, essetque in omne
„commodum et beneficium eivium suorum inten-
„tus; attamen quale pretium pro tali gratia a
„eivibus ipsis recepit? Furore populari ducitur
„ad supercilium montis ex eo præcipitandus,
„Euangelista teste. Et mirabimur, turbam Hun-
„garicam, brutorum more, in Christi sævisse
„Viearium? Turbæ autem facinus contra pia
„sensa sacrorum antistitum, illustrissimorum
„procerum, et sapientissimæ nobilitatis, sacri-
„legium absolute fuisse, eum certo certius cog-
„noverimus, quotquot hic adsumus, vel ex eo
„nihil immorandum suadet ratio, ut barbarum
„turbulentas vanitates, et falsas insanias pro-
„turbando, nos de nostra republica, imo de sa-
„lute nostra, libere sancteque deliberemus, et a
„vulgi sententia recedamus, nos sapientes esse
„ostendamus.

59 „Jam de auctoritate Romanæ Sedis, cum
„coram iis loquar, quos ne quidem susurrus ab
„obedientia et illius reverentia ausus est perten-
„tare, non solum ab eo tempore, quo gens
„Hungarica adeo stricte ipsius venerationi ad-
„hæsit, ut inter omnes Christiani orbis reges
„solus Hungaricus Apostolicus, et Sedis Apo-
„stolicæ a latere, ut aiunt, legatus, singulari
„prærogativa, per sanctum Stephanum in om-
„nes successores perpetuo transfusa, dicatur et
„habeatur; sed ab ipso ortu Christianæ reipu-
„blicæ, quo Paulus apostolus Illyricæ nationi
„Euangelica face præluxit, relicto in Pannoniis
„nepote ex sorore, Andronico i episcopo (unde
„et primatus ecclesiarum amplissimæ gentis Il-
„lyricæ per plura secula in Sirmiensi k stetit
„ecclesia) superfluum ducere, omnino quid-
„quam effari, nisi cælum hoc, turbine turbantis
„omnia turbæ aliquando infectum, pertimesce-
„rem. Quamobrem consueta brevitatem aliquot
„sacræ Scripturæ loca, vobis ignota minime,
„atingam, quibus constans omnium sanctorum
„Patrum sensus et consensus auctoritatem eccle-
„siasticam superiorem potestate seculari in Ec-
„clesia Dei stetisse semper, subscripsit.

60 „Hinc nullus eorum, quorum nomina stu-
„dio brevitatis, tamquam vobis notissima, præ-
„tereo, dubitavit umquam, de Ecclesia intelli-
„genda esse illa verba Jeremiæ: Domina gen-
„tium, et princeps provinciarum. Et Ezechielis:
„Suscitabo Pastorem unum. Et Apocalypsis: Qui
„vicerit, et custodierit opera mea in finem, dabo
„illi potestatem super gentes, et reget eos in vir-
„ga ferrea, et tamquam vas figuli confringentur,
„sicut et ego accepi a Patre meo. Et Isaïæ:
„Gens, ait, et regnum (alloquendo Ecclesiam)
„quod non servierit tibi, peribit. Et Davidis:

„Gladii, inquit, ancipites in manibus eorum ad
„faciendam vindictam in nationibus, increpa-
„tiones in populis, ad alligandos reges eorum
„in compedibus, et nobiles eorum in manicis
„ferreis, ut faciant in eis iudicium conscriptum;
„gloria hæc est omnibus sanctis ejus. Inde apud
„Lucam in collegio Apostolico duo gladii appro-
„bantur. Et ut missas faciamus alias veteris
„Paginæ auctoritates, Hieronymus noster, quem
„in explicandis sacræ Scripturæ sensibus Docto-
„rem maximum a Deo sibi prævisum profitetur
„Ecclesia, illa verba Jeremiæ: Ecce constitui
„te hodie super gentes et super regna, ut evel-
„las et destruas, et disperdas, et dissipas, et
„ædifices, et plantes, ad Christum et Ecclesiam
„pertinere, disertis verbis explicat.

61 „Quamobrem Christus ipsemet præcipit
„Petro: Pasce oves meas, id est, universum
„gregem ecclesiasticum; et Pasce agnos meos, id
„est principes gregis ecclesiastici juxta Patrum
„explicationem. Novimus quidem a Christo fun-
„datam Ecclesiam supra fundamentum Aposto-
„lorum et Prophetarum, quando tam Petro,
„quam reliquis omnibus Apostolis æquam ligan-
„di solvendique potestatem dedit ante Passio-
„nem et resurrectionem suam; sicuti resurgens
„a mortuis, iisdem omnibus Spiritum sanctum
„inspiravit, eos denique cum omnimoda potesta-
„te sine ulla differentia inter Petrum et alios,
„ad baptizandas omnes gentes per orbem ter-
„rarum destinavit.

62 „Attamen supremam potestatem pascendi
„oves, qui sunt Christi fideles, et agnos, qui
„sunt principes fidelium, ut diximus, absque
„multitudine aliorum Apostolorum, præsentibus
„tantummodo Thoma, Nathanaele, duobus filiis
„Zebedæi, et aliis duobus ex discipulis, quin-
„que nempe testibus, et Joanne sexto, uno ex
„filiis Zebedæi, tamquam loco scribæ adscito,
„soli Petro voluit demandatam. Hinc Paulus
„scribens ad Corinthios: Spiritualis homo ju-
„dicat omnia; ipse autem a nemine judicatur.
„Ad Romanos vero: Omnis anima potestatibus
„sublimioribus subjecta est. Et alibi: Si ange-
„los judicabimus, quanto magis secularia? Ipse
„vero Petrus in sua canonica: Vos, inquit, estis
„regale sacerdotium. Item: Gratia vobis et pax
„adimpleatur in cognitione Dei, et Christi Jesu
„domini nostri, quomodo omnia nobis divinæ
„virtutis suæ (Græcus textus habet potestatis
„suæ) quæ ad vitam et pietatem, donata sunt.

63 „Sed et Patres sanctissimi a Christo ad
„nostra usque tempora econstanter tenuerunt et
„docuerunt, episcopis et summo Romano Pon-
„tifici competere et esse in omnia temporalia
„regiam et supremam potestatem, quod tamen
„ita intellexerim, ut non directe habeat juris-
„dictionem temporalem in illa, sed indirecte,
„quatenus nimirum est necessarium ad finem
„spiritualem et salutem animarum, sicuti plane
„nunc contigit in hoc nostro regno. Ita Diony-
„sius ad Demophilum cap. 8 de ecclesiastica
„Hierarchia; Ignatius ad Philadelphenses, ad
„Smyrncenses et ad Trallianos; Irenæus lib. 4
„eap. 44; Clemens Alexandrinus lib. 7 Stro-
„matum; Cyprianus epist. 69 ad Ruffinianum;
„Arnobius in psalmum 139; Athanasius oratione
„secunda contra Arianos; Nazianzenus oratione
„18; Ambrosius 1 ad Corinthios cap. 3; Hiero-
„nymus in Isaïam eap. 60; Chrysostomus lib.
„de Sacerdotio; Epiphanius Heresi 29; Cyril-
„lus Alexandrinus in libro Thesauri; Augusti-

D

ac novi Te-
stamenti

E

textibus pro-
pugnati,

F

quibus super-
addit non-
nullas san-
ctorum Pa-
trum,

A	<p>nus in Apocalypsin prope finem; Paulinus ad Citerium; Cassiodorus epistola 4, libro 1; Gregorius magnus in quartum Psalmum Pœnitentialium; Angelomus libro Regum 1 cap. 2; Rabanus de Institutione clericorum; Anselmus super epistolam 1 ad Corinthios 3; Ottho Frisingensis libro 3 cap. 36; Bernardus lib. 3 cap. 8 ad Eugenium.</p>	<p>miseratus, sanioribus et potioribus etiam Hungaris id exposcentibus, Carolum auctoritate sua, tamquam universalis Pater et iudex supremus, tuendum in regno, jure sanguinis sibi debito, susceperit. Jure autem sanguinis, eo que optimo, super alios competitores Carolo deberi diadema aviticum, sole meridiano clarior est, cum matrem habuerit Mariam, Stephani quinti Hungarorum regis filiam, sororem Ladislai tertii, et ultimæ ex Bela propaginis sacræ masculæ Hungaricæ. Venceslai Bohemi conditionem longe diversam esse, non est cur ambigamus: quippe quem ex filia filiæ Belæ quarti natum agnoscamus. Bavarus Ottho quo glutine stemmati nostrorum regum possit agglutinari, nequaquam mihi probatur.</p>	A JOANNE TOMCO.
scholasticorum et conciliorum sententias,	<p>64 » Idem docuere ii omnes, quos scholasticos appellamus; imprimis autem magister meus l Thomas de Aquino, et Bonaventura de Balneo regio. Concilia nationalia, ut Toletana et Rhemensia clarissime super hoc decrevere. Sed quid quod tot scripturis, Patribus et doctoribus accedunt facta ipsa scripturas explicantia? Etenim habemus apud Zonaram, Anastasium imperatorem non ante fuisse coronatum ab Euthymio patriarcha, quam scripto polliceretur, se in fide Catholica permansurum. Clodovæus Francus, occupatis Galliis, auctoritate Romani Pontificis Hormisdæ a Remigio Rhemensi præsule coronatus, ex ipsis Francorum scriptoribus habetur; sicut ex Hispanicis, Isidoro præsertim, Roderico, Visigothos reges, qui regnarunt apud illos, per episcopos ad regna assumptos, ac etiam solio deturbatos. Chilpericum regem Francorum ob stupiditatem a Zacharia Romano Pontifice gubernaculo regni submotum, Pippinumque regem suffectum, ejusdem gentis scriptores fatentur.</p>	<p>68 » Sed Caroli juribus illud quoque, idque rarum in terris additur, quod ipsius stemma, cœlo teste, ex sanctissimis regibus nostris profluere comprobatur: ut enim Bela quartus, ipsius proavus, Elizabetham o sororem Germaniæ; aliam Elizabetham p ex alia sorore neptem, Hispaniæ; Margaretam q filiam, Dalmatiæ (tamquam concivem meam, Tragurii nempe editam) Cunegundem r aliam filiam, Poloniæ, sanctitatis gloriæ sideribus insertas, produxisse lætatur; ita ex Mariæ nepote mater Caroli nostri Ludovicum s, sanctissimum Tolosæ præsulem, primo Italiæ, in qua vitales hausit auras, demum Galliæ, ex qua ad æternitatis evolavit præmia t, Caroli nostri fratrem, stirpem agnoscit suam. Perinde sicuti cœlo terræque acceptissimus, Francorum regum præstantissimus Ludovicus nonus u, qui ab adolescentia sua ad ultimum usque spiritum, numquam sibi, sed Christo militavit, regem nostrum Carolum, per fratrem Carolum pronepotem suum, statibus inclyti regni Hungarici sceptris sacratissimis tractantis natum, posteritatem suam fatetur, sic et commendat.</p>	regnum Hungaricum jure pertinet
B	<p>65 » Et quod maximi momenti in hoc genere cognoscitur, certissimum est, plurimorum scriptorum testimonio, Eginarti autem omnia spectantis imprimis, a Leone tertio Romano Pontifice Pippini filium Carolum imperatorem Romanum creatum, a quo ad nunc imperantem Henricum nostis, neminem pro imperatore legitimo habitum, qui manu Papali non sit consecratus; sed quo usque coronaretur, imperator electus dictus et habitus est. Scitis autem, Henricum tertium a Gregorio septimo privatum imperio, ab omnibus derelictum, privatum, et insepultum jacuisse: Otthouem quartum ab Innocentio tertio depositum, sicuti et Fridericum secuudum a quarto Innocentio, a quo Portugalliæ regi curator est assignatus: regnum enim Portugalliæ, sicuti et Scotorum, et plurima alia, beneficiaria Sedis Apostolicæ dignoscuntur. Sed ad nostra veniamus.</p>	<p>69 » Addo præterea, quod omniibus est liquidum, Carolum regem nostrum numquam se Hungarico regno obtrusisse; quippe cui tamquam primogenitæ proli parentis sui Caroli secundi, felicissimum totius orbis regnum Sicilia naturali prærogativa destinabatur; sed (unde ipsi immortales gratias habere debemus et agere) ab melioribus senatoribus sollicitum, jussu Romani Pontificis labanti Hungariæ, et alienis nationibus in prædam concedenti præsto futurum, posthabito nobilissimo et ditissimo Sicilia regno, adcurrisse. Quæ, ut bene nota omnibus, sicuti initio sum præfatus, fortioribus quam disertioribus argumentis, quemadmodum decet episcopum, cum hactenus innuerim, bonorum omnium votis, bono patriæ, justitiæ ipsi, Romani summi Pontificis, ejusque hic adstantis legati monitis fecisse se satis non dubitaverim v. » Auditus vix Augustinus, tamquam angelus e cœlo lapsus, omnium voces in Carolum fausta precantes coiverunt, nemine prorsus, qui reclamaret, invento. Quare mox Albam deductum more majorum, sacro diademate coronatum adorare venerabundi.</p>	o p q E r s t u
variasque præteriti temporis historias,	<p>66 » Quamdiu reges Dalmatiæ et Croatiae per sexcentos ferme annos regnarunt, ab Heraclii imperatoris temporibus ad nostros sauctissimum regem Ladizlavum, semper beneficiarii, semper tributarii Sedis Apostolicæ fuerunt, sicuti et Bani Bosnenses, tamquam dictorum regnorum membrum, idem adhuc usque exsequuntur. Patrum nostrorum memoria dynasta Serbliae m et Rassiae n, rex ab Honorio tertio nominatus, et titulum regium, et regnum ipsum ad præsentem posterum feliciter transmisit; et ut finem huic rei faciam, ipse sanctissimus apostolus Hungariæ Stephanus, de cujus successore agimus, a Romano Pontifice Silvestro secundo rex est declaratus, et perpetua legatione Apostolica decoratus. Quod si fatemur in fonte, cur non admittemus in rivulo? Ita tamen, ut inde libertati illi perpetuæ, qua Hungari suos principes eligunt, independentem a qualibet alia potestate, nullum præjudicium oriri profitear.</p>	<p>70 Peracta coronatione, tam legatus Apostolicus, quam Augustinus, instaute rege et optinuitibus, hæserunt aliquamdiu in Hungaria, donec facies ecclesiastici ordinis pristino splendori restitueretur: cujus piæ industriæ fructus inter alios exstitit, Eremitarum, sub nomine sancti Pauli primi eremitæ w, et præscripto regulæ sancti Augustini, ab Eusebio x olim Strigoniensi</p>	ad Carolum, quo coronato,
et domestica exempla,	<p>67 » Nulla itaque dubitandi superest occasio, quo jure Romanus Pontifex Hungarica dissidia</p>		F
m n			v
ex quibus omnibus concludit,			pax et pristinus Hungariæ splendor redierunt.
			w x
			Canonico,

A JOANNE
TOMCO.y
z

Canonico, viro magnæ sanctitatis, anteriori seculo magno bono Hungarico institutum, [ejusdemque] per legatum Apostolicum, adnitente Augustino, confirmatio: cujus piæ familiæ rex Carolus y, post-que illum Ludovicus z filius, promovendæ, et regia tutela protegendæ præcipuam curam susceperunt.

ANNOTATA.

a Clemens iste mense Junio anni 1305 in locum Benedicti successit.

b Hujus Cardinalis gesta vide apud Oldoinum nostrum in *Historia Pontificum Romanorum* et S. R. E. Cardinalium ad annum 1294 tomo 2 col. 329 et sequente.

c Spalatum est ampla et archiepiscopalis Dalmatiæ civitas, et in ora maris Adriatici sita; gaudet portu capaci et tuto.

d Cum Thuroczius cap. 89, alique scriptores Hungariæ gesta Cardinalis Gentilis et coronationem Caroli narrantes, de illo itinere Zagrabiensi non meminerint, et de B. Augustino nostro nullum verbum faciant, fidem hujus narrationis penes illustrissimum Tomcum relinquimus.

B e Buda est præcipua Hungariæ civitas ad Danubium sita e regione Pesthi, de qua mox agemus.

f Pesthum urbs munita Hungariæ ad Danubium sita e regione Budæ, cui ponte sublicio jungitur.

g Thuroczius in *Chronico Hungarorum* cap. 86 agens de irrita Cardinalis Nicolai legatione, hanc detestandam quorundam audaciam commemorat his verbis: In suo autem recessu (nimirum Nicolaus, Sedis Apostolicæ legatus, de quo supra egimus) cives civitatis Budensis pro quodam casu in interdicto reliquerat. Interdictum quippe religiosi et plebanis stricte servantibus, surrexerunt pseudo-sacerdotes et perfidi, qui manifeste divina populo celebrabant, et Sacramenta ecclesiastica ministrabant publice interdictis. Insuper malum malo cumulantes perniciosius convocato populo, accensis lucernis, summum Pontificem Christi vicarium, archiepiscopos et episcopos universos regni Hungariæ ac viros religiosos communiter excommunicatos altis vocibus promulgabant.

h Diocletianum vocat principem gentis suæ, quia ex Dalmatia oriundus, ut historici passim tradunt.

i De hoc S. Andronici episcopatu et consanguinitate cum Paulo Apostolo non constat, ut tomo IV Maii pag. 4 videri potest, ubi ad diem XVII istius mensis, de S. Andronico illo egimus.

C k De hoc Sirmiensi Illyrici primatu consule Carolum a sancto Paulo in *Geographia sacra*, Amstelodami recusa lib. 3 pag. 70 et sequentibus.

l Hic sub B. Augustini nomine loquens se prodit Tomcus, qui perperam putavit, Beatum Parisiis sub S. Thoma studuisse, ut in *Commentario prævio* diximus, ac postea iterum observabimus.

m Serblia, quæ nunc communiter Servia vocatur, est pars Hungariæ late sumptæ, et extenditur inter Croatiam ad Occasum, mare Adriaticum ad Meridiem, et flumina Istrum ad Septentrionem, et Moravam ad Ortum. Reges olim habuit proprios, quibus extinctis, paruit regno Hungariæ.

n Rascia sic dicta est a fluvio Rasca per eam labente; partem constituit Serviæ late dictæ, de qua mox supra actum est.

o Hæc est S. Elisabetha, lantgravio Thuringiæ nupta, de qua cum *Martyrologio Romano* ad diem XIX Novembris agitur, Interim Acta illius apud Surium eadem die legi possunt.

p Hic indicatur S. Elisabetha Lusitanæ regina, ni fallor, cujus Acta ad diem IV Julii Janninus illustravit. Quomodo autem hæc ad stirpem Hungaricam pertineat, tomo 2 Julii pag. 173 et sequente videri potest.

q Acta S. Margarietæ Hungariæ Majores nostri

die XXVIII Januarii illustrarunt, ut iterum supra in *Annotatis* ad caput I littera f dictum est.

r Vitam istius S. Cunegundis ad diem XXIV Julii in *Opere nostro ex Mss.* edidimus, ut rursus supra in *Annotatis* monuimus.

s Hujus S. Ludovici præsulis Tholosani Acta, favente Deo, die XIX Augusti examinabimus.

t Aliqui volunt, hunc sanctum Antistitem obiisse eodem loco, quo natus fuerat; quod cum hac oratione conciliari non potest, et quod die XIX Augusti accuratius discutiemus.

u Is est sanctus Galliæ rex, de quo ad diem XXV Augusti copiose agendum erit.

v Ex stylo et observationibus nostris eruditi lectores judicent, an tota hæc oratio non potius J. Tomco Marnavito, quam B. Augustino sit attribuenda.

w Eremitæ illi S. Paulum primum anachoretam, tamquam patronum elegerunt. Attamen propterea Paulinus Klodauski perperam contendit, eremitas illos a sancto Paulo Thebæo originem duxisse, ut alia occasione ad diem XVII Julii, tomo IV istius mensis pag. 331 et sequente demonstravi.

x Martinus Czeles noster in *Indiciis Ungariæ sanctitatis* pag. 94 et sequente compendiose narrat Acta hujus pii Eusebii, eumque titulo beati ornat. Verum ex Hungaris discere cupimus, an legitimum cultum alicubi habeat: sic enim supplemento Januarii inseri posset, quandoquidem dicitur die XX istius mensis obiisse.

y Carolus Hungaris usque ad annum Christi 1342 præfuit, ut Abraham Bakschayus in *Chronologia regum Hungariæ* asserit.

z Ludovicus mortuo Carolo successit, et regnum Hungaricum usque ad annum 1382 gubernavit, ut laudatus Bakschayus ibidem tradit.

CAPUT VI.

Translatio Beati ab episcopatu Zagrabiensi ad Lucerinum, pastorales in hac posteriori diœcesi labores ac pius obitus.

At ne diutius legati præsentia, et Augustini zelo Carolus cum Ungaris possent perfrui, concilium generale a Clemente quinto indictum, Viennam Gallicam urbem utrumque pertraxit a. Quo absoluto, Augustinus ad ecclesiam suam sese recepit. Et quoniam inter alia Viennensis concilii decreta cautum fuerat, ut bona, secularium violentia ecclesiis adempta, eisdem restituerentur, dum bonus Pastor circa sacrarum decretorum executionem satagit, (ut fert humanæ cupiditatis insatiabilis conditio, omnia sibi per fas et nefas vendicantis) præcipuæ nobilitatis, et dynastarum, qui tempore longi interregni, quæcumque liberent, licere sibi persuaserant, animos in se concitavit.

72 Præcipuus non solum Augustini, sed ipsius Dei apertus hostis, extitit Mladinus, Dalmatiæ Croatiaeque Banus. Is etenim cum patri suo Paulo Bano successisset, et ut majorum stemmatibus æque ac divitiis per ea tempora turgidus, (etenim non solum parens ipsius, sed et avus et proavus ex Banis Bosnensibus descenderant), regia potius absoluta, quam Banali delegata autoritate, occasione turbarum Ungarici regni, Dalmatiæ et Croatiae dominio abutens, præstantissimas quasque civitates, oppida et arces, privato jure sibi usurpans, et a majorum pictate longe abhorrens,

sacris

D

E

Dum beatus
Præsul jura
ecclesiæ suæ
defendit,

a

F

a Mladino
principe ve-
xatur,

A sacris ac profanis rebus manus injiciens, tyrannus intolerabilis evaserat; adeo ut episcopos, abbates, abbatissas, aliosque praelatos ecclesiasticos, simplici nutu deponeret, institueretque; bona ecclesiarum pro arbitrio occuparet, distraheret, alienaret: pyratas magnis classibus ex Adriatico mari Italicis littoribus deprædandis emitteret: et unico verbo, per summum nefas Ecclesiæ puritatem contemnendo, ex aliqua tinctura sacrarum Litterarum, quam sibi pro summa scientia arrogabat, omnibus gravis, et exosus habebatur. *b* Adco periculoso gressu incedunt ii principes, qui cum Saüle sacerdotale munus temerarie iuvadunt.

et propterea, rogante Roberto Neapolitis rege,
73 Illum itaque Augustinus cum tamquam sui gregis dissipatorem et Ecclesiæ turbatorem sæpius humanissimis alloquiis ad saniora consilia capessenda hortatus fuisset, adeo parum profecit, ut eundem in deteriora semper prolabantem, infensissimum hostem experiretur, eoque res deduceretur, ut nec regia autoritate potentissimi tyranni petulantia posset cohiberi. Ne porro sanctissimi Viri dignitas ab impio homine conculcicaretur, sanctumque canibus dintius exponeretur, divina dispensatione contigit. Etenim, cum Robertus, rex Neapolitani regni, pro eo affectu, quo erga Catholicam ferebatur Ecclesiam, Lucerinam civitatem facie Saracenica *c*, quam impius Fridericus imperator, idemque Siciliæ rex, intra alias civitates Neapolitani regni intruserat, inquinari ferret ægerrime, (licet in fine ante prioris seculi Luceriam sub suum jugum misisset); cumque interea de Augustini Apostolico zelo fama late volitaret, Robertus cum Carolo consanguineo ita egit per legatos, ut annuente Joanne XXII summo Pontifice *d*, Augustinus et vinculo Zagrabiensis ecclesiæ absolveretur, et Lucerinæ civitati Mahometico delirio expurgandæ pastor præficeretur *e* et medicus, post decimum quartum annum in Zagrabiensi prælatura exactum.

et annuente Romano Pontifice, post prædictam patriæ suæ ruinam
74 Jussu itaque summi Pontificis, et annuentia Caroli regis, ægre alioqui absentiam tanti Viri a regno suo ferentis, compendio viarum usus Augustinus, descendit in Dalmatiam, transfretaturus inde in Apuliam, Traguriumque natale solum accessit; ubi cum invenisset, concives suos una cum Sicensibus Mladini partibus adhærentes, ejusdem impietati cooperari, eos, quantum potuit, ad pietatem revocare studuit. At non solum juxta illud Domini, Propheta non fuit acceptus in patria, sed cum lacrymis ab illa excedens, prædixit, adhuc se vivo, pœnas soluturam civitatem utramque, subdens: Ingrata patria, non habebis ossa mea. Dictum comprobavit eventus, ut suo loco dicemus. Ut enim Illyricæ linguæ homines omnes naturali discrepantia animorum, laborant, alioqui, ut scribit Herodotus, insuperabiles futuri, et omnium gentium inexpugnabiles; ita Dalmatæ, ejusmodi morbo, atque inter Dalmatas Tragurienses et Sicensis conficiuntur imprimis.

transfertur ad episcopatum Lucerinum,
75 Augustinus igitur, emenso Adriatico, non absque lacrymis ob pervicaciam, ut sibi amantissimæ patriæ, ita Deo minus acceptæ, ad Lucerinam civitatem accessit. At priusquam in illam pedem inferret, socio tantum regulari, famulitii loco stipatus, genibus humi fixis, Deiparæ Virgini, erga cujus cultum angelicæ vitæ puritate singulariter afficiebatur, patrocínio perpetuo se, suosque novos labores commendavit; protestando, se, nullo modo sibi, suisque commodis consulturum, ad eam urbem accedere; sed, ut Christi sanguine, visceribus ejus intemeratis divinitus creto, animas vindicatas, gloriæ Filii sui, ejus-

demque piæ Matris, iisdem annuentibus, et vires inepto alioqui sibi subministrantibus, restitueret. In quem finem numquam se Luceriam urbem, in qua turpissime Lux vera, quæ illuminat omnem hominem venientem in hunc mundum, pridem occiderat, sed Mariæ civitatem, affulgente sibi eadem stella maris, vovit nuncupaturum. Quibus effatis, et intra mœnia admissus, Joannis summi Pontificis diplomate, et Roberti regis mandato civibus exhibito, ante omnia præcepit, ne alio, quam Mariæ, nomine civitas appellaretur *f*. Qua duce, quanta sexennii spatio præstiterit, pro magnitudine rerum nullus scriptor extitit, qui ea memoriæ mandare fuerit ausus; hoc tamen citra controversiam habetur, civitatem a Saracenis ut plurimum cultam, vel a Christianis, qui Saracenica vi pressi, nihil ultra Christianum nomen retinebant, brevi temporis spatio, sanctissimi Pastoris verbo et exemplo, in eximiam Christi gregis caulam coaluisse.

76 Inter præcipuæ pastoralis ejus curæ facta, fuit fratrum Prædicatorum, tamquam Christi vineæ præstantissimorum operariorum, introductio, ad quos eodem modo, quo dum Zagrabiæ ageret, Marthæ sollicitudinibus fatigatus, Mariæ optimæ parti vacaturus, subinde sese recipere solitus erat. Inter quos extremum quoque emisit halitum, et cadaver humari absque ulla pompa præcepit. Afficiebatur singulariter erga sanctorum Virorum memorias, quorum æmulatione effictissime affectabat martyrium. Unde semper absque ullo timore murum sese pro domo Dei opposuit, et circa Saracenos aggregandos Ecclesiæ, nullum periculum detrectavit. Quod etiam contra Mladinum Banum, aliosque fautores ipsius, opponendo sese impiis eorum conatibus, in priori sua fecerat ecclesia, et præsertim in Ungaricis turbis componendis; præcipua porro veneratione colebat memoriam sancti Petri martyris, ante aliquot annos, ex sua Dominicana familia ad cælum martyrii palma evocatum; cujus integrum brachium Zagrabiensi sponsæ relictum, adhuc in ea veneramur.

77 Sanctum quoque Thomam Aquinatem, quem docentem audiverat *g*, sicuti puritate vitæ angelicæ conabatur exprimere, ita zelo animarum lucrandarum, verbi Dei indefessa patientia æmulabatur. Cujus etiam gloriæ adaugendæ inter homines cupidus, nihil omisit, quo ipsius inter sanctos Viros relatio obtineretur a Sede Apostolica. Quam gratiam Deus illi ita concessit, ut antequam terrenam sarcinam deponeret, eodem ipso ultimo vitæ suæ tempore *h*, sanctum Doctorem suum, aliis Doctoribus in perpetua æternitate fulgentibus adscriptum, lætissimus coluerit; illudque Simeonis Justi, (cujus venerandum corpus ad admirationem, integrum in Jadreusi ecclesia magna pietate servatum, sæpius coluerat *i*) cecinerit: Nunc dimittis servum tuum, Domine, secundum verbum tuum in pace.

78 At sicut cygneum hoc carmen animo cecinit exultanti, ita Jeremiæ amaritudinibus ingemuit ingratae patriæ miseras olim comminatas, ante fatum suum reapse comprobatas. Eteuim anno ante obitum suum millesimo trecentesimo vigesimo secundo, cum Tragurienses et Sicensis cognoscerent, se ab impio Mladiu intolerabili tyrannide opprimi, excusso illius jugo, arma contra eum, Venetorum protectione freti, corripuerunt. Ille vero, ingenti exercitu comparato, integro mense Sicensis incredibilibus affecit iucommodis, universo illorum agro devastato, et in so-

A JOANNE TOMCO.

quem multis beneficii affecit,

E

et in quo post varia pia opera,

F

h

i

et eventum prædictam prophetiæ suæ veritatem

A JOANNE
TOMCO.

litudinem redacto : unde ipsimet cives nobile monasterium sancti Andreæ, manibus seraphici Patris Francisci fundatum extra mœnia civitatis, ne hosti foret munitio, solo æquare coacti sunt; sicuti aliud tale Deiparæ dicatum etiam ipsi Tragurienses affecere; ruinis hucusque factum attestantibus.

meritamque
Mladini
principis ul-
tionem,

79 Nec tot malis exsatiatus tyrannus, evocatos ex urbe Sicensi sub fide publica Saracenum, Michaëlem, et etiam filios Eliæ Radovanerii, totius urbis primarii civis, crudeliter in eodem agro gladio subiecit, sicuti pridem cum quarto eorum fratre captivo egerat. Inde ad campum Tragurii properans, consimilis feritatis effectus in eosdem patravit. Fuit attamen sancto Viro aliquo solatio, quod eodem anno procures Dalmatiæ atque Croatiae, cum ipso Paulo, fratre Mladini, impatientes ejus immanitatis, armis mutuo sumptis, tyranni sævitiam ita depresserint, ut captum deducerent ad regem Carolum, qui tum temporis prope civitatem Tininiensem *k* cum exercitu accesserat, vindicaturus indignam necem perpetrata parricidio et sacrilegio nepotis ex fratre ejusdem Mladini, in caput Paulini Draskovich Scardonensis episcopi. Unde magistratu spoliatus, captivitatem subire coactus fuit, in ipsa Zagabriensi civitate, in qua summa impietate sanctissimum vexaverat Episcopum.

k

B

l

anno 1525
sancte mori-
tur, et mira-
culis claret.

80 Verumenimvero non ita lætatus est justus cum juxta Psalmistam vidit vindictam, et lavit manus suas in sanguine peccatoris; sicuti iturus in domum Domini, lætatus est, quoniam Jerusalem suæ ecclesiæ ædificatam vidit, ita ut ubi alienigenæ, et Tyrus, et populus Æthiopum cubaverant, habitationem lætantium in umbra sanctissimæ Genitricis Mariæ reliquerit. Plenus itaque dierum, septuageuario major *m*, omibus Ecclesiæ Sacramentis munitus, ipso pervigilio magni sui patriarchæ Dominici, tertio nempe Augusti, tertio itidem supra trecentessimum ac vicesimum illius seculi anuo, ad laborum præmia evolavit in cœlum, innumeris miraculis perpetuo illustrissimus: quorum aliqua cum in Officio ejus anniversariæ memoriæ conscripto inferius apponendo referantur, alia autem peculiari libello de ejus miraculis conscripto circumferantur, unum illud subticendum nequaquam duco, quod vix alicujus sancti Viri meritis concessum legitur: Obsessos nempe a spiritibus immundis, quacumque arte diabolica occultos, ubi pedem intra terminos Lucerinæ ecclesiæ intulerunt, statim, frustra reluctante spiritu tenebrarum, prodi, cognoscique et ad ejus sepulchrum sanitati pristinae restitui.

m

C

ANNOTATA.

a Concilium istud Viennense anno 1311 celebratum est.

b Joannes Lucius lib. 4 de regno Dalmatiæ et Croatiae cap. 13 potentiam ac tyrannidem hujus Mladini ex antiquis monumentis refert.

c Hæc urbs cognominata est Luceria Saracenorum, eo quod Fredericus cum Saracenis ex Africa accitis habitandam dederit, ut Ughellus tom. 8 Italiæ sacræ in novissima editione Veneta col. 314 testatur.

d Is Pontifex ab anno 1316 usque ad 1334 Ecclesiam gubernavit, et forte primus Beato nostro cultum decrevit, ut in Commentario prævio vidimus.

e Jam dudum ex urbe Lucerina expulsi fuerant Saraceni, ut apud Raynaldum in Annalibus eccle-

siasticis ad annum Christi 1269 num. 1 et 1303 num. 55 videri potest. Poterat tamen inter Christianos adhuc aliqua corruptio ex veteri ipsorum consortio contracta superesse.

f Quamvis hæc narratio cum certiori historia ægre concilietur, tamen eam in Compendio prævio num. 38 utcumque explicare conati fuimus.

g Hic iterum recurrit erronea illa biographi opinio, de qua jam sæpe egimus.

h Cum Doctor angelicus quinto Kalendas Augusti anno 1323 in numerum Sanctorum relatus sit, ex his biographi dictis et secuturo ipsius computo sequitur, B. Augustinum paucis diebus huic canonizationi supervixisse.

i Aliæ ecclesiæ corpus S. Simeonis istius sibi etiam vindicant, ut apud Cangium lib. 4 Constantinopolis Christianæ pag. 86 videre est, et ad diem VIII Octobris accuratius discuti poterit.

k Tininium est urbs episcopalis in Croatia, de qua vide Joannem Lucium de Regno Dalmatiæ et Croatiae pag. 94 et sequente.

l De Mladini clade, et captivitate vide laudatum Lucium in opere mox citato pag. 203 et 377.

m Jacobus Echardus tom. 1 de Scripturibus Ordinibus Prædicatorum pag. 553 asserit, B. Augustinum circa annum 1260 natum esse; ex quo sequitur, beatum Præsulem non septuagenario majorem, ut scribit Tomcus episcopus Bossiniensis in Vita apud Sigismundum Ferrarium in Historia provinciæ Hungariæ edita, sed sexagenarium circiter aut paulo plus obiisse, ut ibidem bibliographus ille affirmat.

E

CAPUT VII.

Beati sepulchrum, reliquie, miracula et gloria posthuma.

Sepultus fuit intra ecclesiam sibi dilectam, suorum Fratrum domicilio, et sancti patris Dominici memoriæ, suoque receptui, ut diximus, constructam; quousque anno primo hujus seculi in aliud sepulchrum pretioso marmore elaboratum, non absque miraculorum frequentia translatus fuit. Statura fuit, ut ex sacris ejus indumentis, adhuc integris citra ullam vetustatis injuriam, comprehendi potest, excedens humanam ordinariam, et potius ad giganteam assurgens; et, ut antiquissimæ picturæ tam cathedralis, quam conventualis illius ecclesiæ exhibent, capite calvo, barba promissa, aspectu ingenuo lætiori: genæ, licet crispantem, ruborem tamen ostentant.

Beatus, cu-
jus forma de-
scribitur,

82 Nec solum sacra ejus indumenta, inter quæ cingulum, difficultate partus periclitantibus matronis applicatum, miraculis quotidianis elucescit, sed et reliqua omnia vestimenta regularia, et episcopalia, quibus indui consuevit. Pileus episcopalis imprimis, apostolicæ paupertatis ejus et humilitatis argumentum, populis ostenditur, illustrissimum; cum alioqui amplissimos provenus possideret. Est enim palea contextus, opere satis subtili et accurato, adinstar tamen messorum illius patriæ; superinducitur materia lanea Dominicanis patribus in superiori pallio nigro adhuc familiari, eademque pluribus centonibus, et interdum inæqualis materiæ et coloris, consarcinata; viridis tamen coloris funiculo, ut apparet, sericeo circumstringitur. Hujus pilei mirabilis virtus experitur, dum energumenum capiti-
bus superimponitur; sicuti rasura pulveris ex se-

post mortem
variis bene-
ficiis confert
per suas re-
liquias,

pulchro,

A pulchro, in quo nunc ossa sacra servantur, aliquo liquore ab ægrotis hausta, mira operatur.

83 Aliquot annis ab ejus obitu fama miraculorum ejus percrebescente *a*, concives olim ejus Tragurienses excitavit, ut transmissio Adriatico, accedrent Luceriam, furto sancti Viri reliquias ablaturi: uti iis exhumatis profundæ noctis beneficio, reliquias Civis sui, quocumque modo auferre possent, terrenæ patriæ restituerent. Navim itaque conscendunt, prosperoque vento, Fitorium incolis portum *b* appellatum, tenentes, relictæ in eo navi, ad Lucerinam civitatem brevi itinere contendunt, profundæque noctis beneficio socium corpus sublatum, læti successu rei, ad navim deferunt.

84 Quietē itaque ex sollicito labore præcedentis diei, et sequentis noctis capta, dum summo mane portum egredi volunt, animadvertunt, dolose partum evanuisse thesaurum. Mœrentes itaque, dum in littus egressi, omnia tam regiæ viæ, quam aliorum recessuum secreta rimantur, audiunt a pertranseuntibus viatoribus, sacra ossa illo ipso mane, quo marinis fluctibus committere sese cum opinata præda paraverant, ante ecclesiam sancti Dominici in urbe Luceria ab incolis inventa fuisse. Quibus auditis, Deo, et ejus Sancto rapinam minime fuisse acceptam experti, quanta maxima celeritate licuit, fraudati desiderio suo, repedarunt in patriam eventu rei mœstissimam, memores vaticinii sancti Viri de ossibus ejus per patriam non possidendis.

85 Sed qui ossa patriæ denegavit, patrociniū perpetuum erga eandem adauxit. Ut sicuti, teste Onia summo sacerdote, Jeremias, alias Jerosolymitano populo ad carceres et indignas molestias invisus, post mortem fuit fratrum amator et populi Israel, orando pro eo et universa sancta civitate: sic eodem ferme tempore, quo sacram rapinam irritō eventu Tragurienses tentarant, Mladinus tyrannus, dignitate, fortunisque omnibus spoliatus, instar Jasonis alterius tyranni, Machabæorum historia infamis, postquam principatum non obtinuit, ut notat sacer Historicus, spem insidiarum confusionem accepit: fugiens enim de civitate in civitatem, ut refuga legum et execrabilis, intercedente sanctissimo Præsule pro suis civibus, in Traguriensium tandem hostium suorum manus incidit, quibus talem animorum mansuetudinem sanctus Civis impetravit e cœlo, ut hostem acerrimum, diis hominibusque invisum, (absque dubio ejusdem sancti Præsulis intercessionem) resipiscens, et ad bonam frugem redeuntem, quamdiu supervixit, commodis et obsequiis coluerint, eidemque mortuo nobile sepulchrum, pietatis Tragurinæ perenne monumentum, in sua cathedrali, cum sequenti posuerint inscriptione, ad hanc usque diem inarmoreo tegumento, ante marmoream ibidem cathedram, sive Euangelici verbi ad cives habendi pretiosum suggestum, exstante, stylo illorum temporum non ignobili.

85 Heu! gemma splendida jacet sub hac petra }
Cujus valor periit nunc in fossa tet }
Mladinus, magnificus qui Clissæ *c* fu } it
Comes, suis sola spes, cur tam cito ru }
Georgii *d* comitis memoriæ bo } næ *f*
Natus, atque dominus Almisi *e*, scardo }
Probitatis titulus, morum et hono } ris
Ut flos vernans defuit vir tanti valo }
Croatorum clipeus fortis et ipse er } at
Inter omnes fortior volens sive quer }

Ejus mortem impiam cerno pro peccat }
Slavoniæ gentium evenisse grat } is
Flete Slavi nobilem nepotem Banor } um
Largam vestram copiam pacis et honor }
Sic preces altissimo date Creato } ri
Quod ipse misericors parcat peccato }
Hic annorum Domini sub cursu mille } ni
Trecenteni insuper atque quadrage }
Octavo sub mensis... die pri } mo
In Calendis Maii traditus est fi }
Cum bona sui memoria mors ipsum vora } vit
Deo reddens animam, qui mox expira }

Hactenus epitaphium pro barbarorum temporum stylo, quanta maxima diligentia fieri potuit ex marmore, jam transeuntium pedibus attrito, vel unius vocis lacuna hiantē, teste.

86 Idem, qui civibus suis adauxit patrociniū, Sicensibus etiam in factione Mladini concivium suorum sociis, minime defuit, ne forte et originis suæ maternæ oblitus videri posset. Etenim proscripta aliquando universa Dragœviorum familia, et bonis ejus fisco addictis, vertere solum coacta, eo quod rea censeretur occultationis et suppressionis aliquarum scripturarum, odio principis sui, publicum bonum concernentium; cum nullum modum purgandæ suæ innocentiae humano studio occurreret, ad sancti Viri consanguinei sui patrociniū confugiens, præsentaneam ejus opem experta est.

87 Oranti namque Patri-familie adest, idem monet perfodi murum, designato domus aviticæ loco: ibi enim ærumnarum remedium præsto futurum. Dictum factum, aperto muro, scripturæ olim ab antenatis incendiorum timore conditæ et inventæ, familiam domui, libertatique restitunt, nec absque fœnore: etenim dilapidati loco patrimonii, nobilis Colentina insula *g*, duobus oppidis Ptolomæi tempore culta, perpetuo posteritatis beneficio donatur. Exstat tantæ rei monumentum eodem muro nobilis marmorea statua, egregio opere elaborata, Dominicano habitu induta, sed episcopali infula redimita, solio insidens, gentilitiis stemmatibus illustris, ita ingredientibus atrium domus e regione exposita, ut eosdem præstiti beneficii monere videatur.

88 Alia admiranda, quæ ex remotissimis Christiani orbis partibus variis affecti morbis ad sacrum illius sarcophagum experiuntur assidue, sicut diximus, missa facimus. At, quod nuper totius illius provinciæ admiratione contigit, absque piaculo omittere non licet. Vulgata, et toto orbe cognita est infelix ruina civitatis a sancto Severo *h* appellatæ, a Luceria exiguo spatio remotæ, a multis seculis inaudito terræmotu, quo et maria longe recesserunt a littoribus, et lacus amplissimi aruerunt ad tempus, cum pluribus oppidis et pagis prostratæ *i*. Verum cum jam irato Deo, Apulia tota in antiquum chaos ferri videretur, aperta tellure omnia ferme vel invertente, vel devorante, Lucerina tamen civitas, et diœcesis, dum omnia circumcirca in extremo essent periculo, dum concussione terræ, omnia paterent, disjicerentur, everterentur, illæsa et inoffensa permansit, apparente omnibus inspectantibus, supra civitatem matrona candidissimis vestimentis effulgens, et penes illam quodam, episcopali ornamento induto, illa ipsa proportionem, et aspectu, quo imago santi Præsulis Luceriæ colitur. Quæ visio tam diu inspectantium oculos tenuit, quoad effectus iræ divinæ in circumcirca sitis terris debacchata est.

A JOANNE
TOMCO.

et consanguineos suos afflictos

E

ab infamia liberavit;

g

F

atque ob præservatam a terræ motu Luceriam

h

i

A JOANNE
TOMCO.
soleniter
patronus i-
stius civita-
tis non ita
pridem ele-
ctus est.

89 Hinc certa fides tenuit, Deiparam, cujus nomine civitas denominatur, et sanctum Augustinum plebi invigilasse suæ, et a ruina imminente illam præservasse. Quamobrem, licet hactenus anniversaria illius memoria a vespers secundæ diei Augusti per totam tertiam diem solenni pompa, tamquam festi de præcepto, eulta fuit a clero, civibus, et ditione universa; attamen post præfatum mirabile factum, senatusconsulto civitatis, in peculiarem Patronum ejusdem est adscriptus, anniversariaque solennis processio, sive supplicatio, ad ecclesiam S. Dominici instituta.

ANNOTATA.

a Videtur legendum percrebrescens, ut verbum excitavit habeat suum nominativum.

b Frustra apud topographos et in mappis geographicis hunc portum quæsi, nisi forte indicetur Manfredonia, urbs Apuliæ Dauniae maritima, quæ olim Portus Capitaniatæ vocari consueverat, ut Leander Albertus in Latina Descriptione Italiæ pag. 376 testatur.

c Clissa est munita Dalmatiæ arx in prærupta rupe cum parvo tractu adjacente; unde hunc comitem Clissæ cognominari existimo.

d Is fuit pater Mladini, ut Lucius in præfatio opere pag. 213 indicat his verbis: Eodem tempore Tragurienses cum comite Mladino Clissi, qui patri Georgio successerat controversiam de via sive de transitu prope Clissum composuere.

e Almisum vel Almisum est maritima Chulmiæ civitas, de qua apud laudatum Lucium lib. 4 de regno Dalmatiæ et Croatiæ cap. 4 plura lector inveniet.

f Jam sæpe laudatus Lucius lib. 1 proxime citati operis cap. 4 pag. 25 de hac urbe sic scribit: Scardonam, Liburniæ civitatem, prope Titii ostia, in sinu ab ipsa Scardonitano dicto sitam fuisse nomen ruinæque adhuc exstantes argumento sunt, etc.

g Est insula maris Adriatici, quæ non procul Tragurio distat.

h Alias vocatur Severopolis vel Fanum sancti Severi, estque urbs episcopalis Apuliæ sub archiepiscopatu Sipontino, ad quam episcopatus Civitatis a Gregorio XIII Pontifice translatus est, ut apud Ughellum in Italia sacra editionis Venetæ tomo 8 col. 270 licet videre.

i Hic terræ motus contigit anno Christi 1634, ut in libello Flandrico, de vita et miraculis B. Augustini edito, pag. 32 affirmatur.

MIRACULA ANTIQUIORA

Quæ post mortem Beati contigerunt.

Ex veteri Ms. Officio Lucerino, quod cum editione Sigismundi Ferrarii contulimus.

a
B. Augusti-
nus sua in-
tercessione

b

Augustinus civis Traguriæ urbis ex nobilissimis et sanctis parentibus a originem duxit, qui a pueritia Ordinem Fratrum Prædicatorum intrans, et litterarum studiis eruditus superna sibi providente clementia, gemina scientia, scilicet divina et humana b, efficacissime claruit; ac

etiam in tantum fuit purus, innocens, Deum colens, verax, pius, mitis, et ab omni pravo opere abstinens, quod civitatis Lucerinæ defuncto episcopo, tempore Pontificatus sanctissimi Patris ac Domini Joannis Papæ XXII, divina inspirante gratia, fuit electus et confirmatus in episcopum Lucerinum, et infinita miracula, quæ mirandus Deus ostendit meritis venerabilis patris Augustini episcopi civitatis sanctæ Mariæ e tam in vita quam post mortem nemo posset lingua reserare.

2 Sed ne sanctissimi Viri fama negligatur, valeat fidelium Christianorum dilectio apertis auri- bus perpendere, quot miracula post ipsius obitum ipse pietatis Auctor omnibus propter ejus merita ostendere voluit: nam die tertio mensis Augusti, quo dictus F. Augustinus obiit, cum tota ecclesia FF. Prædicatorum plena esset hominibus, qui dicti F. Augustini venerabile corpus visitare convenerant, Paschalis de Quarata * comestabulus capitanei civitatis prædictæ, ne præ multitudine hominum ibi astantium aliquod periculum emergeret, accedens ad eandem ecclesiam, cum vellet ipsos homines retrahere, quia magna erat impulsio hominum eorumdem, et esset prope foveam, in qua ponendum erat venerabile corpus episcopi memorati, impulsusque fortiter, inter homines prælibatos in dictam foveam cecidit; in quo casu ensis, quem tenebat ad latus, de vagina exivit, et pomo ipsius in terra præfixo, puncta d bene acuta erecta remansit in alto, super quam punctam idem comestabulus pectus præfigens, in quod non intravit puncta præfata; sed statim curvata est usque ad pomum suum in terra præfixum, in nullo lædens præcipitantem eundem.

3 Die vigesimo dicti mensis Augusti mulier, nomine Odina, cujusdam de Bononia e, cum ex mor- su canis haberet tibiam rubeam et tumefactam, concepta devotione ad beatum Augustinum prædictum, ad ejus sepulcrum accedens, supra quod aliquantulum requiescens, statim perfecte surrexit curata, sed remanserunt in dicta tibia solummodo foramina dentium dicti canis ad Sancti miraculum ostendendum.

Eodem die quidam, nomine Philippus de Florentia, patiens rigores febriles, cum ad dictum sepulcrum accessisset, devotione concepta, ibi aliquantulum quiescens, statim curatus ab omni infirmitate surrexit.

Eodem die Isolda, uxor Nicolai apothecarii de civitate sanctæ Mariæ, patiens maximum tumorem in gutture, ita quod vix comedere posset, cum ad dictum sepulcrum, concepta devotione, venisset, ibi cum devote procumberet, statim tumor disparuit, et surrexit abinde perfecte curata.

4 Die vigesimo sexto ejusdem, Auribella de Foggia longo tempore vexata a dæmone, non valens una hora quiescere, ad dictum sepulcrum cum devotione portata, perfecte fuit protinus liberata.

Die vigesimo septimo, quidam, nomine Guilelmus, de civitate prædicta, cum multis annis passus fuisset febrem quartanam, concepta devotione ad merita venerabilis Episcopi, emissoque voto, accedens ad sepulcrum prædictum, ubi cum devote orasset, petens a Deo ejusdem Sancti meritis, ex tunc se sensit a quartana febre curatum.

Eodem die Rainaldus de Barulo eum per bien- num passus fuisset gravem dolorem lumborum, ita quod non posset de uno loco ad alium se mo- vere, concepta devotione, ad dictum sepulcrum

cum

D

c

quemdam ab
imminente
mortis peri-
culo servat,

* alias Qua-
rato

E

d

et multos fe-
bricitantes,
e

F

energumē-
nos,

A cum reverentia veniens, ibi cum devote orasset, beati Augustini meritis statim surrexit perfecte curatus ab omni infirmitate doloris.

multos, 5 Die vigesimo octavo ejusdem, Marcus, filius Anglæ, de civitate sanctæ Mariæ, cum a sua nativitate habuisset brachium dextrum desiccatum, ejus usum totaliter amiserat naturalem, ad dictum sepulcrum cum devotione portatus; supra quod aliquantulum procumbens, statim cum brachio curato surrexit.

f id est loquelam 6 Eodem die Guillelmus, filius Philippi, de Lucceria, cum a mense maii sextæ Indictionis f tunc currentis ex quadam infirmitate tunc superveniente verbum * totaliter amisisset, ita quod nullo modo loqui valeret, nec aliquod verbum de ore suo proferre, ad dictum sepulcrum cum devotione accedens, ibi cum devote procumberet, continuo fuit sibi beati Augustini meritis loquela pristina restituta.

B 6 Romualda de sancto Severo quemdam habens filium, patientem caducum pessimum morbum, devote beatum exoravit Augustinum, ut filium sibi daret totum liberum; qui ad ejus sepulcrum portatus, protinus surrexit curatus.

morbum caducum patientes, Eodem die Margarita, soror Romanellæ, de civitate sanctæ Mariæ, cum numquam a nativitate sua vidisset, et totum corpus haberet contractum et curvum totaliter, ita quod nullo modo posset erecta incedere, sed quasi ventrem in terram protraheret, ad dictum venerabile sepulcrum cum devotione portata est; super quod paululum orans, et de pulvere præfati sepulcri cum suis abstersisset oculos, protinus plene illuminata ac extenta et erecta surrexit, ab utraque infirmitate curata.

Eodem die Joanna, de civitate sanctæ Mariæ, cum esset in tantum contracta et curva, quod erecta nullo modo ambulare posset, et esset omnino surda, quæ nihil audire poterat, concepta devotione accedens ad sepulcrum prædictum, ibi aliquantulum orans, fuit statim ab omni sua infirmitate curata.

caros, 7 Eodem die Gregorius, privignus Joannis de citrario, de civitate sanctæ Mariæ, qui visum totaliter amiserat, concepta devotione et emissio voto, quod ad honorem beati Augustini præfati sex Missas cantari faceret, et cereum unum accendi super ejus sepulcrum, continuo fuit sibi visus restitutus, et vidit.

C alias Henricus 8 Henricus * de Septem fratribus, habitator civitatis sanctæ Mariæ, magnis oppressus doloribus, ita quod aliquo raro poterat ire, quia erat valde totus de persona contractus g, quia juxta prædictum mirum sepulcrum positus fuit, rediit ad propria pedibus suis sanus.

contractos 8 Eodem die filius Bartholomæi Mucii de Apicio, qui septem mensibus ambulare non poterat, habens crura omnino contracta, cum per parentes ejus fuisset ad dictum sepulcrum cum devotione portatus, fuit statim sanitati pristina restitutus, et ambulavit, ut sanus.

h Eodem die Joannes de Santorello, et ballivus de Monte-leonis h cum paterentur febrem acutissimam, concepta devotione ad beatum Augustinum prædictum, dixerunt cum desiderio: O utinam haberemus aliquantulum de pulvere sepulcri beati Augustini, et ipsum pulverem in aqua positum biberemus! Post ejus potum firmiter speramus consequi sanitatem. Quibus verbis sic devote prolatis, continuo febre cessante, perfecte se senserunt, a qua affligebantur, infirmitate sanatos.

Eodem die Romualda, de sancto Severo, habens quemdam filium patientem morbum caducum, de quo nullis poterat remediis liberari, concepta devotione per eum ad beatum Augustinum præfatum, dictum filium suum ad ejus sepulcrum cum devotione portavit: et positus super illud, post paululum surrexit perfecte curatus.

9 Nobilis Helena, de Casali-novo, vexata semper erat a dæmone, qui tam hiemali tempore quam æstivo raro sinebat ipsam quiescere; nec aliquo remedio potuit liberari, donec ad sepulcrum sacrum se fecit transportari. Mirum et magnum prodigium factum fuit meritis sancti Augustini.

Eodem die Joannutius filius Joannis Hippolyti Buvieri *, de dicta civitate sanctæ Mariæ cum numquam vidisset, eo quod omnino visu careret i; quem ejus pater concepta devotione ad dictum sepulcrum cum maxima devotione portaret, ipsumque per manum conduceret, ut fuerat consuetus, dum illuc pergerent, dictus Joannutius ait: Pater, dimitte me, quia bene et clare video, et per me sine conductore ambulare possum. Et fuit visus miraculose restitutus eidem.

10 Eodem die Flora, uxor Nicolai de Aqua nigra, de civitate sanctæ Mariæ, siugultum gravissimum patiens, cum nullis posset remediis liberari, ad dictum sepulcrum cum devotione accedens, ibique morans per horulam, fuit protinus ab omni infirmitate curata.

Eodem die Leo de Longobuvo *, de prædicta civitate, qui a mense Maii anni sextæ Indictionis auditum ambarum aurium totaliter amiserat nihil audiens; emissio voto, ad dictum sepulcrum cum devote orasset, statim recuperavit auditum.

Pretiosa, filia Guarnatæ, patiens in gutture dolorem maximum, ita quod proinde etiam amiserat verbum, cum ad sanctum sepulcrum venisset, et de ipsius terra bibisset, statim gutturis tumor disparuit, et ipsam Dei gratia sanavit.

Eodem die notarius Odorisius de Monte Odori, de civitate prædicta, cum longo tempore de auricula dextera non potuisset audire, accedens cum devotione ad dictum sepulcrum, et de pulvere, qui erat super ipso sepulcro, in dicta auricula ponens, statim dicti beati Augustini meritis recuperavit auditum.

11 Die penultimo ejusdem, Henricus de Septem fratribus k, habitator civitatis sanctæ Mariæ, qui per triennium graves et varios dolores passus fuerat in toto tempore, ita quod erat exinde totus de persona contractus, qui nec pedes, nec eques per se solum poterat ambulare, concepta devotione, ad dictum sepulcrum portari se fecit in quodam asino: qui juxta venerabile sepulcrum prædictum positus, post paululum surrexit, perfecte ab omni, qua affligebatur, infirmitate curatus, et rediit ad propriam domum suis pedibus.

Eodem die Angela, uxor Malafonii *, de civitate sanctæ Mariæ, cum vexata a dæmone semper esset per quatuor annos, ita quod quiescere non valeret; ad dictum sepulcrum cum devotione portata, statim fuit liberata perfecte a vexatione præfata.

12 Bartholomæa de Alesiua, filia Severi, fuit semper surda atque muta omni tempore sui ævi. Devotione concepta, prædictum patrem suum petit, ut ferretur ad beati Præsulis sepulcrum.

EX MS.

a dæmone vexatos,

alias Bucerii.

i

E

surdos,

alias Longobuco

F

paralyticos, k

alias Malafonii

calculo laborantes,

Et

EX MS.

Et postquam in ecclesia sancti Antistitis fuit, loquens et audiens, lætabunda inde recessit.

Eodem die Matthæus Maccaronus, de civitate prædicta, cum pateretur duplicem tertianam, concepta devotione ad beatum Augustinum prædictum, de cuius sepulcri pulvere cum aqua cum devotione potarat, fuit protinus post potum ipsum ab omni infirmitate curatus.

* id est calculi

l

Eodem die Rainaldus, filius Francisci Leonis, de civitate prædicta, vitium petrae * in virga patiens, ita quod a carnisprivio prædicti anni sextæ Indictionis l numquam libere et absque dolore mingere potuisset, ductus a matre sua cum magna devotione ad sepulcrum prædictum, statim libere minxit ibi proprie bis in maxima quantitate sine aliquo dolore, totaliter ab omni infirmitate curatus.

* alias Dopprina Helena

B

aliisque morbis afflictos

Eodem die Dopprina Henela *, de Casali-novo, vexatata per virginti annos a dæmone numquam quiescere valens, nec alio remedio liberari, ad dictum sepulcrum cum devotione portata, fuit protinus a qua tenebatur vexatione dæmonis liberata.

13 Die ultimo ejusdem, Philippa, filia Nicolai de sancto Germano, de Luceria, cum de uno oculo nihil videret, ad dictum sepulcrum per matrem suam cum devotione ducta fuit, et statim plene illuminata est.

Nicolaus, dictus Calaber, civitatis sanctæ Mariæ habitator, mœstus stabat, eo quod erat nemo prolis suæ curator, et sic infirmabatur graviter, atque desperabatur leviter. Cumque pater de sui filii nece condoleret, de sepulcri terra arripuit, ut ori imponeret m.

m

suo patrocini

n

14 Die primo Septembris septimæ Indictionis n, Mansella de Casali-novo per multos annos vexata graviter a tribus dæmonibus, non valens aliquibus remediis liberari, cum per virum suum ducta fuisset ad ecclesiam sanctæ Mariæ de Oliveto, vivente tunc sancto Augustino præfato, et in suo episcopatu Lucerino morante, dum iter arriperet, dæmones in dicto corpore commorantes cœperunt altis vocibus clamare et dicere: Augustinus faciet nos hinc exire, ignorantibus, qui ipsos audiverant, de quo Augustino dixissent. Obeunte postmodum præfato Augustino beato, propter multa miracula, quibus idem clarescere cœpit, post obitum dictus vir jam dictæ dæmoniæ ad dictum sepulcrum ipsam cum devotione portavit. Quibus illuc pergentibus, duo prædicti dæmones ad idem sepulcrum non præsumentes accedere, in itinere de ejus corpore abierunt: in quorum exitu bovem unum, ibi pascendo morantem, subito necaverunt. Tertius autem, qui ibi remanserat adhuc clausus, protinus quod dicta mulier ad dictum sepulcrum accessit, de ejus corpore exivit cum maximo gaudio o.

o prodigiose sanat.

15 Quidam, nomine Simeon, de Barulo, civitate valde percussus, poscit a filio suo Nicolao, quod manualiter sit ductus ad ecclesiam, ubi sancti Episcopi erant reliquiæ, ut super ejus oculos deberent FF. Prædicatores illas cito apponere: qui flentis precibus moti, compleverunt votum cæci. Respiciens sanctus Præsul ejus humilitatem ac devotionem, clementia Salvatoris cæci oculis dat illuminationem.

ANNOTATA.

D

a *Ferrarius tantummodo legit aut dixit, ipsum ex nobilibus et piis parentibus ortum esse.*

b *Ferrarius ibidem geminam scientiam, scilicet divinam et humanam, pro philosophica et theologica accepit. Sed hujusmodi levioris momenti discrepantias deinceps non annotabo.*

c *Hic significatur civitas Lucerina, cui nomen sanctæ Mariæ ante episcopatum B. Augustini impositum fuit, ut in Commentario prævio num. 36 et sequente diximus.*

d *Puncta, id est mucro, ut ex sensu satis patet. Nos volumus fideliter antiquam hujus miraculi narrationem transcribere, quam Ferrarius ita mutavit: Quo casu ensis, quo erat accinctus, de vagina egressus est, et pomo ipsius terræ infixus, erectus mucro bene acutus Paschalem recta per pectus excepit, omnino transfigendum; sed beati Augustini auxilio, mucrone ad pomum curvato, ab omni læsione liber evasit.*

e *Laudatus Ferrarius habet: Mulier nomine Odina, cujusdam de Bononia uxor. In Ms. nostro Officio non legitur uxor, nec hanc vocem addere volui, quia forte hoc loco mulier pro uxore accipitur.*

f *Mense Maio currebat Indictio sexta, quæ denotat annum Christi 1323, quo B. Augustinus ad Superos migravit.*

g *Ferrarius in Officio edito hæc clarius sic expressit: Quod esset toto corpore contractus.*

h *Idem Officii editor legit Ballictus Macteleonis. Utra lectio sit præferenda, ignoro.*

i *Sensus juxta syntaxim non cohæret; quod hic semel notasse sufficiat, dummodo in aliis significatio utcumque intelligatur.*

k *Supra mentio facta est, cujusdam Heurici vel Herrici, qui etiam de Septem fratribus cognominatur, et simili fere morbo laborabat. Quare dubitamus, an hoc loco idem miraculum repetatur, quamvis hic plures circumstantiæ adjungantur.*

l *Tempus, quod hic exprimitur a carnisprivio prædicti anni sextæ Indictionis significat, Rainaldum illum a Quadragesima anni 1323 usque ad finem Augusti, calculo laborasse. Porro Ferrarius in eodem Officio narrationem illam sic libere mutavit: Eodem die Raynaldus, filius Francisci Leonis, de civitate prædicta, calculo laborans, ita ut multo tempore libere et sine dolore urinam emittere non posset, ductus a matre sua cum ingenti devotione ad sepulcrum, ibi emissa urina absque dolore in magna quantitate, totaliter est ab infirmitate curatus. Ita quidem ille elegantius, sed non fidelius.*

m *Videtur hic in Ms. nostro aliquid deesse, quod Ferrarius ita mutavit ac supplevit: Nicolaus Calaber, civitatis sanctæ Mariæ incola, tristabatur graviter, quod filio infirmo ac desperato nullum esset remedium; qui in B. Augustinum fisus, persensit auxilium: nam de sepulcro arripiens pulverem, ori infundens, erexit eum sospitem.*

n *Hinc liquet, Indictiones eo tempore etiam in civitate Lucerina a Calendis Septembris initium sumpsisse: nam hic a primo die Septembris anni 1323 numeratur Indictio septima, cum supra mense Maio ejusdem anni Indictio sexta computetur.*

o *In Ms. nostro legitur dæmon euergumenam reliquisse cum maximo gaudio, cum tamen Ferrarius dicat, ex corpore mulieris obsessæ exivisse cum maximo ululatu. Potest autem intelligi, quod malignus ille spiritus exierit cum maximo gaudio, quia forte ibi vehementius torquebatur.*

E

F